







22

XVII or 154 bar

1A-15-B-8





12-22-0-2





I

# Philosophus BONÆ MENTIS.



ROMA  
VITTORIO EMANUELE



Qui Jura scripsit, Posteris Mentis Bonæ  
Sophum reliquit : Icone en vivit suâ;  
Avo Nepotes Mente quam bonâ sacrant.  
joan. Fredericus et Guil. Theodosius  
à Walhorn, dicti Deckher Avo.  
M.V.Hellemont pinxit E.V. Ordonis sculpsit

PHILOSOPHVS II

BONÆ MENTIS,

Nobilissimi & Amplissimi Domini,

D. JOANNIS A WALHORN,

DICTI

DECKHER,

IN SUPREMO CONCILIO BRABANTIÆ

SENATORIS REGIJ.



BRUXELLIS,  
Apud MARTINUM DE BOSSUYT, dictæ  
Urbis Typographum, Viâ lapideâ, sub Signo  
S. Petri, M. DC. LXXIV.

---

*Cum Privilegio Regis.*

12.27.07

Præ-nobili ac Generoso Domino ; III

D. NORBERTO

VAN ASSCHE,

EQUITI AURATO,

*Toparchæ de Gutsenhoven , & Over-  
en - Neder - bessen ,*

BRABANTIÆ ORDINUM

THESAURARIO, &c.

*Bonarum Literarum Fautori & Macenati  
Munificentissimo.*



Rodit è tenebris Bonæ  
Mentis Philosophus, NOBILIS AC GENEROSE  
DOMINE, Opus Posthumum Charissimi mei Parentis, Scriptis clarissimi, in Supremo Brabantie

\* 3

Se-

EPISTOLA DEDICATORIA.

Senatu, Regi, dum viveret, à Consiliis. Prodiit; sed Mæcenatem quaerit, sub cuius tutela securus deliteſcat, cuius Nominis ſplendore univerſo Orbi innotefcat. E paucis, quibus hœc ævo Bonæ Mentis Studia cordi ſunt, Te. Virum Bonæ Mentis elegi, cui *Philophum* hunc *Bonæ Mentis*, bonâ mente do, dico, conſecro. Tibi debebatur noviffimus hic Parentis mei fœtus, & multis quidem titulis: cùm enim non parva tuæ Dignitatis & Nobilitatis (ut qui ex antiquiffima Lovanienfium Prolapia, quæ Conſilij Privati Præſidem, quæ Legatos habuit ad Galliarum & Angliæ Reges, ortum trahas) apud omnes ſit æſtimatio: non aliâ potiùs, quàm Nominis tui inſcriptione, Parentis mei inclareſcet labor, & exilis hic etiam in pretio Libellus erit. Nec ſo-

lius

EPISTOLA DEDICATORIA.

lius Nobilitatis & Dignitatis tuæ  
consideratio me impulit, ut hunc Ti-  
bi Libellum offerrem; sed & ipsa, &  
potissimum quidem, beneficiorum  
tuorum in me collatorum suavissima  
recordatio, dum simul in Collegio  
Divæ Lovanij, Studiis Academicis  
operam dedimus. Non poteram, quin  
ad pedes tuos, in Gratitude monumentum,  
hunc Libellum devolvere,  
*Bonæ Mentis hunc Philosophum Tibi*  
consecrare. Accipe quod offertur,  
fronte serenâ, mente benignâ: meque  
interim catalogo eorum insere, quos  
ad obsequium tuum omni horâ, om-  
ni momentô paratissimus habes:

*Pra-nobilis ac Generosa Dominationis Vestre  
aeterno gratitudinis Sacramento devinctus  
Cliens,*

CONRADUS AQUILA A WALHORN,  
dictus DECKHER, Filius.

IN

IN PHILOSOPHVM  
BONÆ MENTIS

*Nobilis & Amplissimi Viri*

JOANNIS A WALHORN,  
Dicti DECKHER,

PATRIS SUI DEFUNCTI,

Quondam Regij Consiliarij,

*Heroica duplici Chronico ornata.*

3348.

DOCTA ITERVM VIVAX NVNC  
EST VOX: MENTE DOCENTE,

MAXIMVS VT DVX, ECCE SO-  
PHVS DECHERIVS ORBI EST.

*Guilielmus Theodosius à VValhorn\*, dictus  
Deckher, natu maior Filius.*





# PHILOSOPHI

BONÆ MENTIS,

Liber primus.

---

## CAPUT PRIMUM.

*A vera Dei Notitia bonam mentem esse.*



Icèt in exiguum ævi gignatur homo: maximis tamen rebus consummandis longum fatis, si in tam veloci, & rapido temporis decursu cognoscat cui nascitur, & moritur, & quomodo utrumque in suum bonum. A Deo principium & in Deum finis. Utriusque extremi notitia non longâ annorum serie paratur. Nusquam abest magnum illud Numen: & cujus ætati congruum, & benignum.

nignum. Indè disce, quid debeas quod hîc sis : & foeliciter definas in eum, à quo, ut esses, habuisti. Omnia debes illi, qui dedit omnia. Quo sis gratus tu te totum illi redde, & ille te tibi reddet meliorem, principio & fine in tuam beatitatem, & ejus gloriam coiturus. Hæc cogitatio te decet : non autem breviori vitæ ingemiscere. Vive hodie, qualem te posterâ die velis laudari. Dabit hoc boni certitudo. Absit animi fluctuatio. Nihil turpius homine boni dubio, & ad indaginem ejus pedem modo proferente, modo referente : Et cui non est, quò tendat, & arcum dirigat ; sed,

*Pers. satyr.* Passim sequitur corvos testag<sub>3</sub>, lutoq<sub>3</sub>

3. *Securus quo pes ferat, atque ex tempore vivit.*  
 Ipsa levitas nihil certum secuta, novisque consiliis in alia atque alia jactata sibi tandem displicet, vitamque nulli rei bonæ impensam transisse, non ire dolet. Proponendus est finis, ad quem dicto, factoque nitamur, veluti peritus Navita ad aliquod fidus carinâ neptunium metitur regnum : quis finis ? summum Bonum. Vita quæ extra illud vagatur, miserrima est : omnis autem vaga, quæ in Deum non recta. Ad eum ibis, si bonus sis. A te non es : fieri debes ab eo, sine quo nemo bonus :

ut

ut bonam mentem non malè vocaveris Deum in humano corpore hospitantem : hæc quærenda est primum. In ea vivendum , & moriendum : sic tranquillo vixeris animo, & læto morieris. A vitâ trames ad mortem totus virtute demiratur , nè vitiis interruptus vel rerum inutilium moris hiulus ad summum illud, aut nunquam , aut difficilius pertingat. Quam indignum ! si te in improbis laboribus operosè sedulum , ex alienis judiciis semper suspensâ ambitione defatigatum , avaritia sordidum , superbiâ invisum , alienæ magis fortunæ invidum quam tuæ satagentem , inertiâ torpentem , otio marcidum , oscitantemque , & continuis voluptatibus pallidum, breviter, ignarum veri, cupidum mali te ultima deprehendant fata ? Nè te quoque occupet , & lasset vanum argutiarum , & speculationum tormentum , à quibus stultissimos fieri, nec ad sapientiam nutriri homines existimo : nec majorem fructum indè , quam ex Euclidis demonstrationibus perceperis. Veræ sapientiæ est cognoscere , quid expediât : illud autem expedit potissimè , quod bonam facit mentem. Hujus quisquis haves esse, Deum probè nosce , & eris : ni noveris non fies. Quid enim extrâ Deum sapis ? nolim te

malè sano fatigari scrutinio, quid nam sit Deus,

*Menander.*

*Impium est*

*Eum discupere scire, qui sciri nevol.*

Illum nemo vidit unquam. Si proprius explorator accesseris, circumfuso luminis fulgore hebesces ilicò. Placeant atria: mortali non patent adyta. Piè cavendum aliquid de eo sentire, quod non sit. Qualis sit, bona est investigatio. Et ejus perfecta cognitio æmulum Dei facit ad bona: ignorantia erronem in mala: nam

*Primæ scelerum causa mortalibus agris*

*Sil. Ital.*

*Naturam nescire Dei:*

Virtutum noscere. In Deo enim noto panditur omnis boni fons, cujus saluberrimis undis mens irrigata virtutem imbibit, & protinus fit bona.

*Petite hinc juvenesque, senesque*

*Pers. saty.*

*Finem animo certum, miserisque viatica canis.*

*s.*

At qualem, inquires, mente concipiam? circum te fluentibus documentis scies. Incorporeus est, cujus inaccessam gloriam corporeus oculus innoxio non fert aspectu: ut tamen aliquantum patefieret, chlamidem circumdedit supernè corusco cælorum auro illusam: deïn variæ figuræ per liquidum aëra ludentis inter textu discretum, & pulverante telluris symmate defluam,

luam, orasque circum pulchrâ undosam  
 Amphitrite. Sub hac rerum universitate,  
 velut sol sub piceâ nube, nè radiis noster  
 eriat, obtutus, magnus ille Deus se no-  
 vis fecit publicum. Quem, rogas? Præ-  
 dentem mundo, universâ, ut sua, tempe-  
 ando, humani generis tutorem, singulo-  
 rum curiosum, omnia habentem, omnia  
 gratis tribuentem. Hujus notitiâ semen  
 religionis, quod homini divinitus est in-  
 persum, posset educi, in probum cultum  
 irascere floridus, nisi vel malitiâ corru-  
 tum sese irreligioso in Deum impiet pu-  
 ore: vel inscitâ totum degenerare factifi-  
 cet in vana & improba germine.

Hac in re potens fuit omni ævo malitia,  
 um aut negat Deum esse: aut rerum hu-  
 manarum nescium includit ætheris cancel-  
 s, quo liberius indulgeat malo. Nec mi-  
 us execranda est inscitia, quæ magna te-  
 neritate lasciviens superstitionem parit,  
 mentis ludibrium, & religionis pus ac ve-  
 nenum, divinum exhibendo cultum,  
 cui non debet: vel cui debet non eo mo-  
 do, quo debet: sicque in Idolatriam abit,  
 rincipale, ut ait Tertullianus, *crimen ge-  
 neris humani, summum seculi reatum, totam  
 usam iudicii*. Esse Deum, & colendum  
 esse quid juvat scire, si scientiâ illâ per-

ignorantiæ noctem volatili tenebricus ,  
 abripiatis in celebri tui figmenta , & pro-  
 cumbas Idolo ? frustra quoque externâ  
 sanctimoniâ divinæ consentis regulæ , &  
 delicta graviora caves , si intus concupis-  
 centiæ in illa , quæ caves ebulliat. In  
 Diis adinveniendis & asciscendis , eorum-  
 que cultu humanus error impunius serpsit,  
 & ideò latius quia licitum visum est, quid-  
 quid affectus comminisceretur. Eamus  
 ad gentes. Quos non Deos fabricata est  
 antiquitas ? quos non habitus ? quibus ali-  
 bi hominum , alibi ferarum , alibi ex di-  
 versitate corporum mixtis indutos stupet  
 populus. Satyrâ mordetur Ægyptus, cui  
 Deos porrum , & cepe dederunt horti ,  
 Nilus Crocodilon. Stabant in delubris Cer-  
 copithecus , Accipiter , Canis , & piscis.  
 Canopus quam sibi in suo serapide place-  
 bat ! creata pro Diis fuerunt , & quæ data  
 erant ad usum , illis gens abusa est ad cul-  
 tum. Et quod dementius erat , Deorum  
 diversitas odium immortale , inter finiti-  
 mos excitaverat.

juvenal.

Satyr. 15.

*Ardet adhuc Combos , & Teutyra, summus  
 utrimq;*

*Indè furor vulgo , quod numina vicinorum  
 Odit uterque locus , cùm solos credat habendos  
 Esse Deos , quos ipse colit.*

Ri-

Ridebat quidem Seneca ignobilem istam Deorum turbam longâ superstitione congestam : adorari tamen sinebat , quia di magis ad morem , quam ad rem pertineret , falsi quæstione non admittenda , ne longo ævo receptas religiones extinguat disputatio , satius arbitratus adorari , quod reprehendebat , quàm veritati cedere consuetudinem : & versari præcipitarique tralito per manus errore , alienisque perire exemplis , quam separari à cætu , & ad rationem vivere , pergendo pecorum ritu qua plurimum itur , non quâ sit eundum. O Philosophum judicio bonum actione pessimum!

Porro in Deorum cultu quam religiosi stis humanæ ambitionis officiis ! salutationibus matutinis perstrepere : foribus aspidere templorum : linthea & strigeles Jovi ferre : & velut in tenebris sedenti , fuliginisque Cupido lucernas pinguem nebulam vomentes accendere : & tamquam furienti mactare hostias , & quasi sitienti ina profundere. Junoni , & Minervæ candelillos disponere : & quod mimi erat , longè à templo & simulacro ornantium mollo digitos movere : speculum tenere. Festivius erat videre Syros,

*Qui si quem piscem manducaverint  
 Illecti ingluvie, venter continuè, ac pedes  
 Illis tumescunt: tum saccum induiti in viâ  
 Prosternunt sese provoluti in stercore,  
 Ut divam placent nimio contemptu sui.*

Quisque pro lubitu Deos colebat; alius in publico fano: alius in ædibus. Ædes erant pro æde: & in singulis alicujus divi adoratio, qui promiscuis non divisus aris in unius domus supplicem pietatem cale- ret bene fumigatus. Et quod magis rideas, etiam in Philosophis tam stulta fuit reli- gio. Quam belle adorabat Apulejus pla- tonicus suum Mercuriolum! quoquo eun- ti inter libellos conditus comes erat hic Deus, festisque diebus thure, meroque, nonnumquam victimis placabatur: & si fieri potuisset, vicissitudine sacrificii sup- plicem honorasset, nè extra libellos fie- ret, alibi que inhonoratum jaceret lignum. Magicæ verò artis apud Claudium Maxi- mum postulatus exhibitione simulacri crimen diluit. Quam hic vir in Cyllenii sui pulchritudine laudandâ ridiculæ est laudationis! faciem decoram, & succi palæstrici plenam, hilaremque Dei vul- tum, & lanuginem decenter utrimque malis deserpentem, Crispatumque in ca- pite capillum sub imo pilei umbraculo



apparentem, nec non pares pinnulas super tempora lepidè emicantes, vestem denique festivè circa humeros substrictam leges pro causâ fuisse, nè cultus sceleti, aut larvæ damnaretur infamiâ.

Humanius ista fiebant. At fuit, ubi cruentius, & inhumanus perturbatæ mentis & sede suâ pulsæ furor viriles partes amputabat, & secabat lacertos: & quod dictu infandum, aris flagrantibus imponebat natos: & quæ non alia? Deus ex alto despexit ista sacra: & nonnullis fugessit,

*Iusta ite precari*

*Thure pio, cadumq; feros avertite, ritus.* Sil. Ital.

*Mite, & cognatum est homini Deus.* lib. 4.

Sincera animi pietas in Deum, & homines vera est religio, & latria legitima. Mens expers Dei non capit ista: & ab effectis superstitionis ad quæ non tremula?

*Tunc nigri lemures, ovoq; pericula rupto,* Pers. Saty.

*Tunc grandes galli, & cum sistro lusca sacerdos.*

*Incußere Deos instantes corpora: si non*

*Prædictum ter mane caput gustaveris alli.*

Verum numen non est terrori: puroque sui cultu mentem instruens abigit omnium noctium occurfacula, omnia bustorum formidamina, omnia sepulchrorum

rum terriculamenta, & quidquid larvarum, & lemurum est, ac manuum.

Tollatur malitia, & Deum credes, & quem credis, cognosces. Tollatur inscitia, & Deum rite coles. Utramque solus tollit Deus: & electione boni, ac rejectione mali, mentem in se uno perficit: tunc perfectissimè, dum ei per mortem reddimur. Nam inclusa corpore turbatur, & errat opinionibus, in alio minus, in alio magis, prout largius, aut parcius innexus est æther. Hæc igitur quæ bona est, Deum adit: & res, quarum cognitionem natura terreno negavit visui, intellectus oculis haurit: & cælestibus in aurata divitiis, quo digno tam bonum numen appellet nomine, piè nescit. Sentit enim quidquid est, in rem suam esse, quippè patrem omnis boni, malos ad bonum vocando, & ducendo. Vocat malos ut faciat bonos. Ducit bonos, ut faciat beatos. An non meritò dubitat filius, quo nomine tam bonum patrem nuncupet? bonæ mentis gratitudo est, profiteri inopiam dignæ gratiæ. Quid homo retribuet Deo? in hoc ambiguo bona mens sibi satisfacit, dum humiles infra Dei dona grates fatetur: & supra donata divinum promissum citat in majora. Audax est bona mens, quia Deus fidelis

deli sponſione talem format, & provocat: Non peccat qui ſuo jure ſponſorem convenit. Deo gratiſſima res eſt ad promiſſi fidem urgeri, & urgentis actionem majori præſtatione erubescere: Noſce igitur Deum, ut ſis bonæ mentis, & invenies quo cum iſignies.

---

## CAPUT II.

*Deum ex ſuis operibus noſci: & in illis  
Optimum Maximum.*

**V**iris bello ac pace auguſtis cognomen à virtute ſæpè tributum eſt: ut illo poſt mortem omni poſteritati narrato, iſte pariter æterno vivat præconio. Quis neſcit Manlios, Torquatos, Fabios maximos, & Cunctatores, Africanos, Pompejos magnos, alioſque factis ſuis in triumphale nomen adoptatos? quantos viros! putaffes Deos cælo in terram demigraſſe, qui Romam toti terrarum orbi caput darent, palladio & Ancili in fatale pignus imperii apud veſtam adſervatis: aut Romulum ex morte cretum ſucceſſoribus paternam virtutem hæreditariam feciſſe.

Hinc

Hinc illos etiamnum magno ore loquitur fama, eorumque præclara gesta in exemplar æmulationis magnanime. Deus nomen suum nuncupavit Moyfi; *Ego sum qui sum*. Apud se nominari non potest alius, quam qui est. Verum apud mortales cognomine multifario quo cum venerantur, innotuit, certum nullo satis dignè. **Ist** hoc tamen, *Optimus Maximus* non incongruenter acclamat. Verè optimus maximus est, & ubique talis admirandus: ut in quo optimus est & in eo sit maximus. Age pervola citâ mentis pennâ terras, marisque tractus: te per aëra ac cælos Dei majestati siste; & mox æternitas, & veritas pellucebunt, & in æternitate author omnium, & in veritate immutabilis, & in utraque optimus, & in utraque maximus, & in utraque adorandus. Quid æterno majus? quid bono immutabili meliùs? qualem porrò concipies in suâ sapientiâ, & potentiâ? qualem in bonitate? in singulis maximum & optimum: & quidem nobis præcipuè. Deus in se totus inclytus nullâ necessitate in rebus creatis ad gloriæ suæ perfectionem effulsit. Quod alieno indiget adminiculo perfectum, non est. In Deo nihil imperfectum. Omnia in eo. Omnia ab eo, & per eum omnia, vel quæ  
cor-

corporeis apprehenduntur oculis, vel eos  
tingiunt.

Magna & stupenda res est, primum il-  
ud, indigestumque chaos ex nihilo crea-  
um, & mox in quatuor discretum par-  
es: easque tam constante concordēs fœ-  
lere perennare, ut quod ex singulis na-  
ura composuit, dissoluto nexu, repona-  
ur singulis. Quid ipsa naturæ fabricâ  
admirabilius? clamant cæli, *Enarramus*  
*gloriam Dei*. Sol non solum temporum, sed  
& totius cæli velut rector amplissimâ  
magnitudine & potestate fertur, per duo-  
lena signa, celerique circumvolutus or-  
bem rotâ vividum luminis munus cæteris  
tellurum globus sænerat: lucemque re-  
ous ministrat, quo terrarum, superumque  
parens olim vocari meruit. Luna in tene-  
brarum remedium data, modò curvata in  
cornua, modo æquâ sui parte divisa, modò  
utroque cornu in plenum jubar coëunte  
inter minorum ignium choroꝝ spectatur,  
noctisque suum iter decurrit: quid isto-  
rum germanorum, aliorumque siderum  
næquales cursus, ortus, & occasus refe-  
am in aëra, terram, ac mare potentes  
astro? malo fidereas virtutes, rem sanè  
astissimam, admirari, quàm cælo, nimia  
landi copiâ, in operosum tractatum de-  
du-

ducere : à siderum meatu totum est , quod  
verè novo redeat floriferi anni fœcunditas :  
gravido palmite tumeat gemma : Ceres  
fulcis obruta molli in summum prodeat  
solum herbâ : nec metuant surgentes au-  
stros , aut actos cælo magnis aquilonibus  
in noxam imbres : quod æstas comitata ca-  
loribus hiulcet agros , messëmque coquat ,  
spicisq̃ue Ceronis redimita lætum ingre-  
diatur horreum : ac remissis tandem fer-  
voribus mollior transeat in Autumnum  
decorum mitibus pomis , & maturus flui-  
dum uvis : quod hyëms anteaacti temporis  
polita fructibus invitet ad genialem usum ,  
præparetque Veri fœcundos tepores , inte-  
rim conservans inter cana nivium , & prui-  
nas frigorum armis suam viriditatem.

E cælo in aëra similem inani delabere ;  
omnium volucrum genere tranatur , can-  
tuque perstrepat , nunc sole serenus , nunc  
uube tristis , nunc sonorus tempestatibus ,  
fulmineque crudelis : &c. quod omnium  
maximum est , omnibus vitalis.

Contemplare terram , quam firmiter  
aëris in medio suis libratur ponderibus ! ut  
parturiens novos se fundit in partus , ac  
fœcunditatis uberans gratiâ , variisq̃ue  
compta germinibus proprios ostentat or-  
natus ! Hic segetibus læta pampineisq̃ue  
ornata

ornata vitium certis, velut speciosis moni-  
 libus, uvisque aureo, purpureovè reni-  
 tentibus colore superba: Alibi odora flo-  
 ribus, & opaca nè moribus, & umbrosa  
 montium superciliis, & sinuoso fluvio-  
 rum interlabentium discrimine irrigua to-  
 risque herbosa riparum. Vos fontes ferè  
 præterieram, hominumque, pecudumque,  
 aviumque, gratissimum nectar. Et à qui-  
 bus oculi auresque mirificam hauriunt  
 delectationem; cum vel summo montium  
 culmine desilientes, perque saxosa præ-  
 cipitia loquaces in petrosas magno aqua-  
 rum strepitu valles caditis vel plana tellus  
 è creta? Viscerum vi vos in aërem eve-  
 nit, lapsoque huc illuc dividit in rivulos,  
 sedetentim, invitis undis nomen in flumi-  
 na commutatueros. Vestra miracula dabit  
 patienti Plinius. Quis arboream terræ pul- *Lib. 2. cap.*  
 chritudinem, & in pulchritudine fru- *103.*  
 tum, & in fructu divitias enarrabit? quis  
 stantes herbarum vires pandet? quis ter-  
 re viscera rimatus ad aureas, argenteas-  
 que venas, sive ad ipsum Plutum non ob-  
 upeffet? quam belle innumera super ter-  
 ram animalium errat species? alia de rupi-  
 bus pendent audaci in escam gratiorem as-  
 sensu, & saltu. Alia pascuam pratorum  
 riditatem prono detondent ore. Aliis  
 sylve

sylvæ acceptam offerunt pabulum. Nul-  
lum est, quod non à tellure velut è be-  
nigno matris sinu accipiat, sibi que sit ab-  
undè, & quo utilius in usus humanos, vi-  
vat, & occidat.

Sta littore, & in mare mitte oculos, non  
cernis ut aliquando surgentibus in astra  
undarum montibus inhorescat, violentis-  
que fluctibus vicina tundat littora? ali-  
quando clementioribus auris crispus tre-  
mulo adfluxi circumludat solum? vel  
blando tranquillitatis æquore stratum pa-  
cificis salutet amplexibus? dicit Deus ma-  
re postquam creasset bonum esse, quis ne-  
gabit? certè bonum, quia dissitarum gen-  
tium compendiosa comunitio, invectione  
commeatuum, & quæ non alia in homi-  
num effundit subsidium, & delictum?  
quis varia piscium genera recenset? quæ  
naturæ, formæ, & usus in illis diversitas?  
Terræ certat mare multitudine, varietate,  
& monstris, atque hæc omnia cælestia,  
aëria, terrena, & marina admiranda enar-  
rabunt gloriam Dei. sic sanè est; omnia  
creata enarrant gloriam Dei, quam Deus  
in illis patefecit: non autem ex illis effe-  
cit.

At quorsum in illis gloria conspicua?  
ut tu homo ejus esses spectator. Os nam-  
que



que tibi sublime dedit, vultu in altum recto. Et nè forsan inferiora æthereo præerues contuitu, obstuposq; diutius inhæscas, cervicem capiti multis vertebratissue orbiculatim ossibus flexilem, ad circumspectum junxit, ut quaquaversum in pulchræ ductu imaginis ad notitiam auctoris feraris Optimi Maximi in omni creatione Optimi Maximi in sapientia dispositionis ordinatissimæ, nec minùs Optimi Maximi in potentia gubernandæ, quam in bonitate conservandæ: ac proinde eum res uti Optimum, & colas uti Maximum, addendo illi majestatem suam, & unitatem, sine qua nulla majestas: & eas summum esse delicti non recognoscere, qui ignorari non potest.

Olim Cleanthes non malè quatuor ex causis in animis hominum informatas esse dei notitias; primam oriri ex prætensione rerum futurarum: alteram ex magnitudine commodorum, in quæ cæli temperatio, terræque fecunditas, & maria uberantissimè: tertiam ex fulminibus, tempestatibus, nimbis, grandinibus, vastitate, silentiâ, aliisque complurimis in animalium terrorem, & rerum hominumque exitium evenientibus: postremum ex ætæternitate motûs, conversione cæli, solis;

B

Lunæ;

Lunæ , siderumque omnium distinctione , utilitate , pulchritudine , ordine , quorum solus aspectus indicat ea non esse fortuita. Quî enim fortuita ? Mendacem ista atomorum non agnoscunt concursum. Num à se putas esse terram, aquam, aërem? partes mundi sunt, ut aliis, non sibi serviant, materiam mixtis corporibus conferendo. Quidquid in certum finem ordinatum est, habuit, à qua ordinabatur, causam. Nihilò divinius quicquam de se jactaverit materia prima. Variis Philosophorum figmentis incerta est : & qui apud illos veritatem, is lucem quærit in tenebris. Sunt qui non distinguant eam ab elementis : aut ponant in aqua valentissimo elemento, quod fuerit primum, ex quo surrexerint omnia : & quod in deductione rerum ad quartas sit reductum : & olim Catalysmo totum orbem abolente, ad se redierit, cunctis fluctantibus : in cujus rei fidem testes reliquisset cōchas, & buccinas, etiamnum in montibus peregrinantes. Sunt qui distinguant. Sed quid distincta, nisi elementorum materies, & illis multò imperfectior ? informis scilicet, & formæ mendacissima, mutationibus obnoxia, & nihilò proxima : quantum abest, ut à se sit ? Aspice cuncta, quæ sub se luna circuit,

cuit, & inter ea propè divinam creaturam,  
 hominem. Quot causarum eget coitione  
 in ortum? quod adminiculis ad vitam?  
 quod à se ipso est alieni nîl indigum. Rur-  
 us quod à se ipso est, non perit: At quan-  
 ta foelicitate ille nascitur, denasciturque  
 emper, velocibusque brevis temporis alis  
 apitur in finem suum! fortassis humana  
 pecies à se est & externa. Nequaquam.  
 Species non alibi, quam in suis individuis  
 versat. Attende ad rationem. Species de-  
 cri potest: quod à se est, non potest: quia  
 nunquam incepit. Cujus ponis initium,  
 id aliquando non extitit. Quod autem à  
 se est, à se habet, quod est, nec ullius  
 causæ exoritur influxu: ideoque nec inte-  
 ritum timet. Prætereà quali in oculos  
 uos incurrunt corpora ex materiâ & for-  
 mâ composita? hanc compositionem di-  
 positio materiæ, & formæ productio, &  
 utriusque conjunctio perficiunt. Ista tria  
 non scaturiunt ex materia: disjungi nam-  
 que possunt. Undè ergò vivo? Necessariò  
 à aliqua causâ omnium effectrice, quæ  
 sine initio & à se ipsa. Adde; quidquid  
 à universa mundi machina vides aptissi-  
 mo motu versari, te altius ducit ad istius  
 impulsus authorem. A quo iste motus?  
 certe non à motis. Quî posset? nihil à se

ipso movetur. Alioquin una res uno momento foret, & non foret: dum se movendo & agendo moveretur. Ac partiretur tendens ad hoc, à quo suum habuit impulsus. Huc ubi ventum est, jam se profert Deus.

Concipe modò Deum, in sua justitia prioribus hæc est conferta. Dum fontes punit, & innocentes vindicat, utrobique se monstrat Optimum, & Maximum. Sontis poena, quia exemplo aut terret malos, & maxima est. Innocentium vindicta, quando paterno affectu, fulminat in auxilium, optima est: quando prosternit nocentes, maxima est. Non hanc allatret insipiens, optimum non esse, quia diù bonos vexari malis sinat: nec maximam, quia malos florere. Ratio Deo sua est, cur è vestigio non vindicet bonos: nec puniat malos. Bonorum vindicatione cohæret, malorum punitio. Hæc aliàs in vitâ celer: aliàs tarda celeritate consulitur interdum bonis: interdum malis tarditate. Si tarda noceat bonis, magno patientiæ bono pensatur noxa. Si tarda profit malis, lætare, quod per tuum latus transierit illis sua salus. Sin hîc meliores non fiant mali, posthumas luent poenas: & quia posthumas, idèò graviores. Verum nec vivis abest Crux.

Pe-

Pectora eorum reclude, aspicias illis in-  
 rigilare curas, & sceleris exercere suppli-  
 cium; animo tortore occultum flagellum  
 quatiente in ictus, & laniatus. Non vivit  
 ille cui mens non est quieta, sed vivus  
 exequias trahit. Eant, ludant, scelesti,  
 quantum volent, non tamen antecedentes  
 claudam insequentem effugient poenam.  
 Tendunt per præsentis vitæ prospera ad  
 atrociora tormenta, quasi per amœna prata  
 ad carcerem. Stat sua cui dies supplicii.  
 Vis culpam statim recidi? Metu Deum  
 non pietate colet, magna pars mortalium.  
 Quæ Deus inulta relinquit, extremo ser-  
 vat iudicio nonnulla percutit, nè rector  
 ignoretur universi.

## CAPUT III.

*In Christo Veram conspici Dei notitiam &  
 certam inveniri vitam, ac salutem.*

**A**liud nè prætereà ad veram Dei noti-  
 tiam desideratur? Aliud maximè,  
 magnum est Deum in virtutibus, quas  
 consuevit, novisse. Restat id, quod maxi-  
 mum est, extrà quod cognitio Dei ad bea-  
 tudinem non valet quicquam. Subsistet

B 3

hic



hic pium pectus , & quæret in quo tantum bonum sit summum? In Christo Filio Dei , & hominis. In eo vult Deus nosci , & coli tanto filio crede asseveranti ; Ego *Omnia ista apud Ioan. Evang.* & Pater unum sumus. Pater in me est & ego in Patre. Nemo venit ad Patrem , nisi per me. Omnia quæ habet Pater mea sunt. Qui me nescit , & Patrem nescit. Qui non honorat Filium , non honorat Patrem. Qui negat Filium , nec Patrem habet ; sed negat Patrem , & filium , Qui Filium odit , & Patrem odit. Viden , ut in uno Filio sit vera Dei cognitio? Judæi , Mahumetani , agnoscunt Deum : quia in Filio non noscunt , eum omnino nesciunt , negant , oderunt. Græci , Romani , Barbaris sapientiores , Deum Optimum Maximum profitebantur. Nihil extra Christum profuit ista professio. Nulla illis sapientia , ex fiducia compertæ veritatis : Cui enim *Tertull. de anima Cap. 1.* veritas comperta sine Deo ? Cui Deus cognitus sine Christo ? Cui Christus exploratus sine Spiritu Sancto ? Cui Spiritus Sanctus accomodatus sine fidei Sacramento ?

Hujus veritatis mens nescia , abit in præcipitia : non ibit , si quæ in Christo quærenda sunt ad salutem , sciat. Duo sunt , divinitas , & humanitas. Divinitas in suæ majestatis solio radiosa est potentiâ , justitiâ , vitâ , quas cum humanitate communica-

nicatas nos plenis labris bibimus credentes. Indè intelliges quid sit Christus : *Via, Ioan. 14. 6.*  
*& Veritas, & Vita.* Tria sunt ista in Christo indivulsa. Et in Deo sunt ista tria. Filius ex Deo exivit ; quæris veritatem ? In Filio lucet. Quæris vitam ? In Christo comperies. Ad utramque via est Christus : & utriusque largitor. *Sicut Pater vitam habet in seipso : ita & Filio dedit vitam habere in seipso. Ioan. 5. 26.* Vita una est , & ab uno una. Cum autem Deus Pater , & Deus Filius in vita sint uni , & hæc unio exundante Sancti Spiritus amore largi fluat in omnium vitam ; an non maximè refert , noscere , quæsit illa vita in Christo adedò salubris menti , & sine qua hæc bona non est ?

Ab initio , & antè humanæ naturæ indumentum , Christus erat illa vita , quàm in omnia creata dimanantem non malè diceres ivisse per omnes

*Terrasq̃ , tractusq̃ maris , calumq̃ profundum*  
*Hinc pecudes , armenta viros genus omne ferarum*

*Quemq̃ sibi tenues nascentem accersere vitas.*  
 Manifestatus verò in carne ; non minùs quàm antè creaturas vivifico influxu sustinet & alit intus. At evidentius fontem vitæ æternæ ex se in electos uberrimè salientem prodidit : *Si quis sitit ( inquit ) veniat Ioan. 7. 38.*

*Ioan. 6. 51.* ad me, & bibat. Qui credit in me flumina de ventre ejus fluent aqua viva. Ego sum panis vita, qui de Cælo descendi: & Panis quem ego dabo, caro mea est, quam dabo pro mundi vita. Judæi in Capharnaïo duri sermonis verba hæc insimulantes, non capiebant vitam carni Christi in pastum nostrum communicatam: nam verba spiritus & vita erant. Caro ut in cadavere declamatur, & in macello venditur, non prodest. Spiritus est, qui vivificat. Caro & sanguis Spiritu & vita vegetati cibum non periturum, nec morsibus consumendum habent: sed fide in sumptum æternum.

*Ioan. 3. 15.* En notus in Christo Deus. Vis securus  
 & 16. esse & bonæ mentis? Hæc sapias. Misi  
 Deus Filium suum in mundum, ut salvetur  
 mundus per ipsum. Qui credit in eum, non  
*Ioan. 17. 3.* judicatur. Qui autem non credit, jam judica-  
 tus est. Hac est vita aterna, ut cognoscant te  
 solum Deum verum, & quem misisti Iesum  
*Ioan. 11.* Christum. Ego sum resurrectio, & vita, qui  
 15. credit in me, etiamsi mortuus fuerit, vivet:  
 & omnis qui vivit, & credit in me, non mori-  
 etur in aeternum. Credis hoc? stipulare  
 cum Martha, & vives. Quanti est in  
 Christum credere! Quanti est noscere,  
 quæ missus à patre nobis attulit! Consule  
 sacras tabulas, illæ trifario ejus patefacte  
 mu-



nuncere, Prophetæ Regis, & Sacerdotis  
 otum Christum antè oculos ponent. Pro-  
 pheta est, sapientiam omnibus numeris  
 effectam docuit: & docenti credendum  
 esse, imperavit vox hæc Patris, quæ è  
 ælo detonuit: *Hic est Filius meus dilectus,*  
*isum audite.* Quid docuit? Quod ipse ex  
 'ropheta Isaïa coràm populo in Synagoga  
 rælegit. *Spiritus Domini Dei super me, cò* *Isaias. 16.*  
*uod unxerit Dominus me: ad annuncianum* *Luc. 4. 18.*  
*iansuetis misit me, ut mederer contritis corde,*  
*& prædicarem annum placabilem Domino, &*  
*iem ultionis Deo nostro, ut consolarer omnes*  
*igentes, &c.* Placet S. Ambrosius Inter- *Ad Evang.*  
*res; Vnguitur virtute caelesti, ut pauperta-* *Luce. 4.*  
*em conditionis humana thesauro resurrectionis* *lib. 4.*  
*garet aeterno, captivitatem mentis averteret,*  
*xcitatem illuminaret animarum, annum Do-*  
*mini perpetuum divisum temporibus prædica-*  
*et, qui redire in orbem laboris nesciat, conti-*  
*uationem fructus hominibus & quietis indul-*  
*eat. Atq; ille ita ad omnia se curvavit obse-*  
*uia, ut nè lectoris quidem aspernaretur offi-*  
*um.*

Rex est, unctus oleo præ confortibus *Psal. 44. 8.*  
 uis, quod nam hoc oleum? Dixit Isaïas,  
 gredietur virga de radice Jesse, & flos de radice  
 us ascendet: & requiescet super eum Spiritus  
 omni, Spiritus sapientia, & intellectus,

*Spiritus consilii & fortitudinis, Spiritus scientia, & pietatis, & timoris Domini: Spiritus (inquam) non certæ mensuræ, verum inexhaustæ scaturiginis, & plenitudinis. Undè & nos populus ejus salubriter irrigemur. Regnum ejus non in terreno majestatis folio igneas stellarum coruscationes mentiente, regioque diademate ac purpurâ aureoque sceptro superbum: non fascium, ferreove satellitum horrore metuendum: at spirituale, & æternum est: qua spirituale, Iustitia Dei pax, & gaudium in Spiritu sancto est: qua æternum, extrâ mundi mortalitatem, quærendum, postquam hic sub cruce militaveris, & satanâ, mundumque viceris, in illo te triumphus excipiet, non in capitolium, sed in plenam æternitatis hæreditatem ducturus. Regem habemus, regamur, ut æternum cum illo regnemus.*

*Paul. ad  
Roma. 14.  
17.*

*Sacerdos est. Sic enim jure jurando Deus eum affatur; Tu es Sacerdos in æternum secundum ordinem Melchisedec; nec tantum sacerdos, verum etiam hostia factus in expiationem peccatorum, per proprium non hircorum, aut vitulorum, sanguinem: unaque sui oblatione consummavit sanctificatos, sacro sui sacrificii suffitu in nos diffuso, quo& nos sumus odor suavissi-*

*Psal. 109.  
4.*

*Ad Heb. 7.  
& 9. 10.*

*me*

nae fragrantiae. Hunc Prophetam, regem,  
 sacerdotem tuum facis fide : & tibi fit,  
 quod de se tibi asseverat ; & Prophetæ  
 prædixerunt. Fides veritate impletur pro-  
 missi in præmium , quæ incredulitati ne-  
 gatur in poenam. Nolo hic mora frangi.  
 Quod credenti promittitur , & agenti  
 perandum est , quid donatur : & in cujus  
 possessionem hæc Christi mittit oratio ,  
*Pater , quos dedisti mihi , volo ut ibi sum ego, Ioan.*  
*& illi sint mecum.* Quod fides credit , spes <sup>24.</sup> 17.  
 expectet. Titubante spe , fides vacillat.  
 Alterutra labente , neutra stat : quæ enim  
 fides sine spe ? Quæ spes sine fide ? Utra-  
 que in Domino stat , & utraque extrâ eum  
 aduca. Utraque gratuita est. Vis esse  
 tranquillus ? In Domino gloriare. Da illi  
 gloriam , & ille tibi dabit tranquillitatem,  
 quam verè senties , si gratuitam sentias.

Nunc comperisti , in quo conquiescas ,  
 quietem hanc senties , cùm te vera & fan-  
 ta Christi cogitatio per omnia elemen-  
 torum impedimenta , nec ullo , nec qui-  
 em ipsos Angelos moratorio dignata re-  
 spectu in cælum rapiet. Ut illic cum Sal-  
 atorem adores , totamque deponas men-  
 tem. Et securissimè rationis erit ista cogi-  
 tatio : non enim subitò Christus ex cælo  
 cecidit novo , & inaudito doctrinæ gene-  
 re.

re. Jam indè ab exordio mundi promissus expectabatur. Et nè fabulosæ antiquitatis nomine vilescat, testes habet Dei Prophetas, & eorum testimonia fideliter tabularum monumentis consecrata. Illi verius tribuo Cumeæ vaticinium;

*Clara Dei soboles, magnum Iovis incrementum:*

*Quo ferrea primum*

*Desinet, ac toto surget gens aurea mundo*

*Te duce, si qua manent sceleris vestigia nostri,*

*Irrita perpetua solverit formidine terras.*

## C A P U T IV.

*Veram Dei notitiam expleri dilectione, eamq;  
veram, & unicam esse virtutem.*

**T**Uta Via est fateor à fidei lumine, & spei constantia ad magnum illud mentis bonum: sed eundem, quo Christus vocat. Ego sum lux mundi (inquit) qui sequitur me, non ambulat in tenebris. Et præclaris vitæ suæ documentis viam signavit: & ipse salebrosam, ac spineam cruentis vestigiis, calcatam reddidit sequenti planam, & roseam. Venite omnes ad me, qui laboratis, & onerati estis, & ego reficiam vos. Tollite jugum meum super vos, & discite à me,

Matth. 11.  
28.

ne, quia mitis sum, & humilis corde: & invenietis requiem animabus vestris: jugum enim meum suave est, & onus meum leve. En habes quod agas. Eundem est ad illum, discendum est mitem esse, ut & tu sis mitis: & humilem corde, ut & tu sis humilis corde. Dubeundum jugum suave, & onus leve. Unde jugum illud suave? Et onus leve? Ab impossibilitatis luitione. Quod impossibile erat legi, *In quo infirmabatur per Carnem, Ad Roma. Christus missus in similitudinem Carnis peccati* 8. 3. *i, de peccato damnavit peccatum in Carne, ut iustificatio legis impleretur in nobis. Ecquid præterea sub hoc jugo, & onere agendum? Ut diligatis invicem sicut dilexi vos.* Ioan. 13. *faciendo alii quod quisque sibi vellet fieri: non faciendo quod nollet sibi fieri. Non præteritur hic Dei dilectio, quia illa fraternæ causæ unica: & hæc illius certa propositio: & utraq; invenitur in singulis. Qui Deum diligit, paret imperanti ut diligat proximum: & qui proximum diligit, in eo Deum diligit, consequendo dilectionem mandati. Cur novum hoc nandatum, quod & in antiqua lege ancitum? Rationem Christus aperit in factis. Sicut dilexi vos. Qualis ista dilectio? Certè non ad normam legis veteris, mandantis quidem diligi proximum: sed*

sed juxtà illam stabat alia in proximum

*Exod. 21.* severa : non audistis ? *Oculum pro oculo ,*  
*24.* *dentem pro dente , manum pro manu , pedem*

*pro pede ; adustionem pro adustione , vulnus pro*  
*vulnere , livorem pro livore ?* Et alibi non mi-  
 nùs juberi odium in inimicos , quàm amo-  
 rem in proximum ? vetera ista procul à

*Matth. 5.* novo hoc mandato. Vult ille percussores,  
*38.* & inimicos diligere : & magno prævit ex-  
 emplo , dum orat , & moritur , pro inimi-

micis , vindictamque animæ pro animâ ,  
 vulneris pro vulnere , livoris pro livore ,  
 in cruentâ crucis arâ innocentissimus , &  
 clementissimus abolet. Mandato annexa

*Lucæ. 6.* merces ; *Et erit merces vestra multa , & eritis*  
*35.* *filiis altissimi.* Ex his porro intellige satis  
 non esse Deum noscere in Christo , sed

notitiæ sociandum amorem , ut quem no-  
 veris , ames : & quem amas in illum te to-  
 tum collimes. In ista conjunctione vera  
 virtus , quæ aliud non est , quam Dei di-  
 lectio , in multos & amabiles , virtutum  
 rivos proflua. Quarum distinctiones , de-  
 finitiones , & munia leges apud alios.  
 Virtus est diligere id , quod unicè dili-  
 gendum. Deo nihil majus , nihil amabi-  
 lius , quia summum bonum. Et cui potius  
 inherebit affectio ? Quæ creaturis , cupi-  
 ditas est non dilectio , ideoque mala est :

quæ

quæ Cæcæ, sola bona : quæ sola bona, solæ virtus. Vult ille diligi totâ animâ, totâ mente, totis viribus : quò nam hoc præceptum ? Nè ulla vitæ nostræ pars aliis vacet : Deo hæreat animis : Deum colat : nihil ab eo alienum agat totus in eum conversus. Num piè contemnitur creatura ? impiè. Cur igitur illi inhærere nefas ? Inhæres, si non una Deo : & quod in illa placet, non convertas ad Deum. Convertere, & legitimus est usus.

Dispice si virtus ulla sine Dei sit amore : ut aliqua non sit amor Dei : amor discernendis rebus invigilat, nè mali paulatim subrepentis illigata spiris vincatur prudentia. Amor in omnium quæ sunt, & incuntur ordine, & modo integer, incorruptusque custodit temperantiam : quis sine more ejus, quod amat, animi magnitudine & robore fortis, invictusque stabit ? Quis sine illo justî nomen obtendet ? Hic bstat iis, quæ bonæ voluntati sunt inimicæ : tum cuique tribuit : neminem lædit. Hoc regulas non animante virtutes officii nomen mereri potest, quod fit, non autem virtutis : & nisi solius sit Dei, in vitio est.

Dei est, virtutum illas quadrigas promovet orbitâ : quem alma parens stipat : nec spes divinis freta sponsionibus

nibus se comitem abnegat. Quâ igitur ratione multa gentilium facta honoramus virtutis encômio? Facit hoc humanitas, quia hominum societate profuerunt exemplo & beneficio. Quin & Deus illos majoribus ornavit dotibus: cui in hoc politico rerum statu gratum est videre homines mutuis coherere beneficiis, fornicationis instar lapidibus invicem obstantibus sustentatæ, alioqui casuræ: à virtutibus desiderare nomen boni: à vitiis fugere nomen mali: sed coram Dei majestate alia accepti & expensi ratio: ubi sola æstima-  
tur veritas: ejus umbra judicatur.

*In Menone.* Vera igitur virtus à Deo est doceri, Plato divinâ quadam forte comparari. Nec innasci sensit Socrates, aliorum hac de re vana disputatio, doce quantum volueris nihil efficies, nisi Deus clausas animi referat aures, & intus, quod nubilum, illustret radio: & quod impurum, gratiâ depuret. Igniculos ingenitos naturæ non inficior, sed qui sint naturalis rationis cæcutientis ad verum bonum: ad malum occulatissimæ. Deus omnia operatur tam ut bonum cogites, & velis; quàm ut facias. Voluntas & actionis finis, si bonus sit, est. Bonus est, si Deus sit. Indè mens, & alia bona multa benigno co



xta fato in beatitatem. Hæc series Philosophum consummat. Tanti est Deum novisse, & amasse, ut fias Philosophus bonæ Mentis.

Et istis consonas, inquires, Ethnicorum, *Seneca Epistetus, & alii.* has sententias; magnus animus se Deo tradit. Habet vetus præceptum *Deum sequi:* adhære illi velut minister, & affecla: cum illo appete: cum illo desidera: & simpliciter atque uno verbo, quod Deus vult velis. Hic ex nostris aliquis exclamat; ô in cælo nata, atque illinc profecta verba! *Lips. de manud. ad stoic. Philo. lib. 2. cap. 16.* Nihil Hercule minùs. Rimare quo sensu sint ista dicta. Quid verbis fascinaris? speciosa hæc sunt, & animi immensâ laudum cupidine corrupti: à suo enim Marte fumens Cristas præsumit hoc, *Deum sequar.* Non aliter, ac miles in bella ducem secutus generosi sui obsequii gloriam non ducenti, sed sibi vendicat sequenti, dum inter tubas & cornua armis horridus, & vividus clamat altius; duc me quo lubet: jube, quod lubet, en contemptor lucis, adsum. Nulla mora in me est. Non intergum tuum colligar ignavus. Antè ora pugnabo, pulchramq; mortem quæram per vulnera. Parere laudanda mandanti, honor est. Vides, ut utrobiq; propriæ virtutis arrogantia Deo, ut Imperatori fastuoso mili-

tat assensu. Natura universi fuit illis pro Deo, cujus in parte se putabant esse: ideoque aliquid suum, & ex se profectum, non in cœlo natum tradere Deo videbantur. Quam enim impiæ sunt arrogantia ista Cottæ apud Ciceronem! Neminem virtutem unquam acceptam Deo retulisse: nec quemquam, quod bonus vir esset, gratias Diis egisse propter virtutem nos jure laudari, & in ea rectè gloriari: quod non contingeret, si id donum à Deo, non à nobis haberemus. *Iovem Opt. Max.* ob eas res appellari, non quod nos justos, temperatos, sapientes efficiat: sed quod salvos, incolumes, opulentos, copiosos: neque Herculi quemquam decumam novisse, si sapiens factus esset.

Quam etiam sonorus Catonis buccinator Seneca! nullum in terris fuisse spectaculum pulchrius, & dignius, ad quod respiciat intentus operi suo Deus. Certius in illo sapientis exemplar, quàm in Ulyssæ, & Hercule, licet monstra ferro & igne non sit persecutus: sed in ea tempora incidisse, quæ excussa jam fabulosâ antiquitate ad summam prævenerunt sapientiam. Cum ambitu, multiformi malo, & cum potentiæ cupiditate, quam totus orbis in tres divisus non satiabat, congressum stetit

tisse solum adversus vitia civitatis degenerantis, & pessum suâ mole fidentis. Inter ruinas publicas erectum, omnibus in unius conditionem concessis, & custodientibus terras ac maria legionibus, & Cæsarino milite portas obsidente, habuisse, qua exiret, unâ manu latam libertatem illi faciente, tam turpe illi mortem ab ullo petere, quàm vitam. Deos immortales dextram gladio in viscera conversam cum admiratione spectasse: & sanctissimam animam claro, ac miserabili exitu evadentem. In fanis Seneca cum tuo Catone. In eo magnum animum affirmas, qui se Deo tradidit: sapientem quidquid evenerit, scire legem esse naturæ: velle quod Deus vult: quam belle paruit Deo Cato! volebat Deus urbem Romam à principio Regibus subesse, libertatem & consulatum à L. Bruto institui: non Cinnæ, non Syllæ, longam Dominationem: & Pompei, Crassique potentiam citò in Cæsarem cedere. Vicit Cæsar. Quid fatum, tibi crudelis incusas? Cur Deum non sequeris? Quamdiu causa dubia, & aliquid in vita est, fuit quod probari posset, non malè Rempubicam tuebaris: sed meliorem certè eam laudare debueras, quam Deus adjuvit. Et fractam armis dissentionem, & ex-

inctum æquitate victoris, fas erat, omnes unum velle: verum in viscera tua maluisti sævire quam Cæsarem experiri clementem.

At plerique scitis suis mores adæquabant? Vanè coràm Deo eorum opera, vel optiuna erant pessima: quia nondum in filiorum fœdus adoptatis, quod ad Deum, oportebat referri, erat pro suo: ut non injuria eos habeas injurios Deo: & illis nil suas profuisse virtutes, sed nocuisse. Odit Deus ingratos. Qui bonum negat acceptum ingratus est: negat, qui largitoris oblitus, se jactat authorem, & falsâ meriti opinione cælum in mercedem puifat.

Nobis tota domo omnipotentis Olympi patefactâ, veritas affulsit, sacrisque paginis inscripta præit omnium verissimè ad Deum. Dixerint alii, quis illum cælo deducet? Quis ab inferis sistet? Apage ista. In corde nostro verbum fidei est, quo duce nil invium: & aquilino perniciosior volatu capit ipsum Deum, ut jam ipse sit nobiscum, qui in nos inhabitet. Ejus virtute, non mea sto immobilis, & tranquillus: & meliore mente, quam Epictetus affabor; utere me in reliquum ubi lubet, & ut lubet. Mente tecum consentio, æquanimus sum. Nihil recuso omnium, quæ tibi videbantur. Quocur

*Ad Roma.  
cap. 10. 7.*

que me voles ducito. Quam vestem lubet circumdato. Magistratum me gerere vis? Privatum esse? Manere, fugere, in pauperie, in opibus agere? Ego in his omnibus apud alios te defendam, & tuebor. Tibi permitto expendendum, quid mihi conveniat, meisque rebus sit utile. In tui gloriam peto bonam mentem in sano corpore, fortemque animum, & mortis contemptorem, iræ nescium, nullius cupidum, & sævos labores, erumnasque boni viri potiores credentem comis & plumis Sardanapali. Monstra semitam tranquillæ vitæ, & hanc virtute tuâ intrepidus inibo, ex cælo aures voce illâ paternâ circumsonante, *sufficit tibi gratia mea.*

---

## CAPUT V.

*Considerandam esse in Christo omnium Virtutum Dei Maximam Misericordiam: nec eam satis cognosci, nisi perspecto hominis statu, qui est antè, & post gratiam.*

Quisquis mundi spectator es & Deum inesse credis, & in suis operibus Optimum; contemplare quoque virtutum

omnium maximam Dei, quæ exuperat omnia opera, quoque se ipso, quodammodò major est, cum tamen ubique sit omnium Optimus & Maximus, Quæ illa virtus tantæ majestatis? misericordia, dat enim indignis fidem, & immeritis vitam.

*Ad Psalm. Vide (ait S. Augusti.) quid dederit, qui gratis dedit. Data est venia peccatori. Datus est*

*244. spiritus, & spes justificationis. Data est charitas in qua omnia, bona facias. Super hæc dabit & vitam aternam, & societatem Angelorum. Totum de misericordia. Merita nusquam jactes: & ipsa tua merita, Dei sunt dona. Quanta verò sit ista Dei in Christo er-*

*Qualis homo antè* ga genus humanum misericordia, & gratia, non scies, nisi, qualis sit homo antè eam, appareat. At qualis? Mortuus. Mortuus nascitur, mortuus vivit, quisquis à Deo alienus est. Mors erat quidquid sentiebat, & volebat. Si mortuus, an non quantum ad Dei regnum cadaver? Si cadaver, an non

*Monstrum horrendum, informe, ingens*  
*Cui lumen ademptum?*

Desiderat posse bonum. Desiderat velle bonum. Desiderat agere bonum. Totus erat tenebre, concupiscentia totam voluntatem pestiferâ creaturæ inebriante dâlcedine: & ignorantia veri ac recti totam mentem

tem

tem depravante. Poterat hic tenebrio, sed malum: volebat sed malum. Agebat sed malum. Qui posset aliter? Ex lapsu quanta labentem excepit pestis? Primò avida peccandi sitis, *Quæ bibit quasi aquam iniquitatem, & facit hominem abominabilem; scilicet cogitatione intentum ad malum omni tempore: dein lubentia, & gaudium in peccatis: Latatur enim cùm malefecerit: & exultat in rebus pessimis.* *Iob. 15. 16. Genes. 6. 5. Prover. 2. 14.* Ista duæ hominem mancipant peccato, & in peccato morti. Servum enim peccati, & in eo mortuum docet. S. Paulus; quò tandem vergit ista malorum congeries? Recta in spontaneum diaboli mancipium: in quo servientis, & dominantis una voluntas: & utriusque in malo pax est. Ista Salvator pronunciabat. *Cùm fortis armatus custodit atrium suum, in pace sunt, ea quæ possidet.* *Luc. 11. 21.* Numquid durum aut rectum sub ejus tyrannide? Negat Apostolus. Naturæ non sum injurius, dum eam adeò ab ea, quæ fuerat, mutatam demonstro. *Ad Ephes. 2. 2. 3.* Multis sæculis antè me censuerunt idem, quorum sententia non minùs sanctitate, quàm veritate mihi est sacrosancta. Summam fecit. D. Profer Omnes homines in primo homine sine vitio conditi simus: & omnes natura nostra incolu- *De Vocat. Gent. lib. 1. cap. 7.* mitatem, ejusdem hominis pravaricatione per-

didimus. Indè tracta mortalitas : indè multiplex corporis , animaq; corruptio. Indè ignorantia & difficultas , cura inutiles , illicita cupiditates , sacrilegi errores , Timor vanus , amor noxius , injusta gaudia , pœnitenda consilia , & non minor miseriarum multitudo , quam criminum. His ergò , atque aliis malis in naturam humanam irruentibus , fide perditâ , spe relictâ , intelligentiâ obcecatâ , voluntate captivâ , nemo in se , undè repararetur invenit : quia & si fuit , qui naturali intellectu conatus sit vitiis reluctari , hujus tantùm temporis steriliter ornavit , ad veras autem virtutes , æternamq; beatitudinem , non profecit. Sine cultu enim veri Dei , etiam quod virtus videtur esse , peccatum est : nec placere ullus Deo , sine Deo potest. Qui vero Deo non placet , cui , nisi sibi & diabolo placet ?

Ad Ephes.  
18.

Nè multa : genuinè Apostolus naturam , qualis est antè gratiam suis depinxit coloribus ; Ambulant in vanitate sensûs sui , tenebris obscuratum habentes intellectum , alienati à vitâ Dei , per ignorantiam , qua est in illis propter cecitatem cordis ipsorum. Nihil boni reliquum facit , quo turgiat homo , mentem jactas Philosophe , & in ea rationem , nempè reginam voluntatis , & vitiosi appetitus frænum ,

Glaudia.

Mandatricem operum , prospecturamq; colori.  
Vani-



Vanitatis, & tenebroſæ damnatur obſcuritatis. Nihil lucis à tenebris. Quid valet igitur mens, & ratio in hoc admirando mundi ſpectaculo? Quod in pleno ſole cæcitans. Cor cæcum eſt, & per ignorantiam dominatur, hominem alienando à vita Dei. Quæ illa vita? Regeneratio: nam Dei Spiritu nos gubernante renaſcimur: vivit in nobis Deus: & nos ſequimur Deo, cujus cognitio, vera animæ vita: & ignorantia mors. Non animadvertis quid ſimus nobis relictī, & quamdiu non renovamur Spiritu mentis noſtræ, nec induimus novum hominem, quem Deus creavit, in juſtitia, & ſanctitate veritatis? Sumus pravæ & inſatiabilis cupiditatis belluino impetu in omne genus flagitia proruentis; nonnunquam projectius, nonnunquam moderatiùs: Deo providente nè effrænata intemperies, ſcerumque impunitas politicum mundi ordinem perturbent, & peſſudent: interim tamen pari animi in vitia præcipitis deſiderio circum legum repagula intus fremente.

Cùm ſtaret primus homo integer ſtabat illi ſanè voluntatis gratia, cujus uſus, & non uſus ſuberat poteſtati accipientis,

*De incar.  
& gratia.  
Dom. 1. es.  
Chr. cap.  
19.*

Postquam cecidit, simul excidit illâ gratiâ dantis. Poterat non excidere si voluisset, & fuisset semper bonus, sed eam deferendo, desertus & lapsus est, Remansit liberum voluntatis arbitrium, sed vitiatum. B. Fulgentius, Ex quo primus homo naturam suam voluntariè vitavit, atq; oppressit infirmitas, est quidem liberum, non tamen bonum. Est liberum, non tamen rectum. Est liberum, non tamen sanum. Est liberum, non tamen justum. Et quantò magis à bonitate, rectitudine, sanitate, justitiâq; liberum, tantò magis malitia, perversitatis, infirmitatis, atq; iniquitatis mortifera servitute captivum: qui enim facit peccatum, servus est peccati: & à quo quis devictus est, huic & servus addictus est. Regnante igitur peccato, habet liberum arbitrium, sed liberum sine Deo, non liberum suo Deo: id est liberum justitiâ, non liberum sub gratiâ & ob hoc pessimè, atq; serviliter liberum: quia non gratuito miserentis Dei munere liberum. Hoc Apostolus evidenter insinuat, dicens: cum servi essetis peccati, liberi fuistis justitia, servire igitur justitia non potest, qui justitia liber est: quia quamdiu est peccati servus, non nisi ad serviendum peccato reperitur idoneus.

Vc-

Verum Deus misericors voluntatem *Qualis*  
 aliâ restauravit gratiâ, quæ invictissimè *homo post*  
 facit volentes, & perseverantes, non ta- *gratiam.*

men radicitus extirpatâ vitiosâ resistendi  
 possibilitate, sed suaviter & efficaciter,  
 firmatâ obsequendi voluntate. Hæc illa  
 multò minor & potentior. Per hanc in  
 nobis est, in bono recipiendo, & perseve-  
 ranter tenendo, non solum posse quod  
 volumus quod & in Adamo fuit: sed &  
 velle, quod possumus, quod in nobis est,  
 & non fuit in illo. Primo itaque homini  
 (aut Antistes gratiæ) datum est adjuto-  
 rium perseverantiæ, non quo fieret ut per-  
 severaret, sed sine quo per liberum arbi-  
 trium perseverare non posset. Nunc verò

*De Correp.*  
*& gratia*  
*cap. 12.*  
 sanctis in regnum Dei per gratiam prædestinatis,  
 non tantum tale adjutorium perseverantia da-  
 tur: sed tale ut eis perseverantia ipsa donetur:  
 non solum ut sine isto dono perseverantes esse  
 non possint: verum etiam ut per hoc donum  
 non nisi perseverantes sint. Non solum enim  
 dixit sine me nihil potestis facere. Verum etiam  
 dixit, non vos me elegistis, sed ego elegi vos:  
 & posui vos, ut eatis, & fructum asseratis,  
 & fructus vester maneat, quibus verbis eis non  
 solum justitiam, verum etiam in illa perseve-  
 rantiam se dedisse monstravit: Christo enim sic  
 eos ponente, ut cant, & fructum asserant, &  
 fructus

*fructus eorum maneat : quis audeat dicere , forsan non manebit ? sine pœnitentiâ sunt enim dona , & vocatio Dei , sed vocatio eorum , qui secundum propositum vocati sunt. Pro his ergo interpellante Christo , nè deficiat fides eorum , sine dubio non deficiet , usq; in finem , ac per hoc perseverabit usq; in finem , nec eam nisi manentem vitio hujus invenit finem.*

Utriusque gratiæ diligens distinctio ; multa contentionum jugelat monstra , in quæ non abominanda , eâ neglectâ fervor abripuit animos ? Videt orbis , & ingemiscit , distinctionis semita itur ad veritatem. Primam appositis alimentis adsimulo , alteram sumptis appositis homo non vivit , si abstineat , & mori velit , sumptis autem vivit. Sine prima non fiebat ut homo vellet justitiam : sed faciebat ut haberet , si vellet. Altera fit ut velit , & tantum velit , tantoque ardore diligit , ut carnis voluntatem adversus spiritum concupiscentem vincat voluntate Spiritûs.

Admiranda hujus gratiæ est operatio. Extrinsecus humanos sensus , prædicatione Christi circumsonat : promissione præmii mulcet : pœnæ minatione ferit. Intrinsecus agit potentiùs mentem ipsam sapientiæ revelatione seu cognitione veri illustrando. Exin voluntatem induit habitu boni ,

&

& actione foecundat, non interrumpente immutabilem hunc gratiæ progressum lapsu hominis identidem in peccatum, quod abolitum est, ubi viget Christi regnum. *Omnis qui natus est ex Ioan. Epist. Deo peccatum non facit, quoniam semen ip- 1. cap. 3. sius in eo manet. 2.*

Validissimum hoc semen, quod etiam sub multis, gravibusque peccatis manet incorruptibile. Et dum creditur suffocatum, mox melioris auræ foecunditate vividum perrumpit atrum solum in gratum Deo fruticem. Liceat modò dicere, Deo volenti salvum facere nullam hominis resistere libertatem. O magnam salutis nostræ gratiam! verè magna est. Et miror quemquam vulnera Christi, cruenta spinarum vestigia circum caput euntia, cæteros dolores, livores, & tremendum illud torcular, quod calcavit ab æterno uni, nescio quali gratiæ cunctis mortalibus parandæ, arbitrari decreta, quæ viam eminus ostendat, quam nostræ facultatis sit ingredi, vel non ingredi, & ad metam propriis permetiri viribus. Non, non totum hoc spatium potentioris est gratiæ: & hac sola decurrendum: beatus enim isthic decursus est Dei. miserentis, non autem hominis volentis, & currentis. Vult hic, fed

sed per gratiam. Currit, sed per gratiam. Ut bene velit gratiæ pervenientis illuminatur dono : ut bene currat gratiæ subse-

*Psal. 38.* quentis fulcitur auxilio. *Deus meus* (ait David) *Misericordia ejus inveniet me : &*

*Psal. 22.* alio loco, *Misericordia tua subsequitur me, omnibus diebus vita mea.* Quid inani voluntatis inflaris potentiâ ? Si bona est, tua non est. Quæ tua est mala est. Tua, ut bona sit, salvatur. Mortua reviviscit. Captiva redimitur. Vertitur lapidea in carneam. Animalis in spiritualementem. Lupus per devia celer, ferox, cruentus, in agnum mansuetum, & boni pastoris observantissimum. Breviter fit bona, non nascitur. Nascitur filia iræ, fit filia gratiæ. Quid hîc tuum ? Repeto, vis, & curris, sed Deo misereunte.

Nihil ergò libertatis in magna hac gratia ? *Gratiam Dei ita credimus benignam, &*

*Prosp. de Voca. gent. lib. 2. cap. 26.*

*Ioan. 8. 36.*

*experimur potentem, ut nullo modo arbitremur violentam : Nam verè liber est, quem filius hominis liberavit.* In hac libertate solius boni fervet voluntas, Deo gressus hominis dirigente, ut viam ejus velit, & ineat præbendo vires efficacissimas voluntati : dixit enim, *Faciam ut in justificationibus meis ambuletis, & judicio meo observetis, & faciatis.* Cùm dicit, *Faciam ut faciatis,* non aliud

*Ezech. 36.*

aliud dicit, quàm, mei erit operis omne bonum, quod operati fueritis, me auferente à vobis voluntatem, quâ non faciebatis, & dante voluntatem quâ faciatis, agnoscite aurea verba S. Augustini: Quoniam ipse, ut velimus, operatur incipiens, qui volentibus cooperatur perficiens. Propter quod ait Apostolus: Certus sum, quoniam qui operatur in vobis bonum opus perficiet usq; in diem Christi Iesu. Vt ergò velimus sine nobis operatur, cùm autem volumus, & sic volumus ut faciamus, nobiscum cooperatur: tamen sine illo, vel operante ut velimus, vel cooperante cùm volumus, ad bona pietatis opera nihil valeamus. De operante illo, ut velimus dictum est, Deus est enim, qui operatur in vobis & velle. De cooperante illo, cùm jam volumus, & volendo facimus, scimus inquit quoniam diligentibus Deum omnia cooperantur ad bonum. Alibi; Deus est, qui operatur in nobis & velle, & operari pro voluntate. Nos ergò volumus, sed Deus in nobis operatur & velle: nos ergò operamur, sed Deus in nobis operatur, & operari pro bona voluntate. Hoc nobis expedit & credere, & dicere. Hoc est pium & verum, ut sit humilis, & submissa confessio, & detur totum Deo.

Bona mens in his tranquillè subsidit, & ut benè agat Spiritu Dei agi se credit, sed juxta

S. Aug. de  
grat. & lib.  
arbi. cap.

17.

De bono  
perseve. lib.  
2. cap. 13.

juxta modum naturæ suæ hoc est, ut agenti se Spiritui liberè obsequatur. Agi & non agere lapidum est & brutorum; noster autem est Deus adjutor, quia nos cooperante Deo aliquid operamur, sed non benè, nisi illo faciente ut operemur, qui per Prophetam dicit:

*Faciam ut, in præceptis meis ambuletis, & judicia*  
*Ezech. 36. mea custodiat & operemini.* Ille ad obediendum sibi, & ipsum velle donat, tamen & à benè operantibus potestatem qua possunt nolle non aufert. Nulla hìc ergò necessitas ubi plena est dissentienti potestas. Propter hoc licet Deo faciente omne bonum faciunt, tamen quia in ipsis est, undè non facerent, ipsorum fit meritum quod faciunt. Intellectu hoc pe-

*L. 2. cont.* netrare (notat id & Augustinus) pauci va-  
*Pet. c. 85.* lent: at bona mens altiora se non quærit,  
*Ep. Rom. c.* edocta *sapere ad sobrietatem*, In hujus vitæ  
*12. v. 3.* tenebris ad lucernam fidei securè ambulat,  
*Can. 8. 5.* non proprio confidens arbitrio, sed *innixa su-*  
*per dilectum suum.*

Suaviter autem, quamvis fortiter Dei Spi-  
*Osea c. 11.* ritus mentem agit: trahit quippè eam *in vini-*  
*4. de nat. & culis charitatis.* Ipsa est enim (ut dicam cum  
*gra. c. 70.* Augustino) gratia Dei per Iesum Christum

Dominum nostrum. Nihil ergò hìc violentum, nil necessarium, ubi qui mandat & quod mandat, liberè diligitur. Nil non suave, ubi bonum quod fit, amore peragitur. Vide in Cântico Salomonis, quid possit Amor. Quanto

*Ex Versio.* effectu sponsa, in sponsum rapiunt. *Osculetur*  
*Isidori cla-* me *osculis suis, quia meliores sunt amores sui vino,*  
*ris Episc.* fra-

*Fulminat.*



grantes unguentis optimis. Trahe me post te,  
 curremus. Dilectus meus mihi, & ego illi, ve-  
 ni dilecte mi, egrediamur in agrum, commo-  
 remur in villis. Sub umbra illius, quem deside-  
 raveram, sedi, & fructus ejus dulces gatturi  
 meo. Ecce tu pulcher es dilecte mi, & deco-  
 rus lectus noster floridus. Insignivit in me  
 charitatem. Fulcite me phialis; stipate me ma-  
 lis, quia amore langueo. Leva ejus sub capite  
 meo, & dextra illius amplexabitur me. Inter  
 ubera mea commorabitur. Audiamus Spon-  
 sum; Veni in hortum meum, soror mea spon-  
 sa. Surge propera Amica mea, Columba mea,  
 Formosa mea, & veni. Vulnerasti cor meum  
 Soror mea Sponsa: Vulnerasti cor meum  
 in uno oculorum tuorum, & in uno ligamine  
 colli tui. Messui myrrham cum aromatibus  
 meis. Comedi favum cum melle meo: bibi  
 vinum meum in lacte meo. Comedite amici,  
 & bibite, & inebriamini charissimi: Specte-  
 mus hanc amoris reciprocationem. Spon-  
 sa volat in oscula sponsi. In quæ oscula?  
 In suavissima verba, & mitissima mandata  
 Christi. Petit ab eo trahi, num invita?  
 Quod petit vult, & optat. An ut sola cur-  
 rat? Nequaquam, sed dicit, curremus, Num  
 æquis passibus? Minimè: Vult trahi à  
 sponso ut post illum currat. Currit uter-  
 que, sed sponsus lux viæ & vitæ præcura-  
 rit. At enim petit trahi: ergò in petente

D

est

est aliquid prius trahente , quod non est à trahente , sed à petente , & quod petentis subest arbitrio. Mala ratiocinatio ; considera personam petentis , sponsa est. Non à se talis est : à sponso talis est. Non foret sponsa , nisi sponsus suo amore fecisset sponsam. Ita desponsata sponso petit trahi , ut una currat cum sponso. Quo currunt ambo ? Ad floridum lectum. Quis lectus ? Tranquillitas animi in Deo. Dum mortalis vivitur vita, eaque abeunte, æterna. In hoc lecto est beatitudinis consummatio. Hunc anhelat amor sponsæ, & impatiens moræ languet odoriferis spei resocillanda liquoribus. Huc ubi ventum, quæ non voluptas ? Sponsus commoratur inter ubera charitatis , quam insignivit in sponsa , levam capiti supponens, dextrâ in arctiores eunte amplexus. Electionis ad vitam sunt istæ manus , è quibus sponsa nequit eripi. Quam foelix torus ! hærent castissimo fidei nexu calentes , verbiqûe divini osculis ligati animas hinc , & hinc errantes per rosea transfundunt labella. Quas animas ? Sponsus alias atque alias perseverantiæ gratias. Sponsa alias atque alias gratiarum anhelationes , & laudes. Hic sponsa beari cœpit. Quomodò beari ? Messuit , sponsus mirram cum aromati-

bus.

BONÆ MENTIS. Lib. I. § I

s. Comedit favum cum melle: bibit  
um suum. In horto sponsi creverunt  
i, & in humanitatis suæ penu recondi-  
offerebat sponsæ, quando dicit, *Surge,*  
*pera Amica mea, Columba mea, Formosa*  
*i, & veni.* Et nè unum videatur invi-  
se, plures vocat. *Comedite amici & bi-*  
*& inebriamini charissimi.* Quid come-  
dum? Quid bibendum? Caro, & San-  
s sponsi: indè vita. Redeo ad amores  
nsi, & sponsæ; cùm illi sese tam mol-  
e & jucundè suaviantur; putas nolle  
se, quod volunt? Et velle carere, quo  
dulciter fruuntur? Amor impedit nol-  
facit perfrui.

*Nulla vis major pietate vera est.*

*Seneca in*

*Iurgia externis inimica durant.*

*Thyest:*

*Quos amor verus tenuit, tenebit.*

aproppter hoc saltem modo non perpe-  
dixerim, non posse nolle, quorum  
intates amor in unum compegit: & à  
ia necessatiò fieri, cujus ab illa tam ef-  
c est executio.

ed & ista risui habet quorundam ho-  
um audacia extrà verbum Dei polan-  
nescio in quas non opimum suavi-  
es, quæ Aristotelicis delibutæ pi-  
ntis exitiali simplicem veritatem,  
gunt profundo. Quid aiunt? Isto mo-

do totum dari gratiæ. Liberos non esse, qui non sunt libertatis huc illuc flexibilis : gratiam, si huic non auxilietur, sed dominetur auxiliarem non esse, sed hostem. Non ita est ; libertas nomen virtutis est. Liber non es, quia Deus paternè cavet nè sis malus ? Nulla major nec melior libertas quàm sub sapientissimâ Dei miserentis gubernatione. Hæc gubernantis & gubernati constat concordia. Quæris quid in amabili divinæ gratiæ, & humanæ libertatis unanimitate peculiare sit unius & alterius ? Quod dominæ ? Pedissequæ. Hanc ignaram boni, & nolentem illa excitat, adjuvat, potentissimaque delectatione facit volentem, & sequacem ad bonum, & in illo perseverantem. Concor-des sunt ; satis hoc. Iudicium communi dividundo hic profanum.

Si sic est : si sic agitur, à saxo inquires, vi impulso non differt homo : nec ab hoc Plauti.

*Enimvero DI nos, quasi pilas, homines habent. Deum calumniaris. Saxum animâ, rationè, voluntate caret. Homo tribus illis præpollet fluidis quidem suapte naturâ in pravum, sed gratiâ in rectum reductis : atque ita fit, ut atris nativæ cœcitatibus squamis exutus videat meliora, probet & sequa-*

sequatur, sed singula per gratiam, fiatque totus Christi.

Timeſ meritò ? A te nullum eſt: à gratiâ eſt: & hæc ſinit dici tuum, quia in te, efficit: licet verè donum ſit. Demus Deo, quæ Dei ſunt: omne bonum eſt Dei. Nihil habes, quod non accepisti: ſin accepisti, quid gloriaris, quaſi non acciperis? *Ab ipſo creati ſumus in Chriſto Ieſu in operibus bonis, quæ præparavit, ut in illis ambulemus.* Nota præparationem anteriorem ambulatione. Si præparatio tota ſit præparantis, & nulla in parte ambulantis, dicamus cum S. Cypriano, *In nullo gloriantur, quia nihil noſtrum eſt.* Taceam ego: loquatur vir Dei, *Laborant homines invenire in voluntate, quid boni ſit noſtrum, quod nobis non ſit ex Deo: & quomodo inveniri poſſit ignoro.* Meritò ignoras: quis enim poſſet? Cogitatio boni vix ulla pars boni, voluntate minor eſt. Et cùm S. Paulus fateatur ſe idoneum non eſſe ex ſe ad cogitandum quicquam boni tamquam ex ſe, totamque ſuam facultatem à Deo ſuffici; quid ſuum quæret voluntas, quod nè quidem cogitatio inveniet?

Pius ita modèſtè ſentiet. Nonnè tu ex naturali exciſus eſ oleaſtro, & contra naturam inſertus eſ bonæ olivæ? Hoc S. Paulus

Ad Co-  
rinth. 1.  
cap. 1.

lus asseverat. Infitione igitur factus est socius radicis, & oleagine pinguedinis. Quæ ista pinguedo? *Sapientia, justitia, sanctificatio, & redemptio.* Noli gloriari radix te portat, & alit, non tu illam. Ramus es, & alumnus. Christus radix, & altor. Tu autem ista fide. Noli altum sapere, sed time. Non stas fide, si non totus in gratiâ. Altum sapis, cum aliquid tuum supra gratiam exaltas. Quantulum illud tuum, quo gloriaris, clarè docuit Christus, jubendo, *Cùm fecerimus omnia quæ præcepta sunt, dicere, servi inutiles sumus, quod debuimus facere fecimus.* Hic considera hominis voluntatem, & factum. Quidquid ab utrisque proficissitur, etiam perfectissimum inutile est; quapropter jure dicit Dominus; *Para quod canem: & praunge te, & ministra mihi, usque dum manducavero, & bibero: & postea tu manducabis, & bibes.* Christus veritas est: mentiri non docet, cùm jubet pro inutili æstimari, quod etiam benè fecimus. Quid autem est quod servum sudoribus exhaustum, & toto corpore lassum post ministerium divinum vocet ad posteriorem mensam? Sola gratia: hæc servum asciscit familiæ Domini: hæc servum alit, instruit, & aptat operi, exercetque impigrè.

grè. Et licèt in debita laborum exantlatio- *Bellarmin. l. 6, de gra. & lib. arbit. c. 15. §. 10.*  
 ne cooperetur libera servi voluntas : ejus  
 tamen coràm domino nulla ratio, quia  
 servus dicatur inutilis. Est ergò cur servus  
 gratiam agnoscat, & non jactet laborem:  
 exultet in illa : non in hoc turgescat. Sit  
 summa ; quidquid pium est : à gratia est  
 opus dicatur, homine at qua pium, Dei.  
 Sic nihil eminenti gratiæ detrahitur : &  
 opus à gratiâ commendatur.

Ego ab effectis gratiæ reductus ad im-  
 mensam Dei misericordiam, ejus contem-  
 platione, & haustu fruor ad malorum in-  
 vidiam fœlix : & dico : ô Deum Opt. Max.  
 quid Opt. Max. Quem seipso maximo  
 majorem sua facit misericordia. Licèt ex-  
 clamare ô Deum te de Deo majorem !

## CAPUT VI.

*Providentia Dei regi omnia, & ab ejus medi-  
 tatione multiplices esse fructus, quibus  
 bona Mens alitur.*

**I**N omni rerum, hominumque statu, mi-  
 rum quantum dominetur Dei provi-  
 dentia toti suo operi plenissimè infusi, non  
 autem extrinsecus solum circumfusi, om-  
 D 4                      nia

nia non otiosè spectantis, sed potenter tractantis, & exequentis immutabili ordine, certo loco, definitoque tempore, singula sacro complexa modo, nec alia ab aliis aliena, tametsi multa à multis suapte naturâ aliena. Quantum hoc ! ut quæ sunt aliena, non sint invicem aliena. Calidis non pugnant frigida : non siccis humida : non duris mollia quæque suis locis regnant, & magno Deo reguntur, alibi in suo simplici ; alibi in suo composito, ubique ad miraculum.

Ad homines si eas, quot in illis obvia bona, & mala ! concinnat tamen ista Deus. Quamquam malum semper malum : & bonum semper bonum. Malum à matre malâ, quippè à voluntate malâ. Bonum à voluntate bonâ : sed illa ab homine malo : hæc à Deo Optimo, qui utramque in regno sui universis aurigatur ad metam boni : & usus utriusque per repugnantia in unum finem obsequiosè extrahere labem est. Respice ad automata, in quibus cursus rotarum in contrarios orbes meantium certo gnomone designat horarum spatia. Et ut in humano hoc artificio est, quod laudes, sic nihil in providentia quod culpes.

Mistas ? Malum ancillari bono : &  
utrum-



utrumque fati seriè contineri : ac propterea Deum utriusque videri authorem ? Non rectè. Separanda permisces. In adulterio, cædibus, aliisque id genus delictis, voluntatem à facto discerno : (a) (a) *S. Augustin in Enchirid. cap. 101. & seq.* illa semper mala, & licèt innexa fato, non tamen à fato fit mala : ipsum verò factum à Deo præfinitum : & æquissimè à crimine in bonum ordinatum abit. Sin istes, factum ipsum sine mala voluntate non evenire, proindè utriusque eventum esse à Dei voluntate ; quid tum ? Nihil mali habet voluntas Dei permittentis malum, & volentis factum : aut volentis malum permittendo, & volentis factum decernendo.

At permissio, & voluntas recipiuntur, inquires, non ex toto. In permissione quædam voluntas, quæ ab æterno malum præsciendo, non etiam præscribendo voluit patrari, quod fatali sui executioni concinnaretur : Deo quippè illam suam voluntatem ad hoc potiùs præparante, ut per illud, quod præsciebat malum, agens justè, ipse bonus efficiat bonum. Interea quantum ad peccantes, fecerunt illi, quod noluit Deus : vult enim eos facere benè, & ni faxint, punit malos. Nec quæras cur gratiâ non antevenerat malum ? Cujus

vult miseretur : & id , quando vult facit. Quantum ad Deum , non fecerint , quod ille noluit : at fecerunt quod sivit , non utique nolens , sed volens : nè nolenti non sit omnipotentia , quæ , si quippiam , eo nolente , fiat , non erit , quod dicitur.

*De prædestinatione  
lib. 1.*

Non alia mente B. Fulgentius , Deus licet author non sit malorum cogitationum , ordinator tamen est malorum voluntatum , & de malo opere cujuslibet mali non desinit ipse bonum operari : nec in ipsis injusta voluntatis operibus deserit operum suorum justum ordinem : quia & hoc in ipso ordine habet , quod malum justè deserit voluntatē , quam tamen hic in suis malis operibus à se discedentem deserit , ut ibi permittentis Dei operatio bona non desit , dum & in peccantis voluntate injustā implet ipse justitiam , & de malo quo peccantem judicat , quibus ipse vult , beneficium prorogat. Hic subsistendum. Malis hic esse Dædalus ; quàm Icarus. Et si celsum æthera investigationis volatu pulses , cadendum in hæc Pauliana ; O altitudo divitiarum sapientia & scientia Dei ! quam incomprehensibilia sunt judicia ejus , & investigabiles viæ ejus , quis enim cognovit sensum domini ? Aut quis Consiliarius ejus fuit ?

Etiamnum hæres ? Te tibi , fortunæ relictum existimas ? Absit hæc cogitatio  
tam

tam impia, & falsa, quæ ab illa fluit, Euripidis sententia.

————— *Res summas Deus*

*Tractat : minores ire, qua fors fert finit.*

Non tota falsa, si & hominem habeat inter summas fortuna, quam error facit deam, cæloque locat, eventus fati est.

Non malè Philemon in istum errorem.

*Profectò hominibus nulla fortuna est dea :*

*Nulla, inquam : verum quidquid temerè provenit.*

*Fortunæ à nobis accipit vocabulum.*

Tota mundi machina tui causâ condita gubernatur ; tuinè sederet Deus injuriosus ? primam creaturæ nobilissimæ, & ratione propè divinæ dicam semper, & ubique testatus est, tantò melior, & major, quantò difficilior est captu boni, magnique, ac justî, misericordisque Dei ; nimirum cum bonos adversis, & tristibus opprimi doles : malos secundis & lætis indignaris efferri : & effrenatos impiorum furores ali in bonos impunitate diuturnâ.

At non eo tamen minus Deus Optimus est bonis vero affectu : & in malos Maximus justo judicio.

Constans hujus rei ex certâ, firmaque fide meditatio piis cordis adytis insita, efficacissimoque cæli rore sæcundata plurifar-

fario uberat fructu. Primus est *fidentia*. Hæc animum forti contusione, indubia-  
que spe ad Deum evehit, in eoque pan-  
git, & alumnum facit. Hic ille, velut in-  
ter materna puellus ubera digitulis lusi-  
tans tenellulis, blandisque errans ocellis,  
& ore lacteum in nectar hiulco siticulus,  
amabilem Dei vultum ridibundo usque  
osculatur obtutu, paternamque in se cu-  
ram allicit, & excipit. O quantum bo-  
num in Dei sinu repostum fidenti, &  
speranti! Sive vi superum alto jactatur,  
undis in naufragum horrorem affilienti-  
bus, tutum scit, & occupat portum. Sive  
terrâ periclitatur inter cruentas hostium  
manus, aut voraces immanium belluarum  
rictus, spernit ista, quæ dicuntur inhu-  
mana scelere, & aspectu horrida: & in  
summâ desperatione sperat, seque protin-  
us in hoc Davidicum relaxat melos; *Qui*

*Psalm. 90. habitat in adjutorio altissimi, in protectione  
omnipotentis commorabitur. Dicit domino sus-  
ceptor meus es tu: & refugium meum Deus  
meus. Sperabo in eum: quoniam ipse liberabit  
te de laqueo venantium, & à peste exitiali.  
Scapulis suis obumbrabit tibi: & sub pennis  
ejus sperabis. Sive familias, pecudes, ari-  
stas, & sylvas de cælo videat tactas, aut  
in prædam raptas, immortalis possessionis  
dives*

BONÆ MENTIS. Lib. I. 61

dives est. Sordeat terrena, dum cælum suspicit. Non admittit hæc providentiæ fiducia, istas vulgi sententias; ferociam impiorum, nè noceat retundendam: & inter lupos vlulandum: nam novit Dominum propè esse, ejusque virtute illorum audaciam, bonitate malitiam superari.

Alter est *Obedientia* cui fidis, & à quo nihil speras, nisi quod tibi vertat bene, non obsequeris? Illi parere; fœlix libertas. Scis illum mortalium Imperatorem; quo vocat, eundem. Genérosæ pietatis es, quod; ceu bonus miles ritas in vulnera, transverberatusque ferro ames moriens, pro quo cadis Deum, Cleanthes hoc paratis succurrente in obsequiis  
*Duc me parens, celsiq; dominator poli,*  
*Quocumq; placuit: nulla parendi mora est:*  
*Adsum impiger.*

Tertius partim roseo, partim candido pulcher colore ceu ebur violatum ostro, suavissimum efflat odorem in astra; scilicet *Gratitudo*. In ea ingenuitas est, quæ divini magnitudine muneris erubescit: & candor, qui licèt reddendis impar gratiis, dicendis tamen sincerâ studet curâ. Cùm cogitas Deum tibi, quando non eras, parasse, quod es: dedisse quod habes: dedisse quod non merueras, an non tanta

ta benignitas monet, nè sis ingratus? Quid æther immensus ambitu, innumeraque stellarum virtute fulgidus, terraque ejus vividis circumdata amplexibus in rem tuam divites? Nonnè monent, nè sis ingratis?

— *Fruimur Iove, & utimur omnes;  
Nos genus illius. Nobis ille omine lato.*

*Dextra præsignat: populumq, laboribus urget,  
Consulat ut vita.*

Impius est, quisquis hîc ingratus. Attolle porrò mentem in altiora mysteria, & intelliges destinato consilio, & præscientiâ Dei Dominum nostrum Jesum Christum Deum cælo descendisse: & in homine gessisse, quæ fidem superant, nisi etiamnum in veris litterarum monumentis torquerentur. An non natalitia cunarum inter homines vilitas, inter Angelos majestas, vita virtutum omnium refertissima, & inexhaustâ scaturigine in beneficiorum fontes fluida, vulnera, crux, mors & tot miraculis manifestata divinitas pio jure mandant, nè sis ingratus?

Ab hujus providentiæ radice pullulat in stirpem vægrandi constantiæ coctum subere *Patientia*, densissimisque fortitudinis latè contra quævis inimica offusis stat immota brachiis. Qui credit Deum omni-

ni-

nipotentem, & universi gubernatorem, vindicem mali ad mortem, vindicem boni ad vitam, in Christo suis Optimum Maximum misericordiâ, & veritate, clamabit ô socii !

*Dabit Deus his quoque finem.*

*Durate, & vosmet rebus servate secundis.*

Gaudet duris, non murmurat : quia scit ab illo decerni, cujus iusta novit judicia. Tolerat, non odit. Quisquis odit tolerando, furorem velat. Versâ igitur in virtutem necessitate, se, suâque libens permittit Deo, & voluntatis facit officium : cujus tenacem propositi non malorum ardor pessima parantium, nec truculentius instantis tyranni vultus, non carnificum manus nudum corpus lacerantes, non candens calybs, artibusque infusa pestis, & medio in vulnere lucentes flammæ mente quatiunt solidâ : &

*Si fractus illabatur orbis*

*Impavidum ferient ruinae.*

Iniusta, ut ferat, patitur, datque tacitus victori manus, adhortante Iesaiâ, in spe & silentio erit fortitudo vestra : animumque alacritate stabilitur patientia : semperque fortem videris, cui suavis sua fuerit conditio, æqui, bonique omnia facienti. Atque ista æquitas sereno demissa cælo, est

est quasi mater patientiæ, quæ novit egerere, & abundare. Nunquam non in se dives es, melioreque tempore suas ostensura divitias. Quemadmodum arborum vis rigente hyëmis inclementiâ, intus latet contracta: verè revigescit in amœnam foliorum viriditatem, & odoriferas florum lubentias: sic percellentibus adversorum crudelitatibus Vir bonus intrâ se fixis virtutum tentoriis, sibi abundat, gaudet, & in fœliciores diem internas opes apertis foribus, patefacit, monstratque quid à Deo acceperit: & quam omnia, etiam amarissima divino irrorata melle dulcescant. Tantùm homini insculpta potest Dei providentia, à cujus ignorantia omnis impatientiæ proficiscitur causa: indeque est, quod tam citò, & facilè tumultuemur: & sæpè dispondamus animum.

Postremò se cæteris associat *securitas* in posterum. Hanc anchoram habet, quisquis non indubitat Dei sceptris. Ille maris, ventorumque potens imperio omnes fluctus tranquillat, adhortaturque, quid times? Ad clavum sedeo; quid times? Deum vehit tua cymba. Hac Optimi Maximi Regis voce permulsus, atque recreatus affatur, *Dominus illuminatio mea;*



*& salus mea quem timebo? Dominus protector  
vita mea, à quo trepidabo? Si consistant ad-  
versum me castra, non timebit cor meum.*

Quam foelix ista securitas! metuendis  
perindè, ac sperandis prodit obviam utris-  
que æquabilis: dicas rupem projectam  
mari, quæ nunc alludentes fluctus levi  
suaviatur obice, nunc timendo incurfan-  
tes ariete frangit, victrixque iratas ele-  
menti spumas musco suo tenet, quo ad in  
æquor liquecant. Ceyx & Alcyone in  
aves mutati nidum hyberno tempore in  
medio pelagi supernatantem struunt, ovif-  
que incumbendo securi lucifero Æolo-  
que generant nepotes:

*Tunc via tuta maris: ventos custodit, & arcet  
Æolus egressu, præstatq, nepotibus æquor.*

Miraris si Dei providentia inter circum-  
frementium malorum furores mentem fa-  
ciat quietam? Revolve, quæ dixi, qui  
Deo fidit, impigrè paret tam patiens in  
calamitate, quàm gratus in prosperitate:  
& omnium securus eodem it cursu, lætus-  
que in præsens, & futurum hoc suum non  
interrumpit gaudium, sed placido stabilis  
loco nec attollitur unquam, nec deprimi-  
tur. In hoc olim Philosophi beatam vitam  
ponebant: sed quâ ad eam semitâ perve-  
niri posset, quærendo numquam invene-

E runt,

runt , ignari naturæ in primo parente depravatæ , & hæreditariam labem transmittentis in posteros. Multa præclare de providentia multi disseruerunt: nunquam enim obscura latuit , sed mittens sui signa, se suis vestigiis colligendam dabat : qui autem verum ejus fructum percepisset, neminem ulla dedit secta. Virtutem quisque intra se ambizioso suorum virium nixu parturiebat omninò vanam, quâ contumacem animum pararent fortunæ. Nos Christi luce ad veritatem ducti , invenimus in illo arcanum hunc thesaurum, cujus ignoratio ad extremum omnium miseriarum via est, notitia ad beatitatem.

His imbutum pectus , non inquiet ; nihil agam. Quid fatis obsistem aliud agendo ? Quod volo, forsan ista nolunt. Quod nolo , forsan volunt : sed potius se ad meliora laceissent , cur desideam ? Scio , qui me vocet , & quò. Deus est Optimus Maximus. Summum bonum albet in scopo. Omni studio hùc tendam , quia fatis allaborandum , non indormiendum : sic ad optatum pervenitur finem. Et licèt quò ego volebam modo , nolit Deus : cogitabo tamen ab illo quoque illud esse; ut ego velim , quod non vult ipse ; ego ejus inscriptam virtutum tramiti sectando voluntatem

BONA MENTIS. Lib. I. 67

tatem ; ipse arcanam suam exequendo.  
Utraque amplectar : nec invicem contrarias inculabo , quia utraque in bonum , quod persequor , exit. Cæterum in mediis causis labor Apollinis apud Bionem placet.

*Obstupuit tanto luctu percussus Apollo,  
Implorat tamen artis opus, viresq, medendi :  
Et nunc Ambrosia succo , nunc nectare vulnus  
Perluit. Heu fatis Herba certare minores !*

---

CAPUT VII.

*A divina Electionis ad æternam vitam Fiduciâ  
bonam Mentem firmari : & undè istam  
fiduciam homini liceat capere.*

**F**RUCTUS tam multiplicis perceptio non est tui arbitrij : tota gratiæ est : & in Deum agnoscas datorem , perdes donatum. Agnoscendo bonâ fruitione dives eris , & omninò bonæ Mentis, quàm magis , ac magis stabilit electionis ad æterna bona cogitatio, & in te efficacis persuasio. O cælestem electionis meditationem ; quàm suaviter in te Mens nostra est tranquilla ! antè tempora apud æternum eras :

ac tandem executionem in temporibus es  
exorsa. Paucis arcânum pandam. Creatâ  
mundi pulcherrimâ fabricâ , & omni  
quæ in illo est rerum abundantia , de-  
erat usus ; *Faciamus* ( aiebat Deus ) *Ho-*  
*minem ad Imaginem nostram.* Elementis ita-  
que in homine aptatis , & in mutua fun-  
ctionum officia digestis , ceu parvo mun-  
do Spiritum incorporeum immortalem,  
& rationalem , magnisque præter naturæ  
integritatem donis rutilantibus exorna-  
tum inflavit , qui omnes infusus per artus  
admirandam in summa corporis modera-  
tione manifestet præstantiam. Hoc pri-  
mus mortalium Pater habuit exordium :  
& uti divinas animi dotes , quibus ad  
creatoris sui specimen effulsit , sibi & suis  
accipiebat in excellentissimum immorta-  
litas ornamentum , si earum tenax obe-  
diendo perstitisset : ista sibi & suis eas in  
æternam animæ deformationem perdi-  
dit peccando.

Exin hæreditaria in progeniem proser-  
psit contagio : malum , profecto , omni  
facultatis humanæ remedio majus. Quid  
faceret infœlix homo ; Perierat : in primis  
namque Parentis lumbis omnino lethali-  
bus reus mortis nascebatur ad supplicium.  
Peccati stipendium mors est. At audi de-  
creta

creta Dei. Justitia horrendis fulgerans oculis antè mundi, hominumque cunabula prospectans tam impium auctum, fulmine dextram Dei in summum Adæ, & nepotum armabat exitium. Verum misericordia paternis leviter insinuata præcordiis fulminantem morata est manum, & commiserationis suavio justum emollivit rigorem, usque adeò efficaciter, ut Deus conclamatam hominum massam dividens, aliis summè misericors factus sit pater, aliis justissimus judex; illis in dilectissimo filio suo Jesu Christo Salvatore ad vitam; his in Adamo peccatore ad interitum. O adorandam sapientiam! voluit esse misericors indebitâ electionis gratia, qui poterat in omnes debito reprobationis sævire iudicio. Voluit esse justus, dum alios indurat, quo Deum non reperiant salvantem, quem delicto meruerunt damnantem. Hinc te Deus & misericordem amamus, & justum prædicamus.

Interfatur aliquis pro reprobo; indurat? O duram vocem! quid gratia discernimur? Æquat cunctos, quos unum inquinat facinus. Quæ ista, per Deum immortalem, justitia? aut jungat æqualis gratia: aut æqualis plectat poena, quos eadem tenet noxa. Sile; iniqua non est

te prætereuntis gratia : iusta est præteriti, cuius noluit, Deus misereri, damnatio. Nolentis misereri causa à sola Dei voluntate est, non à te : si à te sumatur, nihil in te est, quod sit in aliis foelicioris sortis : sed nolens misereri, voluit damnare. Cur quæris indurari ? Si te tibi relinquat : si velit, nativo tuo indurescas pravo, quæ iniquitas ? Repellit Deus, indurat Deus, excæcat Deus, quem nec vocat, nec mollit, nec illuminat. An Deo non permittes, quod Regi terreno uni ex multis capite damnatis scelus impunitum dimittent, & alios iubenti duci ? Nè igitur tam profano insanias obloquio. S. Paulus velut è cælo hæc effatus, *Non habet potestatem figulus luti ex eadem massa facere aliud quidem vas in honorem : aliud verò in contumeliam* ? Rogas quare unum magis in contumeliam, quam aliud ? Rideret figulus. Non licebit Deo, quod figulo ? Iudicia Dei judicabis ? Scrutando profunda, cave præcipitium. *Si hac massa* ( ait S. Augustinus ) *esset ita media, ut quemadmodum nihil boni, ita nec mali aliquid mereretur, non frustra videretur iniquitas, ut ex ea fierent vasa in contumeliam. Cum verò per liberum arbitrium primi hominis in condemnationem universa defluerit, procul dubio, quod ex ea sunt*

August.  
Epist. 106.  
Bonifacio.  
alias Paulino.

sunt vasa in honorem, non ipsius justitia, quæ gratiam nulla præcessit, sed Dei misericordia: quod verò in contumeliam, non iniquitati Dei, quæ absit ut sit apud Deum, sed judicio deputandum est. Hoc quisquis cum Ecclesia sapit, non contra gratiam pro meritis disputat, sed misericordiam & judicium Domino cantat. Ut nec misericordiam recuset ingratus, nec judicium accuset invitus. In hanc sententiam, *Bellar. de*  
 ivere Viri magni, nè à S. Paulo abirent. *gratia, &*

Istis, inquires, quantum turbatur animus! tanto Apostolo nolim obloqui sed *libe. arbi.*  
 inter repugnantes sententias collidor. Ad *lib. 2. cap.*  
 Romanos scribebat illa memini quid ad *10. (ubi*  
 Timotheum; Obsecro igitur primum omnium *rectè explicat, cap. 9.*  
 fieri obsecrationes, orationes, postulationes, gratiarum actiones pro omnibus hominibus, pro Re- *ad Roma.)*  
 gibus, & omnibus qui in sublimitate sunt; ut qui- *item cap.*  
 etam & tranquillam vitam agant in omni pie- *16.*

tate, & castitate: hoc enim bonum est, & acceptum coram Salvatore nostro Deo, qui omnes homines vult salvos fieri, & ad agnitionem veritatis venire. Unus enim Deus, unus & Mediator Dei & hominum homo Christus Iesus: qui dedit redemptionem semetipsum pro omnibus. Hæc omnibus salutem video propinari: omnibus Christum Jesum Mediatorem & Redemptorem dari audio. Qui omnes dicit, neminem excipit: quare Deum non

omnibus æquum existimem ? Nè diutius fluctues, nihil perplexi habet sententia. Ex ratione Apostoli intelliges, quinam illi sint, quos omnes Deus vult salvos, modò eam non scindas : in cujus connexu unus Deus, unus & Mediator Dei & hominum, & Redemptor, stant individui. Omnium hominum unus Deus est, & non minùs Regum, Principum, & aliorum quicumque dignitate sublimium, quam privatorum. Quos ergò in complexum verbi (*Omnes*) convocat ? Quibus Christus Jesus est Mediator, & semetipsum dedit in redemptionem. Mediorum voluntas designat voluntatem finis. Media sunt, Mediator unus, & Redemptor. Hæc solis electis effectu sunt præcipua, quos & non alios voluit salvos, & quidem ex omni hominum genere, non autem omnes homines. Si alios voluisset, nec fecisset, ubi omnipotentia ? Deo volenti parent omnia. Nefas cogitare, non fieri, quod ille voluit. Nihil tutius quàm ejus amplecti voluntatem læto nuntio per Angelum denuntiata Josepho ; *Ipse salvum faciet populum suum.* *Suum* dicendo, dicit omnes. Quin *Suum* dicendo aliquos excludit, quos pro suis non habet Christus, & in peccato relinquit nullâ culpâ relinquentis:

*Matth. 1.  
21.*

angelum denuntiata Josepho ; *Ipse salvum faciet populum suum.*

*Suum* dicendo, dicit omnes. Quin *Suum* dicendo aliquos excludit, quos pro suis non habet Christus, & in peccato relinquit nullâ culpâ relinquentis:



quentis: sed peccato non effugiente justitiam punientis.

Audiamus Dominum, *Non misit Deus filium suum in mundum, ut judicet mundum, sed ut salvetur mundus per ipsum. Alibi; Non pro mundo rogo: sed pro his quos dedisti mihi, quia tui sunt.* Si missus est ut salvet mundum, cur Patrem pro mundo non rogat? Quem mundum vult salvum? Mundum qui non est de mundo, & mundus est ab immundo: quis ille? Quem Pater dedit filio, & pro quo Filius se sanctificat, ut sit & ipse sanctificatus in veritate. Sic se veritas interpretatur. Posteriores sententiam calumniaris, nisi in prioris luceat intellectum. Manet itaque Deum nolle salvos, pro quibus filius noluit orare: salvos, quos filii non præterit oratio.

Si lex fixa, hæc est, alios ita reprobato, ut necessariò mancant reprobi: alios ita electos, ut nullâ spongiâ vel letheo inebriata rivo deleantur electionis albo quò hæc dulcisona sententia? *Christum pro omnibus crucifixum, & mortuum.* An solo adblanditur sono? Impiè negavero pro omnibus mortuum. Quod enim ad sufficientiam pertinet salutis, sanguis Christi redemptio est totius mundi: audi Leonem:

Quoniam paribus non cedant pares copiae. Justè, & providè hæc quidem, verum manet hæsitatio, cur misericordia in paucis, quæ non nisi in multis dicenda videbatur magna, & major omnibus operibus. Audi, in universis electis & reprobis magnam conspici misericordiam. Deus in universis vidit, & videt non ferendam peccati audaciam, contaminationem execrandam, & sui inipium contemptum. Cum igitur ultore fulmine non disflat universitatem, singulis clemens est: nec peccatis, severoque justitiæ interpellatu avocatur ab inexhausta beneficiorum largitate. Aqua, aer, terra suas peræquè dividunt divitias. Sol, Luna, cæteraque sidera pari lumine in commodum omnium occidunt, & redeunt. Scientiarum dotes in quo ævo non præclarissimæ? Ad summam gentilium felicitatem obstupescimus: & magno illis affusa dona sectamur studio.

Hæc misericordia in universis. Verum quantò major in electis, tantò magis supereminet omnia: atque illà se quodammodo major est. Deus, quos enim jure damnasset, eos liberando misericordiæ post habuit justitiam: noluit illis esse justus. Voluit esse misericors, nullo præceden-

dente merito gratiam liberantis. At quare hoc in tam paucis ? Non ultra pergendum contando. Voluntas stat in verbo majestatis. Quis Deum ad rationem deposcet ? Offensus peccato voluit irasci ut justus appareat : quonam modo ? *Sustinendo in multa patientia vasa ira aptata in interitum.* Quam hoc potenter ! Et quam ordinate ! quantâ potentiâ malos flectit in bonum ! quanto ordine in pacis vinculum coercet ! ex ipsa vitiorum foeditate , & impiorum conditione quedam mundi pulchritudo adornatur. Majorum dominatio , quamvis atrox & bonis acerba , servit tamen ad meliora.

Atenim multò justius prævidentia meriti massam discerni , unum in cælum sublimantis , alterum in Acheronta mergentis. Error est ; si meritò massa distinguitur quo ista ? Deus nos vocavit vocatione sua sanctâ non secundum opera nostra , sed secundum propositum suum , & gratiam , qua data est nobis in Christo Iesu antè tempora secularia.

*2. ad Tim. 1.9.* *Ad Roma. 11.7 & 3. 11.* Quod quarebat Israël non est consecutus : electio autem consecuta est , veteri verò excacati sunt. Electio non est ex operibus , sed ex vocante. Quam luculenter alibi Paulus ! Quos praeordinavit , hos & vocavit : & quos vocavit , hos & justificavit : quos autem justificavit , hos

*hos & glorificavit.* Cui tribues hæc divinitus connexa? Quæris prædestinantem? Deus prædestinat. Vocantem? Vocat Deus. Iustificantem? Justificat Deus. Glorificantem? Glorificat Deus? Dei in solidum est hic beneficiorum nexus. Et quid boni prævidisset Deus in nobis, qui in Adamo eramus corrupti, pessimi, perditæ? An in malo bonum? In peste sanitatem? In exitio salutem? Dic sodes, quod huic exitio remedium, in te invenisses homo miser, quo prævidentis demeruißes electionem? Si te gratiâ conferendâ bene usurum prævidit, nihil hîc tuum vidit. Usus iste est effectus gratiæ germinantis in bonum. *Electos nos in Christo*, Scribit Apostolus, *Antè mundi constitutionem*: Ergò non in nobis: *Prædestinatos in adoptionem per Iesum Christum*: Ergò non per nos: prædestinasset per nos, si à meriti prævisione incepisset prædestinationio. Addit, *In ipsum*; sive intelligas in ipsum prædestinantem Deum, sive in Christum, neuter sensus conditionem prædestinationis in te ponit. Non erubescis ad hæc verba? *Secundum propositum voluntatis suæ*. Quod ille proposuit, fecit, Dictione, *Suæ*, tuam excludit. Quo jure propositum Dei facis tuum? Facis, dum illud fit meriti tui heliotropium.

O nefas ! etiamnum massæ divisio videbitur hominis merentis , & non potius elegantis Dei ? Non elegit , quia prævidebat nos sanctos : sed ciegit ut essemus sancti.

*Ad Ephes.* Ab electione nostra sanctitas, non ab ulia  
*1. 4.* nostra virtute. Naturâ profanos spiritus  
 Deo consecrat, quod fit insitione in Chri-  
 sti corpus, extrâ quod nîl nisi pollutio. In  
 illo omne bonum, quos in nos fide trahi-  
 mus alumni.

Urgebis non in carne, sed in anima sedem esse peccati : animas non ab Adamo traduci, verum novâ creatione corporibus infundi : quo jure illæ luent alieni delicti poenam ? Ad hunc incursum stupent multi, dum contrâ humanæ rationis temeritate luctantur, nec acquiescunt Sancto Spiritui per Apostolum asseveranti, *Omnes in uno homine peccasse*. Præjudicium hoc est inter Christianos. Quid ultra tendis, & acumen ingenii fatigas incassum ? At religiosam hanc modestiam redit Heterodoxus obtentâ avitæ labis imitatione inficiatus propaginem. Rideat, at constrictus effato tam peremptorio tenetur, *In quo omnes peccaverunt*. Non nunc in illo primum peccamus nati, sed olim peccavimus nascituri. Imitatio posterior est exemplo. Ad ex-

exemplum non peccat, qui simul in eo peccavit. Hanc metam nimia transfiliens curiositas, in quas non se tricas induit? Alius traducit animum filii de paternâ: & magna propugnat ratione. Alius ambiguë aut animam & corpus ex semine trahi: aut alterum in altero tamquam in vase vitiato corrumpi. Nihilò certior aliorum assertio, novas quidem animas singulis corporibus inferi, sed nos cum Adami peccato in paradiso communicasse, quia in lumbis jam tunc peccantis eramus. Sed quid hoc ad animam, quæ in Adamo non vivebat, & novâ creatione contubernium corporis erat ingressura? Animo corpus animat, & regit: Non intelligo corpori concretam labem, quæ tam nobilem ac novum hospitem hostili inficiat complexu. Quid enim caro in animam valet?

(\*) anima spiritus est. Ab anima cepit in (\*) *D. Bell.*  
 paradiso infidelis elatio, & inde ad trans- *tom. 3. con-*  
 gressionem præcepti consensio. Et quæ *tro. 2. cap.*  
 non alii commenti sunt? *12. vers.*

Forſan major aliquid color aut ad veritatem; aut temeritatem addet inter totius propaginem & novæ creationem medius; cum nimirum in prolis animâ creandâ efficaciter hoc agere; ut paternâ quipiam abſiſtat, ſolidoque ſpiritus incorpo-

F rei;

rei, & immortalis valescat incremento, quod in novam continuò emicet animam, sine ullo paternæ detrimento: & hoc fieri non in qualitate seminis transfusione, sed quando Deo visum animam permiscere corpori.

Sed quid est illud quippiam, inquires? Num pars animæ? Et quonam modo illud absistit? Nescio, an fallar, si in ipso jam ultimæ voluptatis æstu in genitale semen despumante, quasi fulgerantem considerem animam, & indè velut animæ aliquid fulgetrum absistere, quod non illi-cò fulgorem perdit, sed creatoris potentiâ versum in stabilem, perennemque radium, non totum ex anima est, ast aliquâ sui parte creatum subsistit, & semen in materno arvo & sulco eliquatum, præeunte fato, intus comitatur. Sic fortassis Adami costam animatam mutavit in Evam omnipotens. Non enim in Evæ, sicut in Adami faciem spiraculum vitæ spiravit: Sed ex primo illo spiraculo elicuit aliquid, quod pari Spiritus immortalitate donaret. Non miramur abstruso in venis filicis igne ad conflictum & tritum scintillante capax scintillæ nutrimentum confestim flagrare: An omnipotentissimus Dei Spiritus tantillum non efficiet, ut, quoties

quoties hominem creari libuerit, ex mutuo animarum desiderio, corporumque conatu in prolem æstuosè nitibundo ac totam intus animâ paternâ corporis molem agitante, fulgeret & eat aliquid in æternum animæ vigorem peccati hæres paterni? Et isto sensu isthæc dixissem David videri posset; *Ecce in iniquitate conceptus sum, & in peccato concepit me mater mea.* Si ad libidinem parentis referas, non probo. Pater, & Mater Davidis justi erant. Justorum coïtus, si pudicus sit, justus est. Libidine, non conditione scædatur. Status benedictionem habet, excessus peccatum. Fortè referes ad semen recenter conceptum, quod novæ animæ opperitur adventum: Sed dictio ( *Me* ) Aliquid plenius significat; quippè hominem, & non simplex semen; atque ita Davidem in ipsa feminis animati conceptione contaminatum paterna lue: nudum enim semen exers animæ in se nec hominem, nec peccatum habet, quod enim peccatum in tercia excretionem? In anima reperies: illud amque, animæ & feminis jam in uteri austra recepti coagulo per mistum, sum hominis corrumpit exordium. Et sic multo verisimilius fit ex eo, quod ali-scriptum, *Cunctæq; anima, quæ ingressæ* Genes. 46. *sunt 26.*



*sunt cum Iacob in Ægyptum, & egressæ sunt de femore illius.* Ego equidem, quâ ratione diceres animas ex femore Iacob egressas, & nihilominus aliundè profectas, ignoro. Notum quidem animam sæpius in sacra Scriptura capi pro toto homine ! sed hoc auget non minuit difficultatem. Quî precor homo ex femore manasset, nisi in paterno semine ? Rursum, quî hominem ex femore deduces, si semen dumtaxat in corpus formetur : & adventitia demum anima hominem perficiat ? Ast ista perfectio non verè ex femore Iacob jactabit egressum. Verba Prophetæ Moysis sunt clara. Cui religioni non est obscuriora sequi, ille facilè devius.

Verumenimverò & hæc conjectura multis interrogationum incurfionibus exposita, & responsis defensa ibit in vasta disputationis spatia. Libera tamen disputatio non omninò malè tueretur peccati hæreditatem non à novæ animæ creatione, nec à corpore deferri : sed necessariò ab aliquo, quod vitiosum est. Quod illud ? certè non Deus. Nec corpus. Deus in omnibus operibus bonus est. Corpus terra est, & in animam nihil juris habet. Restat ut ab anima paterna sit peccati transductio, quo modo ? dixi : nolo ultra con-

tendere in re, quam dubius opinionum incertat conflictus: Et malo cum S. Augusto hîc discere, quam asseverare, nè quod nescio, asseverem, Et segura est ejus ignorantia, quod sine salutis labe nescitur. Quapropter in his subsisto; *In qua omnes peccaverunt.* Quis hoc dictum controvertet? Quod Pythagoræ datum, viro Dei negabis? Crede, & fiesce hoc carmine, *Ipsè dixit.* Modum inter arcana Dei linque. Quam admiranda Apostolus in cælum raptus audivit, & divino jussu nos celavit: forsan & iste propagati peccati modus inter illa. Quidquid sit, hoc saltem verum est, *Gratiâ nos servari per fidem ( & Ad Ephes. hoc non ex nobis, Dei donum est ) non ex operibus, nè gloriemur. Electionem non ex operibus esse, sed ex vocante.* Et illud æquè verum, voluntate Dei indurari, quorum non miseretur: electos assequi, quod exæcati non possunt: sed Spiritu soporis tantis oculos dari ut non videant, & aures ut non audiant, abundè hoc erat, quò ostis gratiæ conticescat.

Bisaria hæc prædestinatio gratuita ad tam, & justissima ad mortem se lucantis in utroquè genere hominum aperit gnis: undè hominem aliàs beatum, aliàs damnatum conjicies. Utriusquè linea tanta duxit Propheta & Rex David. *Psalm. 1.*

Prioris erunt in te conspicua, si primum totus horreas impiorum concilia, quæ à recto Dei cultu hominem in impia quæque transversum agunt: & Deum ambiguo sensu vel nullum, vel nescium nostri tota persuasum vellent cunctis res humanas cæco fortunæ casu volvi, non autem divinâ regi providentiâ: tum si turpem & vitiosam vivendi rationem exosus, viam peccatorum divino deflectas instinctu, aut ingressus, in ea non stes, sed è vestigio relipiscens ad rectum cursum redeas. Denique si in cathedra pestilentix non sedeas doctus perniciosi dogmatis, nec irrisor virtutis, & pietatis. Postremò si tuâ voluntate legi Domini placidè mancipatâ, in ejus meditatione fervidus discas, quo verè Deum cognoscas, ames, colas: & quæ brevissima sit in cælum via: & quæ spatiosa ad inferos.

Quisquis in his quatuor profecit, aut pio eorum agitur studio, speret benè. Cùm enim te sentis donatum bonæ voluntatis dono, & in pietatis officia promptum, surge, per Deum, licet, in constantem salutis spem confidentiùs, & multis negata tentans iter viâ, sperne servilem timorem terrenamq; diffidentiam fugiente mentis pennâ, vola sublimior in cælum;

lum: nec dubita, quin illud tibi quamvis immeritò recludet Deus; *Qui non dedit Spiritum servitutis iterum in timorem, sed Spiritum* Ad Rom. 8. 15.

*adoptionis filiorum, in quo clamamus Abba Pater. Ipse enim Spiritus testimonium reddit spiritui nostro, quod sumus filii Dei. Si autem filii, ritui & heredes: heredes quidem Dei: cohæredes autem Christi; in quo habemus fiduciam & accessum in confidentia per fidem ejus. Vide si fide gigni fiduciam, fiducia audaciam?*

Non temerè igitur præsumis electum, in quo lucent electionis istæ faces. Harum ductu prorsus indubio gaudet sapiens, seque magno solatur bono. Dei ad nos per medias causas descensus est. Nosce quoque nostrum ad eum ascensum efficaci graduum serie certum; & incipe ab effectis generationis ad justificationem, ab hac ad fidem: ab hac ad vocationem: ab hac ad æternum electionis decretum, in quo bona Mens Deo adstat securior, ac divinas quodammodò arcani tabulas inspicit. Secretum Domini canit Propheta, *In* Psal. 25. 14. ex vers.

*testamentis eum, & pactum suum ostendet illis.* Quod enim carni & sanguini patefieri nequit, solis electis revelatur, *Unctionem habentibus à sancto Spiritu & noscentibus omnia, datus quippè est illis calculus candidus: & in calculo nomen novum scriptum, quod nemo scit, nisi qui accepit.* S. Hieron. Flaminii, Isidori Ep. 1. Ioan. 2. 20. Apocalip. 2. 17.

Ex aduerso timeas illi , nè reprobus sit ,  
qui vel consiliis impiorum acquiescens  
moratur in via peccatorum: vel cunctis ex  
authoritatis suggestu pestilentem afflat do-  
ctrinæ ventum: vel Dei lege neglectâ, ejus  
studiosis protervè irridet : vel, quod ex sin-  
gulis proficisci solet, qui quocumque libi-  
dinum æstus, impellit, insano ruit furore ,  
ratus à timore primum in orbe factum  
Deum , cum propterea contemni impunè  
& rem vanam esse timorem. Hinc, quisquis  
potentior , vivit plerumque mortalis sortis  
immemor, & evanido superbiæ aliquantis  
per potentis folio cellus , velut super  
caput Altissimi negotium agit , in ipsum  
impius , in pios crudelis , seque hac nefa-  
riâ parenisi exsuscitat ; uti potestatem na-  
ctus es , sævi. Age quod nulla posteritas  
vel probet, vel taceat. Utroque modo pe-  
rennabis. Parum tua referat , virtute , an  
scelere per posthuma mortalium curras  
ora in æviternitatem. Inveniet semper  
tàm sceleris , quàm virtutis laus suos. Al-  
terutrum quod rebus tuis commodius, se-  
quere : animumque majore monstro im-  
ple , ubi scelere quæsitâ , tuenda sunt, aut  
quærenda dominationis augmenta. Ho-  
nesta, quæ potestatem precariam faciunt,  
procul habe , & tibi in privatis sint bonis.

Quo

Quo juvat ito. Bene est, finitentes auro triumphales palmitas, consularesque pre-  
textas impiis obtendas factis, domusque  
mane salutantium ingentem totis ædibus  
romat undam in admirationem vulgi tibi  
prodeunti, ceu feræ, cedentis. Et quo  
ætius vitiis indormiscas, pectusque diri fla-  
gitii flagello liberes, pasce jocorum, ve-  
nerisque, cupidinisque ministros, inge-  
niososque ventres. Venus optatis nupta-  
um, innuptarumque furtis comitata, &  
numeris circumfusa suaviis quodvis fa-  
uci minuit crimen risu. Sic sic perire li-  
eat in hoc scelerato delicio, aliis inviso,  
& gravi, tibi inclyto. Ad inane mortis  
omen nè trepides, in quâ rerum om-  
nium linea; quod ultra est oderis curare,

*Soles occidere, & redire possunt:*

*Catull.*

*Nobis cum semel occidit brevis lux,*

*Nox est perpetua dormienda.*

n autem non omnis moraris, parsque  
iqua tui vitet libitinam, hospitem joco  
mitte umbram pallidulam rigidam, me-  
olamque in loco tenebricola, ubi hu-  
anas inter umbras ridebit extrâ fulmen  
gulâ. Tantæ securitatis est putare nul-  
n esse Deum, inane cælum. Hisce ne-  
tis vives & morieris tranquillus.

Quis hunc non judicabit perditum?

F 5

Cave

Cave tamen hîc damnatorium decretum temerario præcipites iudicio.

*Seneca.* Nam sera nunquam est ad bonos mores via.

*Quem pœnitet peccasse, penè est innocens.*

Dum vivitur speranda, non desperanda correctio, & hæc ab auxilio Dei misere-  
rentis, non à natura sceleratè viventis.

*Joël. 2. 14.* Quis scit si convertatur, & ignoscat, & relinquat post se benedictionem. Vis electionis in aliis citius, in aliis post longas impiæ noctis tenebras per fidei lumen, ac spei, charitatisque radios erumpit in salutis signum. Et compertum est, nonnullos in mortis confinio dolorem & odium peccati testatos, ac fiduciæ suæ in salutiferis Christi vulneribus anchorâ firmiter fixâ, salvos obiisse. Verum propè abest inferni faucibus, huic qui præfusus exemplo, vivit flagitiosè: nam impia spes, quæ gratiam tam seram temerat peccandi securitate.

Discrimen habes justî, & impii: beati & damnati: habes & vitæ, mortisque conjecturas, iis sapienter utere ad bonam Mentem.

## CAPUT VIII.

*Vir bonæ Mentis verâ Dei notiâ , & gratiâ  
instructus quî se habeat in rebus externis  
sive jubeat , sive pareat.*

**P**hilosophus tam divinâ robustus sapientiâ non statim evocatur tetrîs : placet Numini illius bonam Mentem sive regentis , sive parentis , in humanæ societatis bonum actuosam intueri belli , pacisquæ tempore. Videas regentem alibi sceptro , alibi consilio , alibi judicio , alibi privatum plenus Deo omni ab eo auspiciatur. Rex est ? Regnum pietate sacrat cælo gratissimum , probitate facit terris amabile , posteris verò perenne , virtutis illas prudentiâ in publicum , & privatum usum præcunte. Bonis artibus indutus , & severis in malos armatus legibus benignis in bonos , & terrificis decoratus armis in hostes pari virtute utramquæ belli pacisque sortem ornat. Nec insolescit prosperis , nec adversis pressus jacet. Æquitate , non viribus jus metitur , pretio & gratiæ invius : urbe & castris magis mores ejus , quam ebur curule , fascesqve , & lituos sectantibus. Justitiam clementiâ temperat , & subditorum



rum attemperat naturæ , & ingeniis , parcius in delictis publicæ noxæ , effusius in aliis. Cavet sedulò nè immodicum severitate , post metum & terrorem renatos , timere desinant , & incipiant odisse. Alternum Regis , Populique amorem , velut firmissimum vinculum pro excubiis , & circumstantium pilorum horrore securius tenet : & quia ipse solus non videt , nec audit , nec capit omnia , ut ille apud Homerum.

*Grandævum legit in primis , fortemq; senatum.  
Quos premit fortuna , sustinet , miseris  
juxta atque foelicibus amicus , frustra consulente Photino.*

*Apud Luc. ————— Fatis accede , Deisq;*

*Et cole foelices , miseros fuge.*

Bellum libentius opperitur & excipit , quam infert , nunquam nisi ex causa , quam jus , non autem validiora probant arma. Geret virtute , & disciplinâ non sibi , sed suis , tam olea insignis , quam hastatâ virorum segite fluctuante formidabilis : ubique pius Æneas , non secus , ac si Deo militaret. Indè animo grandescit lethique superior metu præit militem anhelum exemplo , non verbo ad virtutem , verumque laborem. Pugnandum est ? Antè tubam fulget sublimis æquo ad terrorem

rorem hostis : post eam suis ubique conspicuus nunc constantis ducis officio, nunc fortissimi militis, & cum Cæsare.

*Ipse manu subicit gladios, ac tela ministrat,  
Promovet ipse acies, impellit terga suorum,  
Verbere conversa cessantes excitat hasta.*

Vincit ? Illi

*Post acies odiis idem, qui terminus armis, Claudian.*  
Et pro barbaro ritu est cædem cæde, sanguinem sanguine expiare.

In regium accitus consilium quid agit ? Cogitat se aurei sceptri assessorem, non Dominum, ejusque vim totam vigere ab honesti & justî respectu. Cogitat & sequitur quid Deus, Religio, lex cogunt, procul amotis, libidine, odio, invidiâ, cupiditatibusque. Non calidus & audax consilio. Nec timet Regi in ausa imprudenter procincto verbis latini Regis loqui;

*O præstans animi juvenis, quantum ipse Virg.  
feroci*

*Virtute exsuperas, tantò me impensius  
æquum est*

*Consulere, atq; omnes metuentem expendere  
casus :*

*Respice res bello varias.*

Quare lentè consulit, consulta festinanter exequitur, nè plura. Publicè, privatimque prodest ex conscientia mentis suæ,  
quam

quam sicut à Deo accepit, ita eam optimi consilii, & facti testem refert ad auctorem.

Desideras videre judicantem? Videbis, in quo nihil desideres; quippè virum bonum, juris dicundi peritum: cui sola virtutis & vitii, justi & injusti disparitas pro Themide est, nulla verò personarum aut dignitatum: & ut strictim dicam, qui

*Euripid.*

*Iustis amicus, & bonis: contra malis,*

*Vbiq; quot sunt, hostis infestissimus.*

*Oblata quamvis dona amicorum manu*

*Numquam recepit: spiritu celfo negans*

*Emancupare quæstui mores suos.*

Apud eum neminem disciplinæ militaris collabentis causa defendit: & stipendium rapto ac concussionibus auctum luit. Magni illi mavortii quantum velint indulgeant grassationibus in devastationem effusis, Tribunal tamen nescit parcere: sententiam fert. Sin exsecranda armorum eludatur licentiâ, ab alieno flagitio est. Inter eâ indignum sententiæ suæ Spretum illis, ad quos ea res pertinet, proponit, sicque functus officio, cætera committit fati. Quod enim quærela nequit corrigere, facit levius patientia. Regnum pace serenante, illustrior judici, ejusque decretis redit vis & authoritas: & martia illa  
ani-

animorum ferocitas in civicam morum societatem congressa manfuefcit , & æqui fit observantior : fin intus fremat cruenta , pacis impatiens , & qua potest crumpat in pristina defævit cruce.

Privatus est ? Admirare in privato lare magnum. Quod est , esse vult , nihilque mavult , ad utramque fortunam idem. Divus est ? Mentem cum divitiis possidet , his nempè illa dominante. Pauper est ? Omnium malorum novit levissimum , paupertatem , & fortunatiorem , quod in deterius non metuat vices. Hac mente incipit esse vitæ beatioris , paratque gloriam parendo. Quibus ? Deo , Regi , & eorum muneri succedentibus vicariis. Æschyli verum dictum ,

*Tu nè malè urbi consulas clamans Deos ,*

*Fælicitatis mater obsequentia est ,*

*Vxorq; ( ut aiunt ) sospitatoris joyis.*


Deo morigerus semper , & in omnibus , sive ea ardua , sive fœlicia : quia novit illum in omnibus bonum , & ejus ab imperio nil nisi bonum expectari. Iussa nota sunt , & eternis incisa tabulis nullo fallunt pede Varo. Homini quousque ? Ad aras : has ultra si quid imperatur , vel abit ille se suâ virtute involvens : vel si abitus negetur , Deo idus humani temnit iniquitatem jussi.

Minæ

Minæ potentioris in non parentem fulgurant, tonant? Deo animatus obvertit ferro pectus, non avertit, seque hac suscitatur in ferientem constantiæ voce; ferituum hoc est ab iniquo: patiar fortiter, meum hoc à virtute est. Feri, inquam, me non feris: meliore mei parte te ferroque; tuo major sum. In geminam sanguinis es sanguinarius: in me nihil potes, non parebo. Ubi hæc publica non furit iniquitas, & in regno pudor, cura juris; sanctitas, pietas, fides regnant, ubique, & ad omnia alacri festinat obsequio. Quod ad alios vel suæ, vel majoris, vel minoris conditionis, in eos omni officiorum genere humanus & benignus est: duplici tamen cautione, nè aut nimium gratosus odiis hominum post habeat Deum: aut felicitate in assentationem liquescente, vitiis blandiatur: & quo magis sit talis (considera Philosophum) lubricum aulæ culmen fugit, obscuroque positus loco sibi; suisque, queis pietate, & affectu coaluit, levi perfruitur otio: ac tandem dulci satur quiete decedit ad cætum beatorum.

*Finis Libri Primi.*

PHI:



# PHILOSOPHI

BONÆ MENTIS,

Liber secundus.

## CAPUT PRIMUM.

*Viri Bonæ Mentis quamlibet actionem calumniis morderi.*



Multi in hoc vite theatro felicitatis acclamationes accipiunt: sed quia ab affectu vel adulatione, & non à virtute sunt, fumum puta. Illuminatum verâ Dei notitiâ, ejusque dilectione fervidum, providentiæ & electionis contemplatione superis familiarem, quique publicè & privatim actuosâ profuit virtute, rectè foelicem & bonum credideris. Quamquam & hoc bonum non

G

sine

sine hoste sit; assiduè eminentem virtutem comitante invidiâ, cerne quod monstrum, ab illa genitum, sinuosis flexibus, ore invulnus ringente, caudâque, aliud pulchrè circumligante, adserpit, & infestat tergum, gressusque boni Viri. Calumnia est cum injuria. His vix Hercules mactandis par esset. Prior illo occulto veneni sibilo deseviens, mittit posteriorem ad alias noxas. Multum hic acerbi Viro bono, sed non abest solatium à Deo, cujus ope dura mollit, angusta laxat, & graviora scitè ferendo minus premitur: & dum videtur infirmari, potentior est, proximisque præmio. Mali non metuunt istas pestes, sed fortunæ fœti gremio, stant altius; & circumfaliante fœlicium scelerum turbâ perturpitudinem splendent. At excelsa ista prærupta sunt, & in graviores lapsus lubricantur. Hæc bonorum & malorum differentia. Et quo id fiat luculentius, utrosque in scenam producam, animadvertes, quos conclamata salutis, & quos optata beatitatis suâ mundus æstimat trutinâ, à Deo parari miseriis ad verum bonum bonos: & falsis bonis ad miseras, malos. Ad utramque sortem humana stupet ratio. Cujus enim mali bonus immanis est? Queis non bonis fastuo-

stuosus malus ? Ast ora modò tenemus intenti ; prodit ecce Vir bonus rerum divinarum , humanarumque scientiâ clarus , consilio potens , & armis inclytus , omnigenâ virtute cælo , & cunctis bonis charum caput. In uno plures vario modo bonos represento : quia boni , cum numero sint pauci , facilius in unam personam coëunt. Et quoniam ij impletò fati munere loqui desièrunt , fandi vices stylus , descriptione unius , quasi viventis , subibit.

Hic Vir non ambitiosè descendit in campum martium , sed animi sui doctes Regi , & populo modestus offert. Si pro republica militavit , vulnera accepit , & captivi passus injurias licebat apud Romanos cicatrices ostendere , & cruorem in salutem populi effusum commemorare : suadere , rogare , & monere , nè tam magnum meritum repulsâ vilescens generosos animos reddat degeneres. In hoc campo videre est tot Cōpetitores candidâ veste ad cives facundos , ut in totum spatium Alpes puriores suas nives vento transvexisse putares. Cogita quonam modo Vir noster inter tot veste niveos , animo autem atratos versetur. Quantò melior , tantò aliis exosior. Ea tamen



competitorum est in fronte humanitas, ut se postponi non ægrè dicant, si tanta Viri virtus debita dignitate pensetur. Intereà secreto astu virum discerpunt calumniis. Nec satis hoc; totam curiam & urbem odiis incendunt, Tullij, vel alterius Oratoris virulentâ oratione in innocentiam emptâ.

Ad dignitatis autem fastigium infulis, verbenisque, vel togâ, vel sago nobile evectus, licet intaminato fulgeat honore, quot tamen telis petitur? Sit alter Aaron, & Moyses vigil, & fidelis gregis sui Pastor, noctuque diuque mentem sacret Deo; exactâ frugalitatis lege in mores redactâ, & veritate faciem intus illi claram allucente dignoscat, quodcumque mendosum sub ærato timuit auro: cunctis aperto lare amicus, & benignus, plena laxans granaria in pauperum sinus œconomice, nè quod multis erogandum est, ejus nimia effusione abundant pauci: sit nummi qui lutelet contemptor, totusque honesto incoctus secum habitet, amaris aureæ mediocritatis, & residui largus in egenos: virtus nihilominus invidiosa est & passim irrisorum pinsentes tergum ciconias non videt quidem, quia janus non est, sed sentit. Nihil tam rectè dicit, quod  
non

non simulas alio rapiat, aut contumelioso populi vitiosioris percellatur obloquio. Nihil tam æquum judicando discernit, quod non iniquitatis convicio verberetur. Quod in bello, aut procerum consilio, dum Æneas ignarus abest, & rebus turbatis noxia est mora, prudentissimè consulit, ordinat jubet, exequitur, si successus non respondeat expectationi, damnatur vel imprudentiæ vel actionis infidæ, nonnumquam usurpatæ majestatis, adornato in pretium boni animi tristi carcere. Cogitandum fuerat res bello varias esse, nunc uni, nunc alteri lætas: & bona consilia interdum fati impediri: sed infœlix eventus in crimine est apud eos, quorum animus inestuat odiis, & sumptæ vindictæ occasio, suprema Tiberij, Caij, Claudij, Neronis autoritate defenditur. Sub istis nulli licuit esse bono & pio extrâ necis periculum. Da illi in publico munere collegam ambitiosum, improbum, ac potentiores, quidquid celebrius fecerit, aut impenderit, totum in collegæ laudem & famam transit, diceres Julij Cæsaris & Bibuli consulatum.

## CAPUT II.

*Quemadmodum Vir bona Mentis Theologus ,  
Iuris-Consultus , Poëta , Miles calumniis  
exerceatur , & fatigetur , latior  
demonstratio.*

**E**Xplicatius dicam ; Vir noster Theologiâ magnus , vitæ probitate celebris , pietate in Deum , & hominem notus singulari ad purpuram commendatur ; quid fit ? Ex templo nigrum morsum proritat comendatio. Nusquam tuta pietas. Quod nuptas , viduas , innuptasque imitioris fortunæ flatu mediis expositas in undis , & ipsâ Pallide castiores castissima consolatione permulseat dextrâ pariter munificus , officium tam pium lascivo Martis & Veneris susurro , & comparato ad rem turpem præludio notatur. Totus animo vectus super æthera , divinis latentia arcana verbis studiosius rimatur , & doctius in lucem eruit ; pestilentes opinionum sentes averuncando , quo veritas magis in altum surgens , suavissimo flore cunctis allubescat. Ecquod præmium ? Suspicionem prævi dogmatis habeat labor & sublimitas , pyræ propriores , quam pyra-

ramidi. Cum parcius victitat, quo largius in egenos exundet, injurium avari nomen patitur, quidquid Viri tam probi meritis imminuendis orcus potest efflare, in malignum honoris opicem exaggeratur. Jacet Vir facer se solo innocentiae quietus teste.

Interea tantæ stragis gaudio sinum suum implens calumnia umbratica declamatione, quia palàm videri non vult nocere, Virum irridet; i nunc, ait, & infausto virtutis clivo fortiter imprime vestigium. Quantò ascenderis altius, tantò magis in scopum arcus mei patebis. Apicem non attinges sine me. Fuge super nubes, aut fulmina, non tamen effugies meâ. Velocius aquilæ pennis ad astra vehare, tecum istis insidebo remigiis. Nusquam abero. Te vel in ipso maris profundo, toto tectum elemento mea reperiet, scedabitque sugillatio; nescis quod totum orbem invaserim, habitemque intimas pessimæ naturæ medullas? Nec vitiis, sed moribus adscribar? Quid non potest mendacium, & invidia? His parentibus orta in malignæ sinum curiositatis meæ nutricis cadens non vagio, sed linguâ trifulcâ sibilans paratum in morsu virus habeo, minorque dente probis fa-

tum. Quorsum te tanta virtute fatigas ? Tanto studio maceras ? Commodius erat Theologicum ingenij tormentum defugisse : & latium ex alpinis jugis eminus salutasse , indeque paucis verbis à pastorum, bubulcorumque ruditate pecora ad montanas radices pascentium , & inter rusticas nymphas lascivius cantantium perceptis quid tullianum inter Barbaros spumare : & nè desit titulus à Cæsare Justiniano mercari aliquod regulas juris : quarum fastu ad plebis admirationem tumidus pallidis illis viris ægro minervam , quotidie cerebro parturientibus Tiaras preripuisses. Tunc in hoc venerabili positus loco poteras statuam agere : & gravi ad pietatem , sanctitatemque composito flagitiosos mores premere publicè : laxare privatim , clam testibus in lætiora , quæ venter benè fartus suadet : ac post has delicias , reliquum lucis resonanti tesseriis fritillo injicere : & quo magis à curis liber sis , cognoscendi provinciam de rebus æthereis , & stygiis ex mare C. Cæsaris libertis committere. Non sensisses nuptis, viduisque egenis pietate solatij , consilij , & beneficij impertitâ , te fluxo fieri eviratiorem spadone. Quare injurius eras naturæ ? Illarum usus debuit esse voluptarius.

rius. Nusquam facilius Catillus metam  
invenisses. Palatia erant cogitanda. Deë-  
rat locus? Lite viduas & pupillos expulsi-  
ses: quia tibi militassent Servius & Labeo.  
Præierat exemplo Rex Achab, & in aliis  
vidisti tristioris iniquitatis impudentiam.  
Impune decessoris tui fidem rescindis. Si  
modò tibi bene sit, totum fæmineis la-  
mentis remugiat cælum. Æneæ ad me-  
liora fata vocato Didonis lachrymæ volve-  
bantur inanes. Vita brevis est, si lætus eâ  
fruaris, longa satis est. Da, Deæque mar-  
cescentes tristibus rident annos: lætis vi-  
rides, & floridos laudant. Virtutes nisi  
cum re, viliores algâ. Quâ juvat, eun-  
dum est. Ovasses jam pridem, si vitiis  
uti novisses. Ast obstinasti animum in  
damnoso veri & pietatis studio. En jaces  
meo telo miser: & nequicquam ingemis  
*Lex Remmia dormis?*

Si audiat ista Vir noster, non gemit,  
nec fremet. Novit sapientiæ studio fannas  
& pejora adhærere: habebit tamen quod  
respondeat, si filere non deceat. Non  
jaceo, inquiet, nec mihi lege Romano-  
rum ullâ opus. Insulæ, Tiaræ, & longa  
monilia collo pendentia, & quidquid  
prætiorsioris est amictus, & peduna illud  
incurvo degener obryzo, quæ vulgus in-

sanum miratur, & amat, non sunt meæ potestatis, alienæ sunt. Summum Imperium in ista tibi esto. Quæ verò mea sunt, ea animi sunt, & à Deo, & interno præsidio invicta. In ista nihil potes. Falleris, si putes me vulnerari conviciantis opprobrio, aut existimare malos tuos sanari præconia laudantis. Conatu vales, non viribus. Periissem, fateor, si nequitiae tuæ adstaret potentia, & quidquid cupis, prævaleret. Athenis vitio versum, contumeliæ, & impudentiæ aras fumasse: tibi autem nulla gens, vel maximè Barbaræ & fera uspiam pingues adolevit verbenas, thuraque mascula, innato pudore tam nefanda execrâre sacra. Calumniare quantum libuerit, te foedo tandem manifestabis ore, cedensque ad tuos tergo stigmatoso. Quid voluptates elegantiores, & otiosas alearum manus, sacrique muneris vacationes in delictum extollis? Habe tibi, tuæque infami turbæ tam abominanda. Sordes & fæces ista sunt. Christus mihi solus in pretio. Abi calumnia & majus aliquid age, te dignum, quod ego animosus frangam: indeque triumpho, non onatu in cæleste capitolium victor invehar.

Videamus fortunam Jurisconsulti. Si  
grandi

grandi juris prudentiæ elucescat jubare, hacq; multis annorum curriculis exercitâ ipsam Astræam in clientum fidele patrocinium cælo duxerit: aut Ecddicus plebis causas adversus optimatum injurias fortiter defenderit: illique candidorum judicio & votis dignus decernatur honos; quantis odiis intrâ repagula ceu jumentum ligatus, servatur forensi arenæ perpetuus pugnator! mitius cum æquo agitur.

*Spatio qui sapè supremo*

*Ennius.*

*Vicit Olympia, nunc senio confectus quiescit. Causa subest. Qui Cæsaris adstant solio mentionem tanti Viri amoliuntur, veriti, nè illi in ullum honorem sublato declivior foret cursus ad cætera, facilius crescente dignitate, quam incipiente: & nè, quod multum metuant, probitas Herculeo robore feriat Hydram in lerna. Benigniore autem fato eum in priomorem fessum adducente, audies palam, bonum factum. De sella, ac tribunali justa pronuntiantem laudabunt etiam pessimi, uti nemesi in sceleratos exigenti judicia sedulò parentem: ac passim tuba encomiis sonora toto celebrabit foro. Benè hætenùs. At tantò invida bono calumnia parat arma. Nec suos justè damnatos calumniatores inori finit inultos. Quid sit? Primò post judi-*  
ca-



catum lamentis, & injuriis privatim itur in judicem. Exin per vicinales in publicas perrepente vias questu, occultas illa pestis quærit vires, conscriptisque in copiosum agmen malignorum animis fatur audentius. Et quia facile credunt mali, quod de bonis spargitur malum, Judex justissimus fit reus læsæ justitiæ. Hic probitas, & peritia vapulant; illa odij, amicitia, & avaritiæ infamiâ; hæc imperitiæ: nec est qui in probi, doctique judicis vindictam exurgat, omnibus, ad quos ea res pertinet, ex privatis simultatibus, in malevolum fluentibus affectum, certè Reipublicæ exitialem: cujus imprimis interest publicam auctoritatem privatis odiis non collabescere. Alexander Severus gesturos, non gerentes magistratum permittebat in albo omnium accusationi, iste cum Cæsare extinctus est mos. Quid probo judici relinquitur? Extrà se nihil. In se habet, quo Calumniam convincat, scilicet rectè facti conscientiam.

Plures alias in conscientias admiraris? Ad earum numerum dentes acuit furia. Divinarum litterarum cognitione exornatus est, & præclarius quippiam edisserit? Fit suspectæ curiositatis. Philosophus est, & Ethicus? Sophista irridetur. Totam  
anti-

antiquitatem ex Historiarum monumētis hausit, undē sibi, & patriæ salubribus sapit exemplis, & scitis? Audiet,

*Turpe est difficiles habere nugas.*

Pierio interdum spiritu incalescit? Reliquum accinitur,

*Et stultus labor est ineptiarum:*

Etiam tum, quando panegyrim Diis canit: quodque inhumanius, nonnumquam lapides operto capite fugit, quoties poeticè magis, quàm humanè loquitur. Utque teli coniecti vires evasit, audit ab aliquo, quid isto insanis morbo? Per fidem, parce tibi, & tuorum miserere. Entheata vatum pectora in periculum furunt. Antyceram Naviga, ibi extrà lapidum crudelitatem oblitescas tutius, & vives liberius. Quousque te humani moris canem dici patieris? Qui magnis & vulgò placet, laudem sapientiæ capit à multis, & aurâ navigat securâ. Severior sapientia suos perdit cultores. O verba plena insipientiæ! hæc Vir bonus indignabundâ averfatur aure: ferit enim versu, ut moneat, & emendet. Monentis animus numquam malus: sed malus nolentis admoneri.

In Milite Viri boni conditionem spectata, & dole. Qualis ille? Forti pectore &

& armis generosus: & in ipso armorum feroci horrore pius, & nulli, nisi hosti metuendus. Virtus hæc in damno est, calumniâ ad gregarios virum deprimente. Exulat virtus castris. Fides, & pietas ridiculæ sunt, & ad tutelâs ablegantur. Ab hoc malo illud malum est, quod dum pugnando inter primos, civem letho subduxit, aut primus muros ascendit, aut hostium castra perfractis vallis irrupit, rediitque victor, tam quernæ, quam auræ coronâ frustratur. Et hoc nonnumquam accidit ex inveterato imperantium odio, quo velut pestilenti afflatus fidere jacet Miles: tunc præsertim quando olim militasse. Priamo in Danaos accusatus est Achæmenides pium invenit. Æneam, qualem Teucrorum vix ullus reperisset in Agamemnone.

Quando autem Martiæ virtuti sua donatur adorea, cunctosque honore supereminet, quot occultæ invidorum insidiæ vigilant, & operosæ sunt in perniciem! ita semper cum Viro bono militiæ, domique claro actum, ut postquam Rex sine illo nihil magnum, multa verò ille sine Rege prospere, imò pectore suo regij tergi defensor gesserit, foelicissimoque Regi omnia ad fortunæ suæ modum exigenti  
sa-

satisfecerit, nunc Ducis, nunc Militis munia explicando, ubique acer consilio, manu strenuus, chorus Principibus, vulgò Militum acceptus, exitum Parmenionis, aut Clyti ab Alexandro expectet: aut alio eum, quia fortè sit exterus, ableget invida calumnia, ubi inglorius moriatur. In Furio Camillo, & Africano superiore, quam indigna tulit Vir bonus! Illum, cui salutem & foelicitatem debebat civitas immortalis meriti immemor jam filio dilectissimo orbatum non solatiis allevavit, sed duris, & ferreis sententiis in exilium protrusit: hic Rempublicam punicis bellis penè exsanguinem, atque morientem Africæ Dominam reddendo; quid tandem habuit premij? Calumniosam accusationem, urbis desertionem, & ignobilis vici, ac desertæ paludis habitationem. Voluntarij tamen exilij acerbitatem hac sepulchri inscriptione ultus est; *Ingrata patria nè ossa quidem mea habes.* Moderata herculè ultio. Cineres justè negati sunt ei, quam in cineres collabi non passa est Viri pietas. Posterioris Africani nec minor virtus, nec foelicior finis: utriusque certè indignus splendore vitæ post tanta bella exhausta in æternum Romæ decus quaesito. At quam miser hic! illum domi vidit

dit Roma violenter extinctum, & sivit in foro tantum scelus impunitum. O ingrattissimam urbem! pastoria illa civitas in ipsis incunabilis in cruentum scelus vagiit. Remi sanguine maduerunt moenia. Romulum urbis parentem in curia discerptum, & sepulchro ignotum in cælum & numen fulmine disparuisse fama mentita est, & obortâ tempestate, solisque defectione consecrationis speciem præbentibus fidem meruit. Tali funere nobilitatum parricidium. Et utriusque fratris cruor æmulationum & simultatum fuit parens in posteris. Evidens sanè sceleris vindicta. Quantis animis & odiis dominationem aut affectârunt, aut invaserunt! hinc quanta regendi varietas secuta! dum enim alter alterius in Rempublicam merita odiosè elevat, sua commendat, nullius non pectus candidato sceptri spiritu habitante, Diisque in Voti prosperitatem semper vocatis, tandem occasio in Pompei, Cæsarisque tempus incidit; ultima hæc Romæ ætas nata sanguine seriem Cæsarum habuit sanguinariam, usque dum alias in oras translato Imperio, alius in locum successit, & ipse abiturus, si virtus abeat. Cæterum ubique casum videmus luctuosum in bonis. Horrendum di-

ctu

At quod Imperatores, Ducesque exercitus, Militesque meliore ævo in salutem Reipublicæ impenso sua virtus perdiderit, potentiore, aut æquali aliorum fortunâ, quod cuilibet profuisse docuit, in odium vertente. Hæc merces vestra generosissimi Milites. Attamen amor in patriam, in parentes, in liberos, in cives præclarius aliquid post mortem parat, quo jam maiorum ambitione & invidiâ mortuâ, & Reip. ingratitude pudefacta, fluētis in omnem posteritatem admirandi, & laudabiles: pessimis autem illis indelebili infamiæ inusto stigmate, toti terrarum orbi notum fiet, quid inter virtutis & vitij sectatoris intersit. Nec urna vestra pulchriore titulo exornatur, quam boni Viri, in Deum, in patriam fidelibus armis pii. Hinc omne principium. Huc Militi referendus exitus.

## CAPUT III.

*Numquam perniciosiorem Calumniam esse ;  
quam dum per Vestam Virum bonum , uti  
flagitiosum , aut Deorum , & Sacrorum ir-  
risorem , deferri curat.*

**C**Ausarum calumniandi commento  
artificiosa calumnia est; quarum duæ  
sunt difficilioris dilutionis. Una quæ per  
Vestam crimen aliquod sive Cyprium ,  
sive Thracium in Iunonis aurem immer-  
git. Quantum ibi pestilentiaë coit, & can-  
descit ! foliis nimirum inimicas auras  
accipientibus , & in bonum Virum, velut  
in ferrum, quod tenax medio in ignis  
tormento versat forceps, reddentibus. Tam  
Sacram Tyrannidem in se clarâ virtute  
laceffens fit apud improbos sine crimine  
criminosus. Nec quid Deam fecerit aver-  
sam assequitur victimis. Si demissa sup-  
plicatione Jovem adoret , eum quoque  
offendit offensum: nec mirum , conjugali  
namq; herens sinu ex amabili interfectione  
idem imbibit odium. Nil Mercurius , nil  
totus Helicon , nil cætera indigitum turba  
in opem viri valet. Minerva cognita Viri  
integritate , audentius Jovem alloqueba-  
tur;

94  
 tur; quid aure minùs bibulâ maledicentiam hauris? Calumniæ nescis ingenium? Illa malo semper est, & in optima ringit, ac pessima quæque machinatur. Qui calumniæ favet, quantum distat à calumniatore? Concilium omnium Deorum, Dearumque voca sideream in sedem, singulosque per stygij caput implacabile fontis perrogato, si non Viri illius virtus omnium Deorumque, hominumque affectum & beneficentiam mereatur; & mereri clamabunt omnes. Cur te illum averfaris? Quâ æquitate innocentiam invidiæ, & mendacij sugillationi non eripis? Num Vestæ fides adedò tibi sancta est, ut præjudicet verò? Hoc genus hominum sicuti credulum est, ita mendacissimum, non tam suo, quàm alieno astu. Nihil ex recente statuendum rumore, cui plerumque impar est innocens. Non ego ita Vlysses meum à furiis Aiadis, aliisque malis servavi, quam Vir ille se ab impuris Veneris, puerique dolis. Quí Mars ex Thracia quicquam atrocius afflasset tam candido Viri pectori, quem suavissimus musarum chorus puerum lactavit, & juvenem aluit, & nunc ad omnis officij humanitatem aptatum experitur quidquid uspiam ingenuorum est. Respondenti Jovi se viro



nihil velle detractum, facile credere quæ de ejus virtute & sapientiâ Viri cōsulares, & supremus Senatorum ordo prædicat, Dea ferventiùs instabat; itanè? Credis, quod factò non credis? Credas factò, quod temerè non credebas, quo bonus sis bono. Nimiâ credulitate in Junonem tuam laboris es. Miror illam furiatam olim tantum à te & fratre tuo non potuisse consequi, ut Æneas in Italiam navigans ponto obrueretur mutato fatorum tuorum ordine. Video Calumniam in auribus tuis sedem fixisse quæ obstrepero bombo omnes aditus personans, arcet veritatem. Dextra geris sceptrum, quò illud? Ut bonos premas? Abi solio. Sed nec hæc Dea ratione quicquam efficit. Conclamatum est nisi fortè Themide in vices suas relictâ Jupiter cum Diis ad Æthiopas epulaturus se conferat, aut fratrem Erebi Regem aliâ regione salutet, & suaviter delibuti diutius immorentur convivio. Interea temporis non rarò justa illa Dea in vitam blandè vestigat, & rata vile latentem virtutem; sed dignam conspici, ambit ultrò; Laurino honore. At rara hæc foelicitas, ubique mendaciis, dolisque pharetrata occurrente, & incurrente Calumniâ, quæ etiam victa,

&c

& absterfa linoquit aliquid noxium. Nonnunquam tamen tota erubescit, quòtus Vir bonus clandestino morfu ad sensum non admissio omnium sententiis manet integer: & ex superba Cæsareæ Majestatis munificentia ter geminis fulget honoribus, applaudente populo. Puta rem ita factam. Candidatū dignitatis sonora baulantium turba circumsepserat: sacri & profani erant isti canes, Cerbro, quo certius vincerent, spe offæ in pestiferos latratus sociato. Quid Vir ille? Frequenti repulsa, invisus in opem innocentiae Cæsarem appellavit, magnaue ratione in benignius ejus animum mutante, longi laboris pretium in apertissimum virtutis argumentum adeptus est. Obmutuit hinc Calumnia: & nemo voluit videri Calumniatus. Hunc victorem honore sublimen omnes nudo & in terram ruente capite venerantur admiranda officiorum varietate profusi. Sic ex calumniatoribus subito fiunt adulescentes.

Altera est, quæ improbæ delationi numen aliquod prætendit læsum: subit enim animos timor, nè incredulitate juris aliquid divini violetur. Vide quam ridicula pro crimine clam deferat, & stultas hominum mentes in ultionem armet. In fa-

no si pepederit; O grande nefas ! pestilentis venti reus est. Si ad Jovis statuam minxerit imprudens , fulmen timet : si fabulosas de novis Divis affirmationes rideat , si-ve Julij Astrum , postquam ultore Bruti & Cassij pugione mortalis esse desiit , in Venerem peccat : si-ve Numerio Attico Senatori ad magnum pretium juranti Augustum vidisse in cælum ascendentem non credat , nec recens divinitatis insigne adoret. Oculusque simulacri jaceret genua , periculosam liviæ laceffit indignationem. Quid continget , si Proculi Romulum , ad Deos isse asseverantis fidem elevet? Capitale est. Quod si cum Varrone Cynico audeat sordidissimos Deos dicere , quia in jecorum & viscerum sterculinio sua occultent consilia hominibus ab insanis sacerdotibus manifestanda , moriendum est , ut corporis exhæres Jovi sistatur , & ibi arcana in animalium intestina videat mittentem , qui totus latuit bove. Sin autem Deos neget , unum asserens : aut in contumeliam Deorum , quercum & hircum , & canem dejeret , perit cum Socrate. Verum auream Socratis imaginem post iniqua judicia veritas templo posuit , quæ unius Dei testimonio in ludibrium multorum coruscaret. Minor impunitam

An-

Antisthenis licentiam, mendicantibus *Clem.*  
 Metragyrtis intrepidè dicentis, non alo *Alex. in*  
 matrem Deorum, quam Dii alunt. Olim *orat. ad*  
 apud Romanos, & Græcos Rei tam stul- *gentes.*  
 tæ delatio valebat plurimum: & multos  
 perdidit antè defensionem.

## CAPUT IV.

*Calumniam hoc agere, ut Vir Bonus potentio-  
 rum contumeliis & atrocioribus  
 injuriis fiat obnoxius.*

**T**Anta fuit olim Cæsarum divinæ  
 Majestatis ambitio, ut etiam vivi  
 voluerint haberi Dii, tametsi nondum ad-  
 nectar & Ambrosiam invitati. Et eorum  
 alios Roma adulatorio vehemens affectu,  
 alias metu ad officii signa humiliato, ut  
 Divos reverita est, in paucis virtutem  
 experta. Quos autem affectatæ divinita-  
 tis opinio efferebat supra humanam con-  
 ditionem, arbitrati sunt superbia, & atro-  
 citate fieri Joves, malè Jovem suum æmu-  
 lantes, qui tam serenitate benignitatem,  
 quàm tempestate & fulmine severitatem  
 terris ostendit, utramque ad meriti mo-  
 dum

dum & rationem. Illorum errores & flagitia videns non videbat, quisquis cavebat exitium: omnem enim censuram super eminentes justi atque injusti discrimen infra se habebant: solâ voluntate sapientiores fræni nesciâ ludente in sceptro: undè prona ad contumeliam, & crudelitatem dominatio. Quod boni hoc senserunt! nomina non recenseo: occurrent sceleratam antiquitatem lecturis: unus in Latio Catullus antè alios foelix, quem jambi in Julium Cæsarem & Mammurram scripti cœnæ Cæsareæ honore non privarunt, nullum mordacis ausi supplicium timentem. Attellanæ poëtam Cæjusz Cæsar Caligula ob ambigui joci versiculum, mediâ amphiteatri arenâ, igni cremavit. Tanti referebat, in quæ tempora incideras.

Non minorem Resp. Romana antè Cæsareum Imperium vidit & sensit immanitatem. Respice ad Marij, & Sillæ tempora, habent ferarum laminas, non hominum bella. Enarrari nequit quod bonos istorum rabies victoriâ per totius Senatus viscera, populiqûe atrociùs & cruentiùs grassante dederit nefandæ neci. Sæviebant odia usqûe dum decessent, qui truci darentur, nimirum semel omnia  
vi-

37  
 victore jubente. A nullo revocavit pietas ferrum. Templamadebant cæde. Nulli ætas sua sive infanti, sive seni profuit. Satis erat posse mori. Et virtus in justiores partes deflexa, quemque fecerat nocentem. Ab invidia rebus altissimis adhærente per calumniam, & honorum ambitionem ad injuriam progressa horroriste cruentus. Nec miror: hinc enim est, quod orbis terrarum tres potentissimas Monarchias armis in Romanam vidit contractas: ejusque superbum diu perpeffus Imperium, nunc vix umbram a paucis rudderibus projici. Humanitûs loquor. Dei est transferre regna, & mala hominum voluntate ut in regnorum everfionem: in qua boni permiffi malis pari malo equabantur.

Quid multa? Cujusque ævi perspice scelera. Nullum in bonos non fuit exemplo sævum. Linquo homines. Quod non Dei filius passus est nefas? Res nota est fastis. Illum majestatis suæ gloriâ paulum cælo sequestratâ fatalis amor nostri induit homine. At paucis gratus, gratus fuit: omnibus ferè invisus. Quibus enim non furiis debacchata in eum est Gens Hebræa? Jam puero paucis horis nato necem machinabatur: Ætate major multifariis se

Deum sospitorem testatus miraculis, post infanda tormentorum ludibria, affectus & beneficii pœnam in cruce luit. Et nè hic quoq; malus desineret esse bonus, humanam cruore noxam eluit. Quid non immanitatis in Apostolici Senatus proceres, posterosq; excogitatum? Indices videre erat miseras carnificum virgas in tergo infantis mori. Secures gladiosve continuis ictibus hebitari, & dissilire: integras sylvas montibus in cruces, & pyras descendere, ac vasta roborum strage suppliciis vix sufficere: Bestias Christianæ carnis saturas, tam frequentis escæ nausæa intrà caveas morari: extrà oppida in feralibus campis, montiumque jugis, & vallibus innumeros occidi, & linqui inhumatos: Lupos, Ursos, Leones relictis latebris tabem cruentæ cædis oderatos ad saniosa & tabentia hæc bibula accurrere: Vulleresque, & quidquid sagaci nare sentit insanum aëra, & cadaver ex nemore, sylvarumque tectis eodem invitari: & sic Martyres non totos ad ossa pervenire, sed deceptos in feras abiere: & residuum sole, nimbisque, ac longâ die resolutum arvis misceri. Deërant Tyrannidi pœnarum artes. Inferius misit. Nec mora. Aliis ebullientis olei ahenò læthum coqui: alios

BONÆ MENTIS. Lib. II. 123

radiis rotarum distringi. Alios ferreâ crate in omnem partem affari. Alios lento ignis incremento frustilatum torrescere, ac mortem per tarda flammæ vestigia æmulam, demum in tostis cordis fibris inveniri. Aliis ad palum unco gutturi suffixo stantibus è lamina ardente picem, aut unguem in caput liquefieri, ut rivus humanæ pinguedinis lambentibus flammis fumosus mediam amphiteatri arenam lato sulco diducat. Non omnia pœnarum nomina percurram, si mihi vel centum forent linguæ. Cæterum ubi truculentiora illa cessant: miseriarum agmen claudit ingenua pœupertas bonæ Mentis soror.

Eheu

*Varro regustatum digito terebrare salinum*      *Persius.*  
*Contentus perages, si vivere cum Iove tendis.*

Non omnia, quæ memoravi, mala glomenantur in uno. Et licet divisa nonnunquam sæviant: pauci tamen sunt, qui non sub gravioribus gemant: & nisi spe in meliora penduli, nolent Pythagorici post mortem redire homines, sed vel æquius fortis, qui curatius habetur alio, vel canis velox, qui majoris prætij, quam projectus ingluvie, atque iners: vel generosus gallus, qui potior ignavo fruitur præcipua dape. Quid enim homo bene

na-



natus, educatus probè, castè moratus, nisi fortunæ ludibrium? Aut certè Olor, qui rauco improborum Anserum clangore, Anatumq; obstrepera voce sub secretum umbrosæ ripe tegmen compulsus filet, ac demùm supremo proximus fato canit divinum melos? Nihil enim illi in vita superest honoris.

*Menander. Primas habet Adulator in vita: alteras Calumniator: at malignus tertias.*

---

## CAPUT V.

*In istis savi tiis, & contumeliis Virum bonæ  
Mentis præstare constantem ac lætum.*

**Q**uid animi Vir Dei habeat in istis tam horrendis? Magni constantis, & læti. Deo namque inhærens ea, quæ injuriæ sunt immanioris, & contumeliæ sunt insolentioris credit innexa providentiæ: & gaudet seriem tam sævam ordinari in summum bonum. Hyëmis rigor, & æstatis fervor molesti sunt corpori, toleratu tamen placidi: quia utriusque vicissitudo necessaria, & utilis. Eodem modo fortunæ injurias, & potentum tyrannidem fert moderatè: & adversus magnos re-  
rum

rum circum se fremementium motus rectos tenet oculos: divinæque virtutis inexpugnabilibus munimentis præcinctus infracto per tot humanos casus incedit animo: nec fugit onerato sinu, contentus vero bono, quod inter micantes hostium gladios rapacem non timet manus invectionem. Tantum potest Mens plena Deo, ut etiam obruta vigeat, affectaque perfidiæ suppliciis non deiciatur fastidio, sed supra poenam suam consistat. Vincit in æquulæo. Vincit etiam in ipsis totum corpus circumeuntibus flammis: non duritiæ stoicâ eam obstinante, aut eam Deo stabile in modum librante, nè excurrat in luxum, dominationem, superbiam, & cætera, unde immoderati sibi lætitiâ, & potentiam putant comparari: nec coartetur metu, merore, cupiditate, & aliis id genus sordidis, quibus homines miseros judicent etiam miseri. Ab hoc animi modo Vir noster omnia illa horrenda velut extra se horrentia præterit, aut reddit mansueta; velut ferarum domitor, qui eas nonnunquam pati cogit jugum, nonnunquam usq; in contubernium mitigatis manum insertat. Ecquid Dei præsidio non vincit? Deus patientiæ & consolationis author, utramque per spiritum cordibus instillando

do omnipotens est in homine : atque omnia humanæ atrocitatis frangit, calcatque molimina.

Contumeliæ uti atrocioribus illis injuriis minoris faciliior est contemptus : & spreta exolefcit: bonam Mentem non ferit, nec lædit. Quî posset; verbis probro-  
fis, ignominiis, & cæteris dehonestementis petulans, clamori hostium, & saxis circum galeam innoxie crepantibus similior, quam telis cominus strictis in vulnus.

Lubens, inquires, istis sapientiæ verbis assentior, quando defensione potentior injuria, quæ hilari vultu ferenda. At quid si verbera, cuciatum, necem justa impediât tutela? Aliorum ferociæ succumbendum? Feros in nos ore minantes mortem, incurrentes occidimus telo. Nihil differt ab illis injuriarum atrocitas. In illatas actionem Lex Cornelia de injuriis paravit: & Prætor in eum judicium dat, qui adversus bonos mores convicium fecit. Ab æquitate hoc jus est. Non utetur illo sapiens? Utatur: qui periculum, quod potest cavere, non cavet, sibi injurius est:

*August. de Civit. Dei* eo. Publica injuriâ vindicanda: quin lib. 16. cap. etiam privata, si publicè intersit: si priva-

tim tantum levi manu abstergenda, nè silentio in consensum ducto, bonus etiam apud bonos periclitetur. Quis enim injuriâ loquente, alienæ tacentis certus semper innocentiae? Respondendum igitur nonnunquam. Id factum à D. Salvatore. Tu huc Mentem adfer tranquillam, & bona erit imitatio. Turbida hinc peccat: quantum enim distat ab ultione? Et hæc à contumeliâ? Hanc ab illa solus ordo distinguit. Magnum in latone exemplum: cui causam agenti, Lentulo homine factioso & impotente in frontem mediam, quantum poterat attractâ pingui salivâ, inspuente, quid ab illo sapiente expectas? Abstersit faciem, & affirmabo, inquit, omnibus, Lentule, falli eos, qui te negant os habere. Par in Aristide, aut verius Phocione (si Plutarcho credas). Athenis ad supplicium ducto Constantia; illi quovis occurrente, & dejectis oculis ingemiscente, non tamquam in hominem justum; sed & ipsam justitiam animadverti, inventus est homo opicus, qui faciem ejus inspiceret. Quid ille? Abstersâ facie subridens ait comitanti magistratui, admone istum, nè postea tam improbè oscitet. Hoc fuit ipsi contumeli contumeliam facere. Usus verò Legis Corneliæ intra prudent-

*Seneca de ira lib. 3. cap. 38.*

*Seneca ad Helv. matrem. de Consol. c. 12.*

dentem honoris defensionem bonus est. Quamquam illa non uti in fori arena, si aliter honori queat Consuli, sit animi sapientioris.

## CAPUT VI.

*In istis miseriis an quisquam dici possit  
Beatus?*

**V**erum quesieris an quisquam in hac miseriarum theatro agat beatus? Agit certè; non impediende vitâ corporali, quin fide possideat cælestem. Hoc est quod dicit Apostolus.

*Ad Ephes.*

*2. 6. &*

*19.*

*Confedere nos fecit in cælestibus: & jam non esse hospites, & advenas, sed cives Sanctorum, & domesticos Dei. Non solum quod illic sit caput nostrum: sed etiam quod jure unitatis vitam in ipso habeamus communem. Incrementis quidem hic homo in perfectionem augefcit, nam nemo citò fit beatissimus: quem tamen vera & constans fides inserit Deo, speique alacritate, & flagrantia charitatis aptat astris, beatum puta. Hujus fidei per ardua animosè, & irata fortuna, gradientis effectus est,*  
Mens

Mens bona, scilicet sana, libera, quieta, ac placida in actu cum humanitate multa, candore magno, & affectu in conversantes liberali, & gaudium intimum, immotumque expellente terrores cognitione veri. Christus nominabat: Beatos, quos homines maledictione & omni genere mali mentientes in terris persequerentur: orsum igitur beatitudinis in mundo statuebat. Huc summa redit; solus sapiens beatus. Sapiens nemo dici potest extra veritatem projectus. A Deo veritas; quin Deus ipsa Veritas est, undè vera sapientia, quæ beatitudinis exorsam telam continuato stamine, & sublemine pertexit: tandem perfectè quando mortalitate liber animus plenè fruatur Deo.

## CAPUT VII.

*Vir bonæ Mentis felicior & extra omne adversorum tormentum positus, quo sit animo erga bonos infeliciores, & miseros.*

**A**Thletam vidimus in magnis, maximisque malis constantem, scilicet Pphilosophum bonæ Mentis: sed quia in  
 I unum

unum collegi plures , & non omnium eadem fors , unius in plano cruentis exposita , alterius excelsa culmine nullum adversis clivum demittente ; quæsieris , quænam se habeat hic securo positus loco ad terrificum amici , & fratris sui statum ? Aspi. inè saxeus ? Aut torvus virilem ponens humi vultum clamabit ,

*Gaudet patientia duris.*

*Latius est , quoties magno sibi constat honestum ?*  
Aut non aliter cum calumina , injuria , crudelissimique lethi præludiis luctantem deferet.

*Quam si clientum longa negotia.*

*Dijudicat à lite relinqueret ?*

Minimè : quia nec stoïco robori id probaretur. Pergo , non miserabitur ingemiscendo , condolendo , collacrimando ? Non miserebitur auxilio ? Primum in vitio quidam posuit , quasi pusilli , minuti-  
que animi ad intuitum alieni mali collabentis : alterum virtutem estimat. Ego istam distinctionem à christiana Philosophia prorsus alienam judico , damno. Non mihi Zenon , non Cleanthes , non Chrysippus ad veritatem duces : sed Christus meus : illi in tenebris : hic Lux ipsa , quæ nobis tenebris illuxit. Hic infremuit Spiritu , dolorem lacrymis testatus. Flere vi-

*Lips. de  
Constan.  
lib. 1. cap.  
15.*

BONÆ MENTIS. Lib. II. 131

sus est, ridere nunquam. Inveniebat deflenda : cur risisset , non invenit. Apage illos inhumanos, qui nè quidem misericordiam inter virtutes receperunt. Qui gemitu, dolore , lacrymis miseratur miserum , non intrà lacrymas solum bonus est , sed animo ad opem fertur. Quisquis autem specie tantum dolet , non dolet. Fictæ lacrymæ , & lamentationes ex non dolente pectore ad alienum malum stillantes , & streperæ larva sunt miserationis , non misratio. Ridentur

*Mercede qua conductæ flent alieno in funere Lucilius*

*Præfica ,*

*apud No-*

*Multò & capillos scindunt , & clamant magis.*

*nium*

At injustè humanissimum affectum imbecillitate , & dejectione animi damnas , & à sapiente spernendum eximis hominum consortio. Nostræ religionis sapiens malit hic esse mollis , quàm rigidus.

*Marcell.*

*Mollissima corda.*

*Humano generi dare se natura fatetur ,*

*Juven. Sa-*

*Qua lacrymas dedit. Hac nostri pars, optima*

*ty. 13.*

*sensu.*

*Natura imperio gememus, cum fumis adulta*

*Virginis occurrit, vel terrâ clauditur infans,*

*Aut minor igne rogi.*

Homo vitam à fletu auspicator , & ille nati omen est. Nullum tot animalium



præter hominem ad vagitum & lacrymas in lucem prodit. Græcis Proverbium erat, bonos Viros lacrymabiles : malos illacrymabiles : ideoque Horatius Plutona vocat illacrymabilem. Verum dum suspiria, dolorem, lamenta, & fletum non improbo, modum tamen excedi nolim : exceditur si in capillos, in genas, in pectus, in vestes furiosi insaniant ungues, turbidæque domum & æthera feriunt voces, stultiq; questus. Ad Archetypum Christum animus componendus, & in eo sapientissimum quidquid est suspiriorum, quidquid dolorum, quidquid lacrymarum moderamen habebunt.

Viden quid sapiant, qui plus ævi in Stoa, quam in Christo decurrerunt? Ego equidem sapientem miseratione, & misericordiâ veluti fragrantissimis virtutum floribus exorno : In ipso enim charitatis sinu bellè sororiantur : & velut ubera suavitatis plenissima tuberant in omnia, humanitatis officia : illa movet : hæc succurrit : illa affectu : hæc effectu. Utramque in Didone laudat Æneas.

*Virg. 1. Æn.*

*O sola infandos Troia miserata labores  
En affectum miserantis.*

*Qua nos reliquias Danaïum terræq; mari-  
risq;*

*Om-*

BONÆ MENTIS. Lib. II. 133  
*Omnibus exhaustos jam casibus, omnium  
 egenos*

*Vrbe, domo socias;*

En effectum misercntis. Eâdem ratione  
 David magnam misericordiam multitu-  
 dini miserationum conjungit. Et alibi  
*Suavem*, dicit, *Dominum universis*, & mi- *Psal. 50.*  
*serationes ejus super omnia opera.* Tu homo *Psal. 144.*  
 quis es, qui fastuosè te indignum putas,  
 quod Deo Optimo Maximo, gloriosissi-  
 mè ad mortalium consolationem & salu-  
 tem non ignoras attribui? Prodeat sa-  
 piens, qualem tu nobis commendas; aspi-  
 ciet aliena mala humanis oculis, sed ta-  
 men rectis: adducto quodam vultu ad-  
 fabitur, sed non lugebri, aut dejecto.  
 Solabitur fortiter, juvabit liberaliter.  
 O Zenonem! ita definis misericordiam,  
 ut, illi miseratione penitus avulsâ,  
 extinguas? Arbores sine sensu liberales  
 sunt fructu. Illis da oculos, sudatum  
 miseri coloni laborem aspicient rectis.  
 Perperam humanos in misercnte ponis,  
 quos miserans non aperit miseren-  
 ti: Et ausus es quærere quid in tua  
 sententia rigidum, & durum? Per Deum *Ad Roma.*  
 immortalem nil nisi rigidum, & durum, *12. 15.*  
 bonæque naturæ inimicum. S. Paulus ti-  
 bi unus instar sit omnium. Vult hic Vir

Dei gaudere cum gaudentibus : flere cum flentibus. Veri amoris natura , quacumque incidente fortunâ , sensum alterius in se traducit. Condolescitur rebus asperis. Prosperis gratulatur. Non condolescere inhumanitatis est : non gratulari invidiæ. Philippensibus flens scribebat, multos ambulare inimicos crucis Christi , quorum Deus venter est. Paule nè fleas; censor adest præfractus & aheneus, inquiet, ubi invicta animi magnitudo? Ubi indefessa constantia? Cur lacrymis inanibus magnanimum pectus inundas? Dum fles , miseris nè , an miseraris? In misereute fletum non fero : In miserante rideo. Responde Paule; imò noli respondere. Nobis sufficit una sapientior Christi imitatio.

Nunc volupe erit spectare , qualem se Vir bonus in portu gerat. Deo stat, vivit, agit , & homini. In Deum ita transfertur, ut indè melior simul cum Deo eat ad hominem : & se , suaque , tametsi extrâ fortunæ Imperium locata , tam boni Ducis arbitrio humanissimos in usus resignet. Stat nulli refugus. Vivit nulli non vividus ad omnia. Agit animo, & re : ubique utraque si possit : si non , facit animo , quod re non potest. Animi benignitas , non extrema in officiis est : apud Deum sæpè

104  
sæpè pluris, quam res. Cùm valet auxilio, non Viri boni carcer, non vincula, non carnifex, non mors minuunt auxiliarem generositatem. Multò minùs desinit idem esse, quando amicum sive regno, sive bonis privatis videt everti: injuriam, quo potest modo revincit. Calumniam publicè, & privatim reprimit: & id auctoritate, vel stylo, & voce in patrocinium fervescente. Egenis corde, lare, penu apertum, lugenti lugubrem, læto lætum ex alto spectat Deus, ut in tam insigni suo opere gloriatur. Non in hujus virtutis exempla diffundar, nè confundar copiis. Infinita sunt, & omnium ora recensendis minora. Habemus itaque virum etiam intuentem aliena tormenta laudabilem officio & beneficio: imò ipsis tormentis formidolosum benignitatis constantiâ: quia adversus ista hostilia Deus panopliam & victoriam dat: & nunquam vult videri suum victum, sed vicisse.



## CAPUT VIII.

*De malis felicibus.*

**A**Biit Vir bonus, & Mentis bono beatum recepit æther, solo virtutis exemplo in hæreditatem posteris relicto, quam pauci cernunt. Vitiosus enim animus intrà se metatur beatitatem, & illi pro comineatu sunt Imperium, opes, libido: ferox & effrenis Jovem agit hominumque Dei que contemptor. At jam versa scena est. Non prodibant, quales nunc producit tellus: nam sicut priorum ætatum virtus minori invidiâ prædicatur. Ita vitium notatur securius. Viden improbam ex Orco hic prodeuntem turbam? Quam superbo salit in publicum gradu! quam tota scelix! nullo calumniæ morfu faucia venditat integritatem. Quippè ni? Quis enim malum feriet? Bonus illum præterit. Nec malo hic malus: quin suam in alio gaudet improbitatem ad rerum culmina crevisse: & animosior in similem spe vehitur prosperitatem. Verùm tantus malorum numerus, oculis obvolvitur tam ex Græciæ, Latii que vetustate densus, quàm nequioris posteritatis vitio monstru-

strosus. Ut nisi crebrâ molestus sis interrogatione, singulos nequaquam internoscas: sed ego eam antevertam documento.

Primi, qui sint, sceptro & vultu sese produnt. Illos habuit Assyria, Nini scilicet nepotes, qui parentum elaborato contenti Imperio, & depositis belli studiis in fœminarum turbâ consenescebant: & nè in delizioso turbarentur otio, gloriæ erat, responsa gentibus per internuncios dare. Horum postremum cerne Sardanapalum omni muliere comptiorem, ut inter scortorum greges purpuram coloneat, & molitia corporis, & oculorum lascivia virginibus pensa partiatur; virumque morte demùm mascula testatus, se suasque divitias in pyram incensam mittat, nè successiorem Arbactò linquat opulentam: nevé regiis spoliis, ab Assyriis ad Medos Regno translato, hostis gloriatur. Mali vitam judicabunt beatam, mollissimè vixisse, & fortiter mori in odium hostis: quod & is, inter alios, sit non illaudatus vincendi modus.

Non horrescis ad proximos? Nerones sunt! O belluas, & orbis monstra! videri tamen poterant in tanto fortunæ triumpho fœlices, & probi rutilo nimirum diadematis jubare majores jacente umbras in  
sce-

scelerum noctem: solâ morte miseri, quam tamen non timuerunt, & nihil eam ultrâ expectabant, summum Bonum arbitrati cunctis mortalibus fuisse terrori, obliti feræ, non dico furocissimæ, quin etiam ignavissimæ telum esse, timeri ob virus. Interim in illis vices magni boni voluptas, libido, & crudelitas habuerunt, quis ab immani Tiberij, Caligulæ, Claudii, aliorumque dominatione fatalem senescentis Imperij casum non est ominatus? Quantum unus Nero, Claudius Seneca magnus inter Stoicos in Neroniana morte laudasset constantiam, & dixisset, sibi liquere cum gaudio spectasset Deos, cum jam impendente decretæ poenæ contumelia aciem pugionis tentat, & se segnius ea utentem increpat: *Turpiter vivo. Non decet Neronem, non decet. Vigilandum est: age, excita te ipsum*: Cum tandem acerrimus sui vindex in se trepidam adstantium animarum manum: cum ipse cæteris animosior jugulo ferrum adigit: & illam sceleratissimam animam educit. Quid ni libenter spectassent Dij religionum contemptorem tam memorabili exitu evadentem? Certè Dea Syria urinæ contaminata, & olida injuria risit & probavit violentam hanc scelerum desertionem. Et quod felicitàtem con-

consummat, post illam moriendi libertatem Persæ, missis ad Senatum Legatis, orarunt, ut constructo monumento memoria Cæsaris colleretur: Persarum enim flagitiosum cum matre congressus morem imitatus meruit post fata Persicum hunc apparatus, Nec defuerunt, qui vernis æstivisque floribus tumulum ornarunt, venerem vientes corollam: & modò imaginibus pretextatis ad rostra perlatis, modò edictis, quasi viventis, & brevi in magnum inimicorum malum reversuri. Et fabula fidem apud Christianos invenit, illum non occisum, sed ereptum morti, in montibus Caspiis, forsan cum sporo ludere inter feras, vel occisum resurrecturum Antichristum in Romæ excidium, & Sanctorum internecionem. O quanta sceleris gloria! tanti est exuto nefandæ vitæ cothurno sibi fuisse. Licetorem. Gaudete Dii, scelus periit: plaudite Stoici, Alumnus vester fecit fortiter.

Alios Roma improbos aluit, Imperium anhelantes, quibus evenit optimè. Ferax vitij fuit semper magna illa civitas. A magno hominum confluxu hoc malum. Obstupesce ad Marium perfidiosissimum mortalium! hic senex domi suæ foeliciter septimum Consul decessit. Qualis tibi Cyn-



Cynna ? Crudelissimus regnavit : & licet ortâ seditione , ab exercitu interemptus sit : in eo tamen fœlix , quod iracundiâ militum , & non arbitrio victoris finiverit dominationem. Plena fœlicitas est , si quam ambiebas , potiaris rerum summâ : usus illius , sive longior , sive brevioris sit , à fato est. Juvat fuisse , quod volebas : & solâ morte defuisse , quod fueras. Diogenes Cynicus dicebat Harpalum omnium prædonum fœlicissimum contra Deos dicere testimonium. Quid non de isto ferarum genere judicasset ?

Heus Dionisij Italico proximè solo , quid te turbæ subducis ? Scio ; non vis sceleratissimæ vitæ memoriam hac renovare scenâ. Verum adsis Tyranne opulentissimæ , & beatissimæ civitatis. Crudelia non referam facinora : sed in Deos non injucundam audaciam , quando Jovi Olympio aureum magno pondere detrahebas amiculum. Laneo illi pallio injecto , facetè cavillatus id esse , ad omni anni tempus , aptius : Æsculapio barbam auream quod patris imberbis foret filius : Deorum simulacris victoriolas aureas , & pateras , coronasque , quas porrectis manibus sustinebant , ratus eas non auferre , sed accipere : & stultum esse , à porrigentibus nolle

nolle fumere, à quibus bona precaremur : in tuta scelerum libertate sc̃elix eras, nec cœlo tonantem metuebas Jovem, nec fulminantem sensisti. Quin, sano Proserpinæ Locris expilato, navigans secundissimo vento Syracusas videtisnè, medio aiebas pelago, amici, quam bona à Diis immortalibus navigatio sacrilegis detur. Non te misero, diuturnoque morbo extabescit Æsculapius. Nec Apollo lethiferâ contumeliam filij ultus est sagittâ : at in lectulo suaviter mortuus potestatem, quam per scelus fueras nactus, quasi justam & legitimam, filio tradebas.

Proximos uno verbo habeto ; regij, quoque sunt nomen ab effectis conjicies. Illi fide, & Deo regnandi causâ, violatis immanem alibi Teutatem, & Hesium feris altaribus horrentes, alibi latialem Jovem, & Saturnum humanâ placabant hostiâ pro occupatis per sanguinarium nefas, & ad nepotes sceptris transmittendis. En regius infestos Deos, & litantium sacrilegam pietatem. Sic multorum sanguis paucorum ambitioni fusus concrevit in majestatem, & nefandus Numinum cultus populo imponebat. Vos Respublicæ testes estis. Hominum æqualitas nunquam diu stetit. Et rarò æviterna unius dominatio.

natio. Vtriusque mutatio cruenta. Quisque regere non regi vult. Dum manu nequit; animo facit. Detur occasio, erumpit aut scelus, aut virtus in sceptris. Neutrum scilicet, ut plurimum sine sanguine semper sunt qui nec primum, nec parem ferunt: sola fortunæ invidiâ premunt regnum sub pectore.

Umbrarum nullus ordo: Romanis miscentur Græci, nolunt nosci: ut quemque igitur oculus apprehenderit, describam. Cleon Atheniensium, & Brasidas Lacedæmoniensium Duces quam torvo sese invicem figunt lumine! uterque pacis odio, & dissuasione impius. Brasidam belli peritia, & prosperitas majorum honorum ambitione incendebant. Cleon ratus, in civitatis quiete, scelera sua committenda fore manifestiora, & sibi minus fidei in obtrektando, Legatos Lacedæmoniorum è Senatu magnis vociferationibus expulit. Hic homo ex Coriario natus, & ipse Coriarius quam fastuosè Niciæ, & Demostheni ob præceptam belli gloriam, & victoriæ laudem, insultavit! Rempublicam penè unus, & solus tenebat, agens pro arbitrio raptim omnia, atque turbatè. Lepidè in illum Aristophanes sub nomine Paphlagonis;

*Thucidi.*

*Hist. lib. 2.*

*Sed*

*Sed ut Paphlagonem res lateat, fieri haud Arist. in  
potest equit.*

*Ipsus enim dispicit omnia. Nam pedem al-  
terum*

*Habet in pylo fixum, alterum tenet in foro.*

*Et cum tam latis ingrediatur passibus,*

*Podex reapse illi est Hiantia: manus*

*Vtraq; Petilia, Mens in Clepidum tribu.*

Coriarium istum bello flagrante fortuna-  
tum putasses: nam Athenis à nullo scele-  
rum abstinuit ausu. Rapto, peculatu, stu-  
pris, adulteriis, impunè potens, se Jovi  
parem existimabat. Atque adeò infami  
inhians lucro, ut Virginis, matronæ &  
viduæ, preces flagitio moratus, exacto  
demùm annueret pretio. Et nisi in Ampho-  
bilitana cecidisset pugna, tota Respubli-  
ca unius isset in viscera. Bono fato uter-  
que Dux occubuit, Cleon fugiens, Brasi-  
das victor: & utriusque lætho bellum finit  
in pacem. Ambo foelices; illum mors Du-  
cem invenit in prælio, quem longior vita  
vidisset privatum in Corio: huic Amphi-  
politani tamquam Heroi magnificè paren-  
tarunt fano dedicato, & anniversariis sa-  
crificiis, aliisque honoribus tributis.

Nigramus Principes improbè fortu-  
natos. Ibo ad alios feroces in minori  
dignitate regnandi animos efflantes. Cleo-

ni qui proprius adstant , vis scire qui sint ? Eos velut ex Cleoneo natis cinere , cives aliis in regnis , & Rebus publicis experti sunt, minores Paphlagones. omina dabunt historiæ. Ex infima plebis fece ad primos honores inimica populo fors evexit at belli, pacisque tempore à magno suo munere , quo nihil prius esse debuerat , erant alienissimi. Risisses Anticyra reversos. Raro sermone , & breviora coma in Deorum delubris , & curiis Curios simulabant , domi Bacchanalia viventes. Alienas uxores res suas commendantes in prædam libidinis arbitrati. Quàm blando enim vultu illis in penetrale vocatis obviji quæ non per rimam improbè diductam vidisses ! petitis impetratis hilares ac nescio qua dulcedine permultas , mariti recipiebant. Si repugnassent non oblitæ pudoris , conjugalisque fidei , supercilio fulmineo , subter stillantibus oculis , feriebantur attonitæ. Nihilominus tamen impuram casto abitu linquentes domum , malebant in posterum abesse , & odio exponi , quàm in tam impia dantis vota supinari. Quid cætera dicam ? Nihil ab istis probitas se dignum expectabat : sinceris erant suavi sermone dolosi. Doctis secreto livore pestiferi , & nunquam , nisi publico eos quantiente

op-

opprobrio, boni: privatosque suos oblitares aliquid Diis proximum affectabant, fallaci regiminis honesto in exitium virtutis obtruso: usque eo etiam magnâ fortunâ impotentes sui, ut vix Julio Cæsari triumphanti & subsellia Tribunicia prætervehenti assurrexissent: quare nihil cuicquam promissum, nisi sub exceptione, si tamen per Paphlagonem licuerit. Tandem totam hanc gentem avernus absorbsit: & exoriente purioris justitiæ sole rarò mundus de tali flagitio quiritat: nisi forsan aliquid simile sub obscura Luna patretur, dum homines, canesque silent.

Ecce Narcissum & Pallantem prodeuntes: illum Claudius ab Epistolis: hunc à rationibus habuit, decreto Senatus, non præmiis modo ingentibus, sed & Quæstoriiis, Prætoriiisque ornamentis, donatos. Tanta utriusque acquirendi, & rapiendi fuit licentia, ut Cæsari quærenti de fisci exiguitate responsum sit, illum abundaturum, si à duobus libertis in consortium reciperetur. An tibi non incutit horrorem monstrum illud Tigillinus? Obscuris parentibus, foedâ pueritiâ, impudicâ senectâ, infamis præfecturam vigilum, & prætorij, aliisque virtutû præmia vitiis adeptus, quam non crudelitatem corrupto ad omne faci-

nus Nerone , in Christianos , aliosque exercuit ? foelix quo ad vixit sibi videbatur : & ut in morte quoque voluptuosæ foelicitatis sensu triumpharet , inter stupra concubinarum , & oscula , & deformes moras , sectis faucibus animam compendiosiori viâ eiecit in stygiam noctem. Illum , & Neronem verè dicit Tertullianus improbitatis abyssos , & nil nisi maximè bonum damnare potuisse.

Ternos pone sequentes , vulgus pædagogos Galbæ vocabat , erant T. Junius cupiditatis immensæ : Cornelius Laco arrogantia , socordiaque intollerabilis : Libertus Icelus annulis aureis , & Martiani cognomine ornatus. His diverso vitiorum genere grassantibus , se abutendum tradente Galbâ , dixisses tres pro uno regnasse Cæsares. Quo quid majus contulisset fortuna ? Horum consilio juratrum liberorum vix uni atque alteri , ac nè his quidem nisi ad tempus , data. Judicibus æqua præcantibus non solum negata , sed etiam concessa à Claudio beneficia , crepta.

Istis se , aptè sociant verrini , in quibus æquè utile & gloriosum scelus : integris enim provinciis exhaustis , & sanguine miserorum pasti alios in cruentæ foelicitatis exemplum lacescebant. Aliis in tantæ

fortunæ adorationem abreptis, nemo unde, vel quibus modis haberent quærebat: & si scisset obmutescere querela. Tanti est habere. Redivivus Verres impunè grassabatur. Postquam enim semel ora magnanimi Tullij in Rostris jacuere, & vultus informes, manusque inclýtorum operum ministros, ac nefando cruore sparsam canitiem furor Antonij derisit, impio proculcans pede, non meruit sceleratior posteritas Oratorem, qui Cicérone tonet in malos. Ubique penè terrarum inveteravit opinio, Reipublicæ perniciofa, pecuniosum hominem, quamvis sit nocens, non damnari quo pendeat ad ventos, aut in Insula pereat: sed quo pendat ærario de raptis, quasi de suis: qui tamen tam suis, quam alienis erat exuendus. Quid juris expectasses apud nummarium tribunal, quod auditâ utrimque licitatione videbas addici? Spoliati præter accusationis invidiam, & sumptuum acerbitatem retulerunt nihil, nequaquam tristi quærimoniâ, & sanguineis lacrymis *Recuperatores* implorantes. Sic solùm judicio à rapinis publica discernebatur utilitas. Plures hoc modo pinguefacti tumuerunt titulo regij stemmatis ab ultimis terrarum oris quæsito. Invenit namque aurum mendaces, qui à



Diis suis homines tam longæ vetustatis affectatæ jurarent oriundos. Ambitio opibus annosa sibi scælix non fuit visa, nisi ab omni antiquitate Cæsares & Reges in genus suum deduceret, emptis in rusticam nimirum intercarpedinem lætheisque aquis. Non hic ridendum nec panos pœnales parentesque primis æquis salvo tergo memorasses.

Sine risu non demisero illis proximos Consules Romanos. Quam denso ordine obibant comitia! quam securè in Legem Juliam de ambitu committebant! & quia jusjurandum postea in Legis cautionem inventum est, nè illud foret rei perdunde, manifestum, mente aliò errante, ejurabant ambitum. Huc non semper eodem ibant modo: sed ut posteriora tempora à primis differunt: ita & mores. Olim ignobilitate vestium affectatâ, multoque arrogantium fastu devorato, multisque calumniis in votorum causâ enitebantur, ab omni convivio, & libertatis, lætitiæque scælicitate exules. Post nullis non comensationibus congreges, & promissis grandiloqui, magno servorum numero stipati, vestiumque splendore totum Campum Martium perstringentes certius sibi lictorias spondebant secures. Hoc tamen sequens

quens ætas cum antiquitate commune habuit, quod atria matutinis salutationibus obsiderent: ad omnem occursum cuiusque vel suffragio, vel potentiorum familiaritate valentis decreverent capite ad genua labente, ac voce in comendatitium tenuatâ suspirium, totoque oculorum orbe in supplicem libellum volubili. Nè tamen id agere viderentur, quod agebant maximè, morâ colloquij captatâ, sermonem per anfractus eò deducebant, ut majorum merita declamarent, scilicet excepta vulnera, succisos poplites, oculos impenso pro libertate publicâ: in natis si non eadem exstent exempla, animos tandem non deesse ad parem virtutem: patrios cineres præmium posteris exposcere. Mellitis tandem verborum globulis rogabant ista, Regi pro liberorum Posthumio solatio insinuari. Nè verò sine arte quid facerent Tullianum de petitione Consulatus libellum sinu circumferebant, quo labilem memoriam identidem suffulciant, aut petitionis errorem corrigant. His incommodis petitio ad unius anni volaticum gaudium emergebat: dein sordidum & infame lucrum emptura perjurio. Hoc Consule calamitosus decurrebat annus in fastis: & quidquid antecedentis honesta

parsimonia intulerat ærario , sequentis furiosâ profusione diffuxit in damna. Res quoque Sacræ profanam patiebantur manum.

Nostin Proceres illos longo firmate humum verrentes ? Arcadia mittere solebat , qui in Tribunalibus , Prætoris , & pro Rostris insulsum rudant , ac tandem emolumentis tumidi , feroceſque potentiâ rugiant Leones : in eo fœlices , quod sine ratione imperantes ratiocinio fuerint exempti. Diis suppari majestate radiabant , nunc affectu iniquis benigni , nunc æquis odio noxij ; quos fastigio præcipitados arator jugo Bouum non junxisset , nedum illis credidisset stivam. Atenim non adeò stolidi fuerunt , quin difficilioris aditus ad Themidiſ adyta gnari , aureo Jovis imbre implorato suaviter illaberentur , auriculis nudæ sub denſo capillorum defluxu in cervicem tortis sessuri Equites aurati , doctum exosi Apollinem , & ut plurimum ad stridulam Panis arundinem subsilientes in sententiam ineptiorum : nam Pan Deus Arcadiæ. Meritò Thallo Phoras in Panathenæis apellassent Athenienses. Nec novum hoc ; asinos scimus olim locutos : & licet miraculo , terra tamen tot ejusmodi brutis semper depasta , & trita fuit ,  
ut

ut planè sit asininum admirari hæc miracula. O seculi pudorem ! in ipsa muneris functione , quantum malum ! insanis litibus damnosum mugiebat forum : quis tantas pace composuisset ? Quis judicium finiisset ? Illud Virum bonum desiderat : hoc justum judicem. At inter togas sæviente invicem discordantium rabie , & legibus ex publico ære præfixo in mercimonium pellectis , iniquitas numinis jura metiebatur. Vincebat nocens : damnabatur innocens. Quidquid emitur, justius erat. Timeri desiit , quod redimi potest. Tantam pestem justitiæ sacrariis invexerat stolidus veritatis error longâ obfirmatus audaciâ , & indigentia , seu vili , nobilive domo , in quæstus occasionem evocatâ , & habendi sceleratus amor : nihil autem beatiùs stulta fingit opinio , quàm in istis suaviter obdormiscere, nec sanctam Patroni Judiciales aures vellicantis manum pati. Videbant hæc Tertullianus , Cyprianus , & alii sancti Viri , quorum exstant magnæ querimonie : sed antiquitas reprehensa non transjecit emendatiores mores in posteros. Gentiliciâ autem iniquitate extinctâ , totoque Christo terris infuso Astræa sæpiùs revisit mundum.

Quos fulgere cernis in armis , Martij

sunt, quos scelus in bellum rapuit, & supplicij formido ejecit sedibus, silentio Legum inter arma promittente impunitatem: vel crudelitate fames evitanda aurique sacra sitis ad deplorabile spoliū excivit: vel cruenta virtus efferavit in imania. In furioso hoc hominū genere, sub degeneribus Romæ Cæsaribus, nīl vera virtus valebat ad adorem. Precabatur hic ad præmia: & conspectius nefas virtutis nomine laudatum est. Vix ulli militiæ primus honor delatus, qui sceleurum usum nō fecisset. Olim Castrensium laborum tarda manu pretia, & officiorum per officia processus: locupletemque Aquilam sexagesimus demū annus adferebat. Postea pueri ære merebant magno: & qui longa in arundine equitassent, stabant in acie primipili: at non ultrā tubam. Totum corpus censorio lustro lumine; oculos non torvo supercilio in hostem feroces, sed ad Veneris proelia molli petulantia proludentes miraberis. Manus non collosas, non hirsutas, nec laboriosis, rudibusvè telis, sed tenellulis papillarum orbibus palpandis aptas videns exclamabis.

*Non faciunt moles ad fera bella manus.*

*Proper.*

Pedes vidisses in hybernis ad artificiosum incessum compositis, nec extrā mensuram ob-

oberrantes, in præliis agiles in saltum, & fuga pernicios, nisi libido eos fregerit, non Herculeo horrent sago, in multitibus militantes. Multum ficti nitoris, multum coacti ruboris, quo genis & labiis mendacium inferant, pulvis dentibus eliminandis, & speculum quo se viderent ornatos, cum vexilla tolluntur erant in Belli sarcinâ. Turnus hic aliquis ingentem quassasset hastam vociferans.

*Da sternere corpus*

*Semiviri Phrygis, & fœdare in pulvere crines Virg. l. 12. Vibratos calido ferro, myrrhaq, mandentes.*

Nec quemquam pudebat sumptus. Bos Cymbricus, & Vesphalica sus, infumataque hillæ, & quidquid olim in fortissimis exercitiis erat simplicioris cibi, plebeum sapiebant: Infœlicioris virtutis militibus ista cum farre & pisce distributa. Et ubi necesse fuit, sordidum panem non fastidiebant: quin nec arborum cacumina, aut herbas, quas non minùs homini quàm pecori in explementum ventris putabant nasci. Delicati autem illi, & flagitiosi, quos stupemus immeritò fortunatos, Martem, & Venerem, incassum indignante Mulcibero, copulabant amabili delicio; nempe ut in prælij discrimine Mars clumbe in Clypeum colligat, &

Venus foemineâ nube fugaces tegat. Equid illorum palato non occidebat? Ufu trita non placebat esca. Nec pulverulentâ sumptum in flumen Galeâ. Vectibile penarium vina defecatae senectututis in auro, vel gemma propinebat, dives milliariis apris, linguis Phænicopterorum, aliisque luxuriæ portentis. Odora canum vis castra comitabatur: & auceps inter aquilas manu gestabat nobiles falcones. Ibatur in ferarum cubilia indagine & venabulo. Camporum viriditas subsidentium, ad pabula alituum familiaritate spoliata: & sylvæ canoris volucrum choris lugebant orbatæ, muto nemore auras tantum defertis ramis, adspirante. Quid postrea? Geniales agere dies super mensam debellantes hostem: multam in noctem ludere: ac tandem miserorum excubiis vallatos dormire in utramque aurem non sub Jove frigido, non lassam vino, sumnoque cervicem suffulciente gramineo, cespite, vel fani manipulo, vel parmâ ferreâ: non tomento per triti lintei futuras affluente porrectis membris substracto: sed sub pelilibus, aut tentoriis inclementiæ nimborum inviis, & in molissimis cygnorum exuviis jacere, Auroræ inscios, & solis medium demum æthera pulsantis capaces de-

destertere. O tutum Regem hoc milite !  
interea quam molliter hic fuit foelix!

Severum tam pudendæ militiæ censo-  
rem Vespasianum habuit Roma. Ille na-  
ctus occasionem corrigendi disciplinam ,  
adolefcentem fragrantem unguento, cùm  
pro impetrata præfectura gratias ageret ,  
nutu aspernatus est , voce etiam gravissimâ  
increpans , maluissimæ allium abluisses ,  
litterasque revocavit. Et quod in aliis op-  
tavit , in se noluit desiderari. Strenui mi-  
litis votum est , ut masculam vitam gene-  
roso mortis illustret exitu. Cæsar Marte  
& victoriis clarus noluit mori stratus in  
pluma : sed animum in membrorum offi-  
cia appellatum stans dimisit in libertatem,  
Imperatorem , inquiens , stantem mori  
oportere.

Quam bellè conferitur turbæ , Leno-  
rum & spiatriarum prosperitas nihil Cæsa-  
ris Caligulæ funestum metuentium car-  
men ! quàm venustè antecedentem nup-  
tarum , innuptarumque chorum flectunt  
velut clavo in amantium vota ! non iste  
Veneres in propinis , & tabernis , non in  
quadriviis , & angiportis vili merebant  
plebi : sed augustioribus sub tignis glube-  
bant magnanimos Remi nepotes. In eo  
maximè foelices, quod tam nobili consue-  
tutine



tudine inauratæ Cypriam Deam æquarent dignitate, nîl eas rumoribus senum seneriorum, nîl censuris, nîl minis infaustantibus. Sin aliquam censor apud vestâ sequestrasset, ut casto contubernio vitam disceret castiorem, extemplò tota Cypros turbata inestuabat. Quantum hîc tentatur! Sanctum, nec quod profanis fas insistere limen, occupatur, & in penetralia fit via vi, quid fecisset pia Vesta? Linqvit pristinis basianibus Lesbiam: Et quo ipsa sit extrâ sacrilegos impetus, pudori suo consulit fugâ. Martem hic silvia tumuisset. Acclamabat mox tota insula; ô justas vindicias!

Aspectu prosperi sceleris fatigaris? Profanos vidisti, nosce & sacram gentem. Priorum sancta fuit apud Romanos origo: Eos numa consilio Deæ Ægeriæ flamines Jovi assiduos creavit. Diales isti, ceremoniarum legibus diu vixere probi. Post opibus in luxum crescentibus, religioni non habebant equo vehi: exercitum armatum videre: anulo uti: nodum in apice, & cinctu habere: & cætera, quæ ex Massurio Sabino, & Fabio pictore tradit Agellius, commodioris improbitatis causa ridere.

Nosce & illos rasis illustres Galbanis :  
olîm

115  
olim Baptæ nominati sunt, qui masculo  
vigore in Cecropiæ Cotyttus sacrum va-  
lidius impenso ad castissima Minervæ mi-  
nisteria in pretium impuræ privilegationis  
forte accersiti, integris ibi piaculis ditesi-  
cebant: & quidquid deliciarum dabat  
venatio, & Cæres, Bacchusque vo-  
luptatis, scenecis ludis, carminibusque  
post Domitiani Cæsaris fata liberè con-  
temptis, sumptuosæ magister artis & vora-  
go censuum venter consummens faciebat  
Dominos amplissimos, & pinguiissimæ  
festivitatis. Nulla in hoc summe nobilis  
cogitatio: mensque obruta tantâ pin-  
guedinis mole hærebat terræ, viventes  
tantum ut ederent, multis Jugeribus mise-  
rorum sudore aratis, & satis in inertia missis  
ilia: solisque excrementis agriculturæ, &  
pecorum utiles pastui, & Deæ suę sacri-  
ficientes. Quas non facetias habuerunt  
Pompales nugæ? Quantum rerum, quas  
agebant ignari! Et quo magis forent re-  
verendi, grege cernuo, & stupido gaude-  
bant: nam ignoratio majestatem quandam  
addit fano. Quid dixisses per Clostellum  
videns pigiciaca sacra? Ista non improbat  
Epicureus, nec alia, quæ his ancillantur.  
In diem vivendo crastinum fatum obi-  
bant soperosi, nulloque tormento laxa-  
runt

runt corporis compagibus animam in tenebricosa loca, undè denuò in hanc Scœnam prodirent judicandi.

Innumeri sequuntur: sed ego demonstratione lassor. Ab eo. Eant illi, undè exierunt, quis enim istam malorum colluviam olim in Asia, & Africa natam enarrabit? Non unius sæculi habet sceleratas prosperitates, sed omnium, euntibus in ætatum orbem vitiis: quare sit sat, vidisse. En Viri boni, & mali contrariam sortem. Sic bonus ex malis emergit ad beatitudinem: malus ex bonis ad miseriam.

*Finis Libri secundi.*



PHI-



# PHILOSOPHI

BONÆ MENTIS,

Liber Tertius.

## CAPUT PRIMUM.

*De Vera ratione , quare mala bonis , bona malis  
in hac vita eveniant.*



At rerum adversarum in Viro  
bono spectatum : fat secundarum in malis : ad quas tener & rudis sapientiæ exclamat; ô Divina Majestas quam bonis es iniqua & quam non æqua illis præmia dividis , indignos auges honore. Dignos ad infima deprimis. Justos auges pauperie. Injustos divitiarum copiis amplias , transfers ad impios quod piis adimis. Evertis bonos. Stabilis malos. Quantò æquius hoc Sophocleum.

Di-

*Disponere aliter cura debuerat Deum  
Mortalium res : nam pios decuit palam  
Bona largitate consequi cœlestium  
Contra scelestos paria criminibus suis  
Supplicia aperte luere dis Vltoribus  
Ita res secundas nemo iactaret malus.*

Quid dicam ? Non dubito de tua providentia ; sed quæror :

Ast audi ; rectè non dubitas , quia dubitatio foret impia querela fortiori sapientiâ sedanda est. Quod de providentia non omnes peræquè judicent, non ab ejus ullo iniquo est ; ambrosiam æger palatus insipidam respuit ; an ideò cibus ille Deorum desinet esse, quod est ? Num Solis utilitas minor aut major allucebit , quod aliis habeat oculorum acies, aliis sit acutior ? Opinari Deum non semper bonum : aut modò justum ; modò injustum , ignorantia, quin insaniam est. Quod non intelligis , discere. Et quod discendum de eo non expostules , antequàm intelligas. Discendo intelliges : & te tuæ pudebit quærimoniæ.

Non ego te Marco Antonino Imperatori ex Zenonis & Chrysippi schola Philosopho tradam erudiendum, qui tibi eventientia æquo animo ferenda duabus rationibus monebat in libris, quos de vita sua

fua ſcripſit ; una , quia ſors tua ſic ferebat :  
& tibi decreta erant ab antiquiſſima fato-  
rum cauſa ad te certum aſpectum habentia : alterâ , quod ea faciant ad proſectum ,  
& perfectionem , ac permantionem ejus ,  
quod univerſo præſt : minimâ enim  
parte coherentiæ , ut membrorum , ita  
cauſarum diſciſſâ totum mutulari : id  
autem te facere , quoties ea , quæ  
tibi contingunt , moleſtè fers , ac quodam  
modo tollis. Non etiam quâ Achilles  
Priamum ſenem Hectore orbatum , te con-  
ſolabor , ratione.

*Statuere Dij mortalibus agris*

*Triftitias : at cura Deos non ulla remordet.*

*Homer.*

*Il. liad. 24.*

*Quippè Iovis donis , quæ dat , ſtant limine  
plena .*

*Dolia bina : malis ſcatet hoc : bona continet  
illud*

*Cui mala mixta bonis ; diviſit Iuppiter , ille*

*Nunc mala conſequitur : bona nunc. Cui peſſi-  
ma trifti*

*Vaſe dedit , probris , odiſq<sub>3</sub> exponit iniquis*

*In terriſq<sub>3</sub> fame , miſeriq<sub>3</sub> laboribus avi*

*Perdit , honoratum , nec Dis , nec gentibus  
ullis.*

Non inquam , his ſcitis tuæ præſcribam  
querelæ : regeres enim ; ſermone iſto  
cleanteo Dei providentiam inſinuari :

L

non

*Lipsius de  
constans.  
lib. 2. cap.  
8.*

non ignorari fatali carenæ bonos juxtà , ac malos innexos : at cur in ista bonorum annulus durior ? Malorum mollior ? Non capi æquitatem , quæ istos non dis-criminat. Non etiam me , quo se noster solebat expediam. Bonos exerceri ex Dei amore , non odio : in fructum , non in læsionem : hoc modo bonos ad robur institui , & virtutem : nec aliter cuicquam de firmitudine sua constare : & illorum patientiâ limitem signari , per quem alij eant ad eadem. Ita Deo placitum : summam justitiam esse voluntatem Dei : judicia ejus , multa occulta : nulla injusta : eorum rectè constare rationem , si nulli reddatur : verè quidem ista ; sed de facti ratione , non de facto quæritur. Quare arcana Dei penitus , quæ data verbo ejus via , penetranda , indeque exertius rationem divinæ voluntatis vulgemus.

In rerum omnium , quas fidereus cælorum fœnix ambit stupendas creatione , & gubernatione providentiam , & gloriam Dei veneramur. Meritò id hæcenus. At utraque non tota in illis est perspicua. Pars potior in Homine splendet illustrius. Præterquam enim , quod in humani corporis constitutione , se parvus mundus prodit , & ejus non secus ,  
ac

ac magni illius gubernaculi numen affideat : animus quoque illi insedit præstantior multo. Et sicut iste propius ad Deum accedit : sic & Deus in eo per providentiæ suæ seriem evidentius gloriam suam vult enitescere. Animum non puto quemvis : sed cui divinitus instillata virtus est : in cujus elaborata manifestatione , & inexpugnabili munimento opus Dei spectatur omninò gloriosum. Quod siderum lumina , & cursus , quod aëris , terræ , marisque mutua faciunt officia ad enarrationem divinæ gloriæ : hoc multo præclarius malorum tormenta. Qui hæc trepidus abominatur exhors virtutis est , quæ sine illis ignoratur. Planò nil aditur excelsum nec ad astra mollis è terris est via , considera virtutis chorum : & vitij ex adverso : & utriusque consortium : & hunc illi infestissimum : Cùm enim Deus virtuti suæ sedem in te parat , vitium in confinio metatur castra : & nulla virtutis est pars , quàm non totum vitij incurSAT agmen. Utriusque conflictus in bonis est afflictio : attamen hæc non affligit vivendos , sed victuros. Ad res alias paululum eamus. Dum tempestas ventis adversâ fronte prælium gerentibus turbida , astrisque assurgente fluctu minax deductique equoris



vallibus in tartara subsidentibus horrida  
peritis invidet tutum cæruleæ viæ decur-  
sum , miramur artem nautarum quam sci-  
tè & proindè modò alios aquarum mon-  
tes fugiant , modò frangant alios : modò  
vela dent ventis : modò legant : modò te-  
naces naves fundant anchorâ. Non furen-  
te pelago ars jacet ingloria : & secundo  
flatu sentinarius vel oscitabundus reget  
clavum. Orbis non novisset hec tora , nec  
inviçtum Achillis robur , nec Ulyssis pru-  
dentiam , nisi Troia fuisset infœlix. Quid-  
quid nobilius animo clauditur indefessâ  
exercitatione laxatur in gloriam. Cur igitur  
Christiane tumultuaris ad afflictio-  
nes , in quibus Deus aperit suæ virtutis so-  
lem ? Magnum erat artificiosæ universi  
fabricæ sui notitias insculpsisse : iisque ho-  
minem in stuporem , amorem , & cultum  
perduxisse : verum restabat virtutis gloria  
non per elementa , sed hominem radiatu-  
ra. Hæc quantò densiores perumpit nu-  
bes in lucem , tantò majus habet efficacæ  
suæ testimonium. Illi fortunatorum non  
fumant aræ. In rerum aspredine & spine-  
tis crescit vivida & potens. O salubres af-  
flictiones ? Non quod ex sua natura ad hoc  
quippiam valeant , quæ magis ad fremitum  
& maledicentiam instigant : sed quia  
Dei

Dei virtus in infirmitate perficitur : in hac namque sese luculentius exerit, agnitaque majori Laude percrebescit : quàm divinè S. Paulus ! *Placeo mihi in infirmitatibus , in contumeliis , in necessitatibus , in persecutionibus , in angustiis : & libentissimè in iis gloriabor , ut inhabitet me Virtus Christi : rectè ait, in illis gloriabor , quo fine ? Ut Christi virtus in se inclarescat , suam jungit Christi gloriæ , nec malè , utràque enim convinxæ sunt ; nec suam hahuisset, nisi Dei in se habitationem recepisset. Vis videre quomodò Deus illam habitationem parat ? Et homo huic pectus suum aperit ? Vir pius ex immani miserationum sævitia in imbecillitatis suæ cognitionem adductus , ac diffidentia sui, & humilitate prostratus quo se vertet ? Oculis per totum terrarum orbem circumlatis, nihil quo juvetur, conspicit. An obstrepet Deo ? Aut animo ferreo , contumacissimum pectus adversus iniquam fortunam projiciet ingeminans , usque adeonè mori miserum ? Nequaquam : sed presto est S. Spiritus Divinæ voluntatis nuncius, qui , infusa in locum contumaciæ interiore mausuetudine , & intimius impacto consolationis suavio , indignationem , & maledicta penitèns eliminat : hostilemque*

malorum in cursum in Sanctæ patientiæ  
mutat instrumenta : undè protinus exur-  
git animis Deo monigerius in masculam  
illam fortitudinem , qua ingruentia mala  
strenuè exantlat , nec contumeliis provo-  
catur ad talionem ; nec incursionibus va-  
riis perculsus , damnisque detritus se mi-  
serum inter miserrima plorat : ideonè ali-  
quem execratur diem , ratus à Deo provi-  
sum , nè sibi quis ater eat. Quin nudis  
scapulis , & sætentibus in sublicium pon-  
tem inter egentes abactus sedet beatitatis  
candidatus. Nec expedit amplissimæ do-  
mus auro rutilantia laquearia : habet cæli  
faciem stellis insignitam fulgentibus : non  
diffusas possessiones : scit patere in com-  
mune elementa non epulas lautas & juga-  
les facili victu quem tellus justissima se-  
cundo sinu fundit , contentus est. Non re-  
fulgentia auratorum Lychnorum lumina :  
quia multò illustrius illi resplendet luna,  
non in hyeme hypocaustra anhelantibus  
ignibus vaporata , queis gratior solis ca-  
lor ; non eburneos lectos : nam prefusior  
terra , fragrantibus illi graminum toros ster-  
nit suaves divites somni , quem totâ per-  
visil nocte quærendo aureâ compositus  
spondâ , & sarrano tectus ostro non capit.  
In hac se fortunatum agnoscit paupertate,  
mer-

mercedem reservante, quam census, non absumit. Multum abest ut paternis Dei flagellis impiam murmurationem infren-deat, in quæ semper paratior ostentat verberum vulnera, & vibices in constantis obsequij fidem: nudamque virtutem remoto successu inspicit: nec fatalem operis pulcherrimi, quod in illo Deus ordinavit, cursum detrectat: cui, quidquid patitur, intextum esse novit. Ergò quo Deus vocat, sequitur securus. Victori totius Europæ junge præcipitem mutationem: ac victum & vinctum nobili pompæ ferculo impone, idem in utraque stabit fortunâ, virtutesque quarum experimento sudor, & sanguis fluit, quoties necesse lætus amplectitur. In quem finem? Honestatem ponit Aristoteles; ego summum Bonum.

Hoc demùm modò probatio virtutis, velut aurum septimâ flammâ excoctum enitescit probius in lætitiâ & salutem probati, & in gloriam Dei probantis. Et id est, quod Apostolus dicebat; tribulationibus effici patientiam, patientiâ probationem, probatione spem; utique spem non dubiam, sed quæ magno pignore patienti nequitur. Quodnam illud pignus? Dilectio Dei erga patientes in eorum cor-

dibus diffusa per Spiritum Sanctum : non enim fallit , quos amat.

Hinc liberè dixerim cuncta mala Viro bono cedere in bonum. Nullam vim bonæ Menti nocere. Fortunam oppositâ virtute minas suas perdere. Nihil referre debeatnè bonis esse cum infamia , an cum gloria. Et sapientem malâ opinione benè parta delectari. Interea non ille humanam exuit naturam , sed homo res adversas formidat , & refugit , magnoque amaritudinis sensu tangitur , ex quo patientia nascatur. Tormenta velit ab esse : sed si sustinenda sunt , ut in illis se non solum animosè , & fortiter , sed consideratè etiam sapienterque gerat , optabit. In patrimonio magna erumnarum materia. Si Deus dederit amplum , cupiet servare : si reddere jubeatur , non quæretur , sed gratias aget quod possederit , ac gratus , libensque cedit. Animæ depositum non ejiciet corporis domicilio. Deo divortium mandante , non tergiversabitur : paratum restituet volens , quod non sentienti creditum est.

Appage fortitudinem illam , quæ insanâ contumax animositate ; & posthumę famę glorięque cupida , olim apud Philosophos laudem invenit , uti venenum in Socrate ,  
ignis

ignis in Scœvola, tormenta in Regulo,  
quibus summam fœlicitatem obtigisse fal-  
sè credebant. Hoc Euripidis

*Probantes*

*Via hac cramaq; membra, & impletur mei  
Potans rubentem sanguinem in terram prius  
Descendet ather terra se in calum feret  
Quam blanda de me veniat ad te ratis.*

Nihilò plus virtutis babebat apud Spar-  
thanos solemnis ad aram Dianæ Orthiæ  
adolescentum flagellatio, interdum ad  
necem cruenta, nec gemitu vel uno, ne-  
dum exclamationibus inturbata, ad-  
stantibus parentibus, & ut perseverantiùs  
laceros artus in flagellorum ictus, & vul-  
nera in vulnera præbeant, adhortantibus.  
Consuetudo pertinax valet quoque ad  
perferenda: at multum refert quo animo  
feras. Si perferas, ut videre pertulisse:  
& contra fortunam perstes, ab ejus sævitia  
duratus, monstresque quantum humana  
natura. In te possit ferendo, procul abes  
à virtute. Christiana Philosophia non  
Sparthana nobilitate Plagas concoquit: nec  
suos inani encomio plagipatidas facit, sed  
contempta verberum crudelitate genero-  
sos Spiritus ad Deum evehat & discent  
ista, quæ vocantur aspera, & abominan-  
da pro iis esse, qui ea patiuntur, deindè

pro universis : deindè pro gloria Dei : pro  
 iis esse quia propriæ imbecillitatis con-  
 scij : & fiducia in Deum recumbentes sic  
 assuescunt patientiæ in certam & perseve-  
 rantia beatitudinem exituræ : pro univer-  
 sis , quia in exemplar exercentur : ac tan-  
 dem exhaustis malis , Deo , & sibi trium-  
 phant : hâc ratione non dubitem beatos  
 asseverare , qui vel totâ vitâ in Phalaridis  
 tauro mugiente ut tales sint , non hic bona  
 aliqua desidero , si in cælo decreta sint ,  
 illis æterna hæc boni Christiani lucta. Hæc  
 victoria est : quæ lætior , quoties sibi ma-  
 gno constitit. Sin autem contingat Virum  
 bonum eripi malis , licebit corde , palmis,  
 voce in astra sublati Deum Optimum

*Psal. 114.* Maximum affari ; *O Domine ego servus*  
*& 115.* tuus , ego servus tuus & filius ancilla tua. Te  
 dilexi quia exaudies vocem orationis mea. Cir-  
 cumdederunt me dolores mortis , & pericula in-  
 ferni invenerunt me. Convertere anima mea  
 in requiem tuam ; quia Dominus benefecit tibi :  
 quia eripuit te de morte : oculos meos à lacry-  
 mis , & pedes meos à lapsu. Quid retribuam  
 Domino pro omnibus quæ tribuit mihi ? Ca-  
 licem salutaris accipiam , & nomen Domini  
 invocabo , Vota mea Domino reddam coràm om-  
 ni populo ejus.

Inspice te modò : & bona tua nosce in-  
 tror-

trorsus obversa, non extrinsecus fulgentia:  
& in iis Deum Optimum agnosce: & in  
malis erga te maximum, quia ejus manu  
mala victat, & triumphata. Nosce tibi  
nihil à Deo mali illatum quod te malis  
exercuerit ad meliora. Mala non sunt,  
quorum exitus bonus. Mala passus es? A-  
liena fuerunt. Qui perpetrat malum, ejus  
id malum. Qui patitur, alienum patitur.  
Deus istis utitur, non facit. Suum cuique  
malum exitio est: alienum sæpius sa-  
luti. De nocente dicas, non nocuit mihi,  
sed voluit. Nocendi voluntas. serviebat  
perferenti: & perlatio lucro nocentis, nam  
bona lucris occasio est, dum sustines ma-  
los tibi malum machinatos, & inferentes.  
Si malitia successu sit infœlix, forsan eru-  
bescet blanda depulsione victa: si fœlix  
& te mali videant inconcussam, nec pari  
malitiâ addi numero malorum fieri po-  
terit propitio numine, ut augeant nume-  
rum bonorum. Fide igitur Deo: & amator  
duræ virtutis, dum vitali fruieris aëre, du-  
rato, & te veræ servato fœlicitati. Fœli-  
citas non est, esse improbè fœlicem. Quod  
cuiquam bono dedit, tibi non negabit  
ille à quo omne bonum. Quidquid in  
aliis boni est, proprium non est: adven-  
titium est: quippè Dei est, quodcumque  
in



in ullo Sanctorum Laudas. Aptè Sophocles apud Stobæum. *Nusquam sincera feruntur dona, præterquam Iovis horto.*

---

## C A P U T II.

*Objectio: non decere bonitatem & misericordiam Dei, gloriam suam in hominum miseriis, & afflictionum tormentis ostendere: eam laudabilius ab internis vitiis superatis & piis officiis in homines spectari. Prosperis parari causam gratitudinis, libertatis, temperantia, & aliarum Virtutum.*

**V** Ideo te ni fallor interlocutionis incendi deciderio: effare, quibus pectus turgescit adeò. O ferream rationem & plus nimio furentem in bonos, Cedo: nolit Deus molli Virtutis documento gloriam suam inclarescere. An illud à crudeli fortuna petendum! Virtus Iubar suum non emittet plenum, nisi ego miser? Non reor. Illa animum ornat, & intestinos habet hostes, quos justâ prudente moderatâque fortitudine debellando abundè glorianda est. Adjice prosperitatem ocyus Pariet gratitudinem. Nullam verò sæviens for-

fortuna. Quod Virtutum aliquam impedit, bonum non est. Ferarum est, frui pæjus: Patrem dices, qui Filium intaminatum, & nullis non animi dotibus excellentē, & ut uno verbo dicam, bonū poscit ad flagra, & cruorem? Carnifex mihi sit non Pater: ovet ergò virtus internorum vitiorum victoriâ. Foris exuberet piis in mortales officiis; certè coruscabit magis rerum lætarum accessu animus asperarum. Hæ corpus indurant: animo virtute mænito parum ad robur conferunt: ad gloriam nihil, quantulum enim est, non inclinari, nec deprimi, quod unum hic virtutis est? Imbelles sunt, & contemptu vincuntur. Vilet contemnemdorum victor: istæ in partem præmij virtuti victrici debiti dandæ sunt. In quibus temperantia, & liberalitas campum habent patentem. Memini abs te auditum; Deum non sibi, sed nobis inclytæ suæ Majestatis cognitione prodesse. Nobis una salus placet, & abundè satis est. Hujus si certi simus, nullis invidentis mali Telis impetiti, quid opus infortuniis tabescamus?

O strenuum militem! malles virtutem interno vitiorum tumultu compescendo defungi: nullis externarum adversitarum quati

quati procellis, intus pravis motibus silenter consternati foris cute benè curatâ insuper mollicinâ , Crocotâ , Chiridotâ ricâ , muliebribus soleis , purpureisq̃ue fasciolis testari foelicitatem. Aversaris vulnera sanie , ac tabo fluentia , cicatricesq̃ue recentes , laceramq̃ue pallam , callumq̃ue instar vegrandis suberis longo sole cocti, immanibus Cœcæ Deæ truculentiis obductum; quæ sapiens scit fortitudinis & patientiæ monumenta Deo cunctisq̃ue ætheris incolis admiranda. Non , non , Sodes: sub Dei vexillis militanti tuum hoc delumbe non convenit. Homo animo & corpore constat, tolle corpus, tollis hominē Deus in homine suam vult virtutem patefieri : illa in animi præsidio constitutâ adversus internas tantum irruptiones bellante , perspicua Deo belligeratio ista : non hominibus. Vult ille coram hominibus , & toto mundo potentem suam Majestatem in gloria conspici. Hæc ejus voluntas , quæ te ad istam gloriam jubet eniti : cur aliter non fecerit , est illi sua ratio. Tu nè interroges , sed pareas. Intuitu tui justissimam fateberis voluntatem , agnosce enim teipsum & à vitioso parente te vitiosum. Et indè innumera delicta. An hæc non merentur severiùs puniri

niri? An non æquum est te ex tua natura libidinose ferocentem domari? Hic clementia agnoscenda, & obedientia in gratitudinem venit, si fortunam patiaris adversam, & immanem recte ferendo occallebis; & te dum feriet inclementius, sibi magis nocebit: tandemque absolves totius virtutis documentum. Non ex æquo in omnes irrumpunt mala. Scit Deus quid quisque possit: Et ad vivum modum temperat cruciatum. Premit, non apprimat. Pressos sæpè levat in ea, quæ vulgus hic appellat Bona. Saltem quod cuique satis est, non negat. Sin ille te verset tristius ad mortem, durum quidem Virtutis experimentum: sed alibi majora sudati laboris præmia tibi reposta, ubi mitteris in summi Boni possessionem. Hæc tibi via calcanda est. Hospitalis noster Christus prævit: quid ni sequaris? Malus miles Imperatorem sequitur gemens. Bonus Imperia sive in lethum, sive in victoriam excipit alacris, & exequitur animosus. Illum intueri, ut sanguineo profluus sudore rigat hortum, & prætorium in commissorum tuorum ablu-tionem prodigè fuso. Intuere spineo redimitum diademate. Intuere clavis rudi affixum robori, & latus bifario fonte largifluum.

giffium. Quid cætera dicam ? Dicat  
 Ifaias ejus crucem : in cruce patientiam :  
 in patientia fortitudinem : in fortitudine  
 temperantiam : in temperantia justitiam. In  
 singulis meritum , & in merito coronam.  
*Vidimus eum despectū , & novissimum Virorum ,*  
*Virum dolorum , & scientem infirmitatem : ve-*  
*rè languores nostros ipse tulit : & dolores nostros*  
*ipse portavit : & nos putavimus eum quasi le-*  
*prosum & percussam à Deo , & humiliatum. Ip-*  
*se autem vulneratus est propter iniquitates*  
*nostras , attritus propter scelera nostra. Disci-*  
*plina Pacis nostra super eum , & livore ejus*  
*sanati sumus. Oblatus est quia ipse voluit , &*  
*non aperuit os suum : sicut ovis ad occisionem*  
*ducebatur , & quasi agnus coràm tondente se ob-*  
*mutesset. Pro eo quod laboravit anima ejus , vi-*  
*debit , & saturabitur. In scientia sua justifica-*  
*bit ipse justus servos meos multos , & iniquita-*  
*tes eorum ipse portabit : idèd disperdam ei plu-*  
*rimos , & fortium dividet spolia pro eo quod*  
*tradidit in mortem animam suam , & cum sce-*  
*leratis reputatus est : & ipse peccata multorum*  
*tulit & pro transgressoribus oravit. Dic cæte-*  
*ra S. Paule. Propter quod & Deus exaltavit*  
*illum & donavit illi nomen , ut in nomine*  
*Iesu omne genu flectatur , Cælestium , terres-*  
*trium , & infernorum. Et omnis lingua confi-*  
*teatur , quia Dominus Iesus Christus in gloria*  
*Dei Patris.* Quan-

*Isa. cap.*  
*53.*

*Ad Philip.*  
*cap. 2.*

Quanti miraculi est. Tantâ rerum varietate & dissensione in Communionem coitâ gloriam parari. Quam illa contraria ! lætitia , dolor , vita , mors , miseria , & gloria. In uno sociantur hæc omnia. Vides Christum in cruce dolentem & patientem ? Vide lætitiam ? Vides mortuum ? Vides sepulturam ? Vides in utroque miseriam ? Vide in resurgente vitam & gloriam.

Cogitatibi Dominum loqui ; ego cùm in forma Dei essem non captivam arbitratum sum , esse me æqualem Deo : sed memetipsum exinanivi formam servi accipiens in similitudine hominum factus , figura inventus ut homo factus obediens usque ad mortem , mortem autem crucis : quare compone mentem ad summos labores , & patientiæ magnum opus , virtutisque illustre documentum. Comites mihi volo non delicatos , nec popas ventres omento tremulos , & ad rigidam catastram puiguitèr pastos : at quos tramâ figuræ commendat frugalitas : & quibus in periculis undique imminentibus armis & cathenis circumfremantibus , surgat animus fortior : qui me , & ipso cælo teste tristissima quæque pati pulchrum , Christianumque putant : & egregium magis ad-

M

versa

versa perdomuisse, quàm fugisse : quibus denique placet una salus crucem meam seculis mori indomitâ cervice. Tales volo, & facio. Te quo fortissimum athletam parem non in coccinum, & tyrum, non in balnea, hortosque amœniores, non ad spumantes falerno pateras, & nive glacieque in mediis æstibus hyemantes, sed in masculam horridamque laborum arenam misi : cum in festissimis quibusque confligere cædi, vexarique volui : pluribus objici, si pauciora gloriæ meæ paria non sint ostendendæ. Major illa à majori tui tentamento : ad quod non ex aula Attali, sed carcere meos emitto. Belluatis tapetiis non sternitur hic circus, pulvis in eo colligendus, non teneris calcandus plantis : non conchyliatis circumseptus peristromatis, sed strictis impetentium hastis firmidolofus Tronûs podio ego, mei que Cælicolæ sedemus spectatores virtutis generose certantis. Nosti in bello strenuos ex papilionibus, & gurgustiolis in aciem russa tunica in prætorij fastigio suspensa, non ex bombycum stamine & noli plumâ cieri. Nosti quantum faciat ad victoriam manus duriori disciplinâ roboratâ, pugnaeque jam antè ædificata. Paterno erga te sum animo : & quia te fortiter amo, gravi-  
viori

## BONÆ MENTIS. Lib.III. 179

viori filium opere exagito pugnaſti? Vi-  
 ciſti? Non tu, ſed in te virtus mea. Illa  
 tibi præſidium, & arma miniſtrabat. Mea,  
 inquam, virtus in tua inermi acie Dux  
 fuit, & miles: & tibi trophæum in beati-  
 tatis ſignum, aſtris conterminum crexit.  
 Virtus mea ſemper penes me claret. In te  
 ſi celata, & ſine adverſario ſit, mea quo-  
 que celatur gloria. Tunc apparet laudan-  
 da, quoties eam ſcrupulo laſſo tramite,  
 invitoque, undè fluxit in altum æthera.  
 Si te vitiorum victrix in proſperitate dun-  
 taxat pium ergà me homineſque exhi-  
 beat, minore radio in meam emicabit  
 gloriam, verum maximarum adverſita-  
 tum obſidione vinctâ & arietatâ luculen-  
 tius vincit, & triumphat glorioſius. Ser-  
 vus meus Job in omni rerum affluentia  
 vocari meruit, *Vir ſimplex & rectus, ac ti-*  
*mens Deum, & recedens à malo*: Attamen  
 in cunctatum demùm fortunarum dire-  
 ptione, miſerandoque liberorum funere,  
 acerbiffimoque corporis cruciatu con-  
 ſtantem virtute perfeci, & ad meam po-  
 tentiam adeò in homine efficacem eru-  
 buit Satan. Quid pateris. dignum cælo?  
 Graviora paſſus ſum. Perpende me in cru-  
 ce pendentem: & vide, *ſi eſt dolor ſicut*  
*dolor meus*. Inſons pro fonte pende-  
 bam.



Augebat dolorem, quod populus electus in me conspirarat : quod Apostolus prodiderat ? Quod Pater percusserat : inimici plaga minus ferit. Ab amici vulnere magis delet amor. Te magno emi pretio : emptorem sequere. Res empta non est melior pretio : imò pretium meum magis emptâ. Quænam empta ? Hostis. Quo empta ? Sanguine. Mancipij mei es sequere, non in mortem, eam pro te alforbui : sed in vitam, ad quam morte cruentâ viam aperui. Quid habes modò, quod de me quæraris ? Per ista quæ dixi, confragosa meliori vitæ præluditur. Alius te rerum status in cælo expectat, quem, quamdiu in corpore mihi militas, non nisi ex intervallo pati potes. Hora decretoria corpori, non animo suprema, illi te beatius inferet : cujus lucem cum totam aspexeris, in tenebris te vixisse dices. Quid enim dies, & nox, nisi infimi aëris vices ? Huic diei prælucebis divinâ meæ Majestatis irradiatione circumfusus, & tot sideribus lumen suum miscentibus.

Nè foelices putes illos vegetos rebus secundis, censuque in luxum surgente voluptuarios, honorum sublimitate superbos, potentiâ feroces, tyrannide crudeles, facinorum securos, *Qui gloriantur in mi-*

## BONÆ MENTIS. Lib. III. 181

malitia, & potentes sunt in iniquitate: qui populum meum humiliarunt, & hereditatem meam vexaverunt. Viduam & advenam, & Pupillos occiderunt. Nè invidas illis temporanam faustitatem, scilicet culinas, & concursantes inter tot ignes coquos libidinum, & voluptatum ministros: detestandum ventrem, cum tanto tumultu pacantur epulæ: & magna pars suæ scelicitatis exclusa videtur, quod corporis angustiae omnem illum deliciarum apparatus non capiant: præterea execrandam potentiam cui jus, & fas non assident: sed in libertate scelerum, ac sublato gladiis modo omnia facit sævè, invisumque truetur sceptrum. Eos in nativo reliqui justus errore, ut suæ spontis sint erronei, & pereant liberi, non coacti. Huic errori comites adjeci, aurum, argentum, & ebur, ut flagitioso eorum abusu augeat noxa, dum quem ex iis agnoscere & adorare debebant, volunt ignorare datorem. Et cui bono hæc tam falsa bona? Ut illis ebrii velut fallaci somno ludantur. Rimare sapiente oculo istos, non qua cernuntur, sed qua latent: nihil intus boni possident. Quidquid aureum apparet, bracteatum est. Sub crusta tam pulchra turpissimæ sca- tent immunditiæ & sabæis illis, panchæis-

que fragantiis pestilens alitur odor. Attende ad finem, & miserrimam videbis infœlicitatem: animus enim à mei contemplatione, & cultu in noctem, & ad hæc fordida abductus ruit impatiens fræni in lethalia. Furiosa res est in tenebris impetus: & malum facit exitium. Quid fit? Odio veri boni lymphati pessumunt, ferrius ejulaturi vastas possessiones magnâ gratulatione exceptas, regiam patrio quondam præfulgentem ebore, lemniscata stemmata & repostis thesauris clausa auri pondera nîl profuisse: vitæque scelerate fabulâ peractâ nudi rapiuntur in mortis voraginem. Te verò Vir pie, & juste, ac multum in mortali vitâ per malorum conflictus exercite, tandem in beatissimum piorum cætum facio indigitem, ut mihi, quem authorem omnis virtutis, & consolationis in ærumnis expertus, & ducem boni fideliter secutus es, æternas grates, beatus perfores. Hæc hominis Christiani in humanis vita. Hæc melior post fata beatitudo: tunc bonum scies tuum, cum intelliges infœlicissimos fuisse. Quos fœlices humanus putabat error.

En aperui tibi magnum fœlicis afflictionis secretum. Ea non est, quod malis apparet, malum: est, quod bonis apparet, bo-

bonum. Mali sensibus illam definiendo inſœliciffimi tormenti notant opinione. Bonis, qui fructu eam metiuntur, æternæ beatitatis militia eſt. Nec ejus continuò ferociebat acerbitas: ſed aſperſa quādā cœleſti ſuavitate compendioſius ad me faciebat iter: identidem in ipſo malorum æſtu ſuggeſtis patienti his valdè efficaciſus votis, *Deus dic anima mea ſalus tua ego ſum*: Sciebam primò rerum adverſarum ictu eandem vim in aſſiduitatem protrahente, neminem mortalium citrà extraordinariam meam opem, duraturum: quid feci? Optime de te merui, quem, cùm noſſem quæis ærumnis natus eſſes, conſuetudine in calamitatum emollimentum inventâ, citò in familiaritatem graviffima quævis adduxi, non in omnibus eodem modo virtutis meæ gloriam pando: verùm in aliis longiori, in aliis breviori exercitio, ô exclamaveris igitur non immeritò, ô Deum Optimum! ô Deum Maximum!

Vocem Domini excepit Regius Pſalles divino planè carmine, quod olim luſit ad cœleſtem Barbiton.

## CAPUT III.

David hoc Carmen scripsit ad eos conso-  
landos, qui angī solent, cū vident im-  
probos opibus, & potentiā florere, bo-  
nos autem egestate, & variis incom-  
modis premi.

*Psal. 72.  
sed apud  
Hebreos*

**Æ** Terni veriꝑ Dei, cui pectore puro  
Naturam novisse datum, causamque  
creandi

73.

Orbis opus, primosꝑ homines, justumꝑ re-  
gendi

Servandiꝑ modum; nullis stat turbidus ille

Eventis rerum. Cælo terrâꝑ, mariꝑ

Aëris, & vasto circumludentis inani

Perpetuis insculpta notis monumenta benigni

Multa Dei miratus amat: laudatꝑ potentem

Authorem, magnoꝑ bono se pascit in avum:

Penè tamen, titubante animo sententia gressus

In lapsum propensa trahit, dubioꝑ relinquit

Numen: & an iusto curet mortalia sceptro,

Angustis immensa volo dum claudere metis

Stultus ego celsumꝑ homini compono tonantem.

Quis ferat aspiciens? Meme livoris acerbi

In rabiem fortuna rapit blandita scelestis

Munifico profusa sinu: vultumꝑ fugacem

Et varias oblita rotas immobilis orbe.

Ex-

Exardent ignes animo. Subit ira secundam  
 Vlcisci sortem. Stricto jam dextra ferro  
 In scelus ire parat. Fœlices cerne nocentes,  
 Elatis, ut quisque ferox, fuditq<sub>3</sub> quietus  
 Rebus! & ignarus futi, mentisq<sub>3</sub> sepulta  
 Deliciis securus agit molliſſima vita  
 Tempora, nec longo graſſante per oſſa dolore  
 Luctatur cum morte miſer: ſed neſcius hora  
 Suprema, in placidam claudit ſua lumina mortem!  
 Et quâ nulla manet major poſt fata voluptas,  
 Poſthuma ſuccreſcunt natorum robora Patri  
 In titulos, & opes, irritamenta paterni  
 Flagitij: magniſq<sub>3</sub> habitant innixa columnis  
 Clara micante auro nitidiſq<sub>3</sub> palatia gemmis.

Impius hâc vitâ fœlix. Hæc vitalaboris  
 Mordaciſq<sub>3</sub> expers cura: vulgiq<sub>3</sub> flagellis  
 Et duris exempta jugis: ſed libera tota  
 In præſens & læta, odit curare quod ultra eſt:  
 Nec quarit ſerò quidnam vehet heſperus ortu,  
 Aut croceis aurora rotis, quemcumque dierum  
 Fors dederit melior, lucris apponit. In horas.  
 Cui dixiſſe licet, vixi: rebusq<sub>3</sub> futuris  
 Indormit. Vivunt igitur, nimiumq<sub>3</sub> ſecundis

Colla levant: faſtuq<sub>3</sub> tument inflata ſuperbo  
 Pectora: Genſq<sub>3</sub> imò ſclerum demerſa profundo,  
 Contemtrixq<sub>3</sub> Dei factis obtendit honeſtum  
 Nomen, & infami laudes de crimine captat  
 Impia. Perſuadetq<sub>3</sub>, neſas nihil eſſe, libido  
 In vitiis porrecta ſuis, cenſuq<sub>3</sub> furente

*In luxum splendet, redituq; volubilis anni  
 In nova nascentem fundit dispendia fructum.  
 Sylva suis orbata feris, & piscibus unda,  
 Mille parata gula misceri funera lugent.  
 Gemma calet Baccho, Pallasq;, Ceresq; repertis,  
 Mensam onerant donis. Quidquid natura palato  
 Ingeniosa parit, totum coalescit obesum  
 Ventrus in abdomen: collumq;, ac tempora circum  
 Pingue tremit pondus fugiuntq; rubentia sedes  
 Ipsa suas, ciliisq; natant, casumq; minantur  
 In malas, placidumq; nihil dant lumina vultu.  
 Exundansq; illas fortuna rivus inaurat,  
 Et majora suis succedunt omnia votis.*

*Atque istis, tantisq; bonis circumflua recti  
 Excedit furiosa modum Vesania, grandi  
 Libertate ferox: justoq; immanibus ausis  
 Insequitur, vexatq; Viros: virtusq; vocatur  
 Flagitium felix. Aliis nocuisse decorum.*

*Nec sat pestifera terras errasse per omnes,  
 Exitiumq; piis diro stridore tulisse:  
 Ast etiam in calum furioso horrore relaxat  
 Impietas linguam: tentatq; laceßere dictis  
 Infandis, factisq; Deum: sedemq; relinquit  
 Ætheream superis. Mundo lubet usq; mirari.*

*Dum populus videt hæc, & iniquis totus inhaeret,  
 Obstupet, & dubitat, causamq; inquit, & intus  
 Fluctuat, hoc, illud versans sub pectore: magno  
 Ardescetq; aestu: mußat tandemq; profatur;  
 Scilicet, ista Deus, memori prospectat olympo,*

*Et*

Et res humanas aquâ ratione gubernat.  
Si videat, cur fulmen abest? parcitq; scelestis?  
Et pejora piis decernit fata? Quid ipsam  
Virtutem toto pramit inclementior avo?

Huc quoque vergebat mea mens non sponte, sed altis  
Expugnata malis, tacitoq; hac murmure fat us  
Ecce mali florent: illisq; pecunia magno  
Grandescit cumulo, tellus ceu crescit arenis,  
Cum delapsa fuerit tempestas horrida calo,  
Incumbitq; mari, totumq; à sedibus imis  
Erui, & volvit fluidos in littora montes.  
Cernis ut adversa, nullâ quassante procellâ  
Sortis, agunt molles tranquillis otia rebus?

Frustrâ ergo pietas, frustrâ fuit ardua virtus  
Affectata mihi, vario sociata sororum  
Connexa: caruit q; omni cor labe, dolisq;  
Et frustrâ innocuis surrexi in sidera palmis.  
Meroscis matura genis, meq; hesperus ore  
Noctifero frustrâ cadi, tergaq; virentes  
Conspexere mori virgas: dextraq; cruentas  
Infractum pectus frustrâ vicisse ferendo.

Sic insanus ego: cæcam sed numine mentem  
Irradiante pudet dicti: nam talia fando  
Nonnè probum reprobo studium, vitamq; piorum?  
Quos Deus appellat blandâ sua pignora voce,  
Et duris exercet, agitq; in pramia plagis,  
Nevè mori miserum, majus sed morte repostum  
Esse bonum fidunt hilares: nec fata morantur?  
Hæc ego dum volvo, totumq; labore fatigo



*Ingenium , quæ causa malis latissima reddat  
Omnia ? Vel quæ causa bonis tristissima reddat  
Omnia , nîl valeo mæditans , viresq; labascunt.  
Causa latet , penitusq; sinu Deus occulat illam.*

*Ergo tuos mihi pande sinus : arcana roganti  
Pande Deus , causasq; queam novisse latentes ,  
Nunc novi , Sacrumq; animo nunc athera cepi.  
Vtraq; fors hominum , sortisq; novissima clari ,  
Arcaniq; mihi radio paluere recessus.*

*Non aurum , nec ebur , nec tinctas murice vestes  
Et multo illusas pretio , gemmisq; venustas  
In species sparsis , multiq; aula a coloris  
Materiis variata , domos ornantia regum ,  
Nec currus , nec equi , nec pingua jugera fundi  
Nescia vicini , nec quidquid littus eorum  
Occiduumq; vehit , nec quod gravis arca flagellat ,  
Vera putes : sed falsa putes bona nîlq; sub isto  
Externos splendore boni : sed turpia pulchro  
Tecta latent dum stare datur , vultumq; superbum  
Ostendi rutilant : cunctosq; in fulgida fixo  
Obtutu vertunt oculos : hæc fallit inanes  
Fraude animos ? miserosq; Deus , ceu somnia gratâ ;  
Fallaciq; morâ totam ludentia noctem  
Et nato moritura die. Quos vexit in altum  
Præcipites graviore dabit per lubrica casu.*

*At quonam cecidere modo ? Subitâque ruinâ  
Quid tantus collapsus honos ? molesq; nocentis  
Imperij ? Vindex ut læsi numinis ira  
Horrore intonuit , trifidis & fulminis alis*

Noxa furit, liquefacta ruunt fœlicia falso  
Nomine, quæ placuere malis. Perit inclyta gentis  
Gloria damnata: risus & perditâ totâ  
Urbe ciens populo, nulla cognoscitur umbra.

Cùm tanta me causa rei, mentisq; latebar  
Hac tam fausta suis servari crimina pœnis,  
Corporeosq; intra sensus mens nescia fati  
Erraret; sensi sevis præcordia vinclis  
Angorum constricta, oculisq; erumpere maestum  
Flumen, & indignis incessi questibus astra.

Post lacrymas, quæstusq; hæsî, mox frigidus artus  
Subductoq; animum stupefcit robore torpor.  
Utque pecus brutum puri nihil ætheris hausî.  
Nam quis ego? Mortalis homo. Pænètralia cali  
Quî referam? Tua me sed dextera fulcit  
Magna Deus, Sanctoq; tuo discrimina ductu  
Evafi: latoq; beat me gloria curru.

Quid calum? Quid terra mihi? sine Numine sordent  
Ista tuo, solusq; meis amplexibus hæres.  
Teq; unum suspiro Deum. Teq; ardeo totus  
Solutq; in votis, Animusq; cupidine tabet  
Vsque tui: sevisq; mori exaruit agrum  
Corpus. At hæc animas rursus quassata vigore  
Membra novo. Tu spes, robur, mea portio vitæ  
Æterna Deus es. Te qui simulacra Deorum  
Post habito coluere Deo, caloq; relicto  
Infœlix sectantur iter per devia clino  
in cladem facili, magno manet exitus illo  
Exitio, pereuntq; tuis ultricibus iris.

*Stat Dominum per cuncta sequi. Nos dividet  
inquam*

*Nulla dies : fidamq<sub>3</sub> Deo : verumq<sub>3</sub> laborem  
Haud super ipse mea moliri laude recuso.  
Et tua tergemini subvectus honoribus ore  
Admiranda canam. Nomen volvetur in orbem  
Annorum sine fine tuum: laudesq<sub>3</sub> manebunt.*

Finierat Psalles : sed Barbitos fervido.  
Irritata, pulsu, & Dei laudibus assueta, visa  
mihi suapte motu in hunc sonum defuisse;  
ô Deum Optimum ! ô Deum Maximum!

#### C A P U T IV.

*Bonam Mentem non ita rigori , & severitate  
Disciplina mancipari , ut Fortuna bonis, &  
natura largitionibus jucundè & hilariter  
non utatur.*

**N**ihil tam sapienter dictum , quod  
non mordeat malignus. Viden ut  
ringit ? Ut crispo ridet naso ? Quis , in-  
quiens , iste Philosophus ? Humanæ vitæ  
nimis gravis est: tritesque ex gypso clyan-  
teo format Catones. Cruces audio bonæ  
Mentis , non adjumenta. Sit Mens rerum  
divinarum imbuendâ veritate. Fiat Deo  
in-

BONÆ MENTIS. Lib. III. 191

inhabitante bona: attamen, dum aurâ  
vitali vefcimur, à beatiore vitâ non est  
divellenda. Porro vitam quæ faciunt bea-  
torem, cecinit jucundiffimus Martialis.  
An his denegatis Viro bono tantum relin-  
quit tortores? Infernum laudet. Quin po-  
tior fideat illa fententia:

Persus  
Satyr. 3.

---- Quod fatis est, fapio mihi: non ego curo  
• Effe quod Arcefilas, ærumnofique folones.  
Obftipo capite, & figentes lumine terram  
Murmura cum fecum, & rabiofa fientia 10-  
dunt,

Atque exporrecto trutinantur verba labello  
Ægroti veteris meditantef fomnia.  
Ineptè. Non iftis Poëtæ bonis Mens effi-  
citur bona: fed plerifque, fi adfint, uti-  
tur: fin abfint lubens caret: fcitque in  
Deo fummum Bonum poffideri, non la-  
bore partum fed donatum gratiâ: illoque  
dives, & quietâ prudente fimplicitate in-  
ter homines humanius verfata fummum  
diem ad beatiora optat magis, quàm me-  
ruit. Cætera quid proderunt extrâ Deum  
abjecto? Quæ bonam faciunt Mentem  
tractat Philofophus: quo non fpectant  
fortunæ munera: divitiæ, potestas, honor,  
generis nobilitas, corporis pulchritudo,  
falubritas, & ex iftis orta voluptas, & læ-  
titia, quia facilem commutationem ha-  
bent

bent in contraria, sintque magis illecebrosa peccati, quam fructuosa virtutis, beatos non faciunt, nisi incidant in sapientem, qui non semper paupertate, aut vililare damnandus quo magis sit beatus. Quod & peripatetici sentiebant, relinquentes Cynicis suam sorditudinem: & rigidum suum Stoicis honestum, quibus erant.

*Lucan.*

— *Epula vicisse famem, magnique Penates,  
Submovisse hyemem tecto, pratioſaq; vestis.  
Hirtam membra super, romano mora quiritis.  
Induxisse togam.*

Habent quidem pecuminæ copiarum multa delictorum lenocinia: sedet in iis non rara incentiva virtutum. Qui divitias in communem usum datas extrâ usum abdit, defessusque terræ thesauris incumbit tota ætate sollicitis custodiæ miserabilis excubiis anxius: aut prodigo rerum profluvio in vitia dissolvitur, utrobyque peccat. Malus usus in crimine est non sensus. Admittit sapiens opes in domum non in animum bono jure adventitias, nec ullo scelere cruentos. Non serviet illis avarus. Imperabit liberalis.

Hoc volo, Mentem verâ Dei notitiâ & dilectione bonam fieri: nec adversis quati, lædine nec secundis extrâ decorum usum

BONÆ MENTIS. *Lib. III.* 193  
 usum inolescere. Quisquis tali prædi-  
 tus est bono ; non repugno , si pro-  
 cul negotiis paterna rura bobus exerceat  
 suis , carpâtque fructus , quos curvi arbo-  
 rum rami , & valentes agrorum fœcundi-  
 tates sponte suâ tulerunt , vastisque cere-  
 rem patentem frugem granariis possideat :  
 & locuplete penu spumet Bacchus , mul-  
 taque putet fidelia : nec videat.

— *Ferrea jura*

*Insanumq; forum.*

Sit indicundissimus in utendis naturæ ra-  
 tionibus, adsit modus, & in ipso usu erit sa-  
 pientia : Mens , si æqualiter in eadem in-  
 tentione retineatur , labascit. Mutatio re-  
 rum, rerum alimenti loco est, siue id fiat in  
 ambulationibus apertis, Cæloque libero in  
 augmentum spiritus hausto : siue coinctu  
 & liberaliori potatione , ut non te mer-  
 gat , sed curas. Nam & Catonis virtus  
 fertur incaluisse vino , quo animum pu-  
 blicis fatigatum laxaret , & melior, acri-  
 orque post remissionem resurgeret. Ferti-  
 lem agrum nunquam intermissa fœcundi-  
 tas , exhaurit : intermissa fœcundat magis.  
 Sino etiam ab aratro Viros virtute ad se-  
 cures vocari , regiâque decorari purpu-  
 râ : gemmâ bibere : farranoque dormire  
 ostro solutos curis. Vera virtus in his non

N

va-

variat, sibiq̃ue semper similis voluptate contempta, accipens erem non anteponit Mænæ. Non Zenones, non Clyantos, non Catones commendavi, dum Deo Optimo Maximo, virum inoculo ut divino alimento innutritus fiat bonus. Abeant illi qui virtutis, mentisvè bonæ scaturiginem attingere nunquam: eamq̃ue intra se præsumentes, stultissimâ pereunt opinione.

---

## CAPUT ULTIMUM.

*Bona Menti morituri gravissimis insultibus impeti.*

**D**Um in hoc variegato mortalium cætu res, & ætas patiuntur, conspiciam feci, per quæ noster Philosophus ad beatitatem, & in gloriam Dei vires exerceat, mentemq̃ue acuat. At illi jam rerum humanarum metam lassis ævi rotis pulsanti gravior ingruit hostis in animam; non in fortunas. Hostis ille jam indè ab orbe condito igneus humani generis odio totum acheronta movet, quo locus, undè superbia cecidit, hominum humilitati præcludat sit invius. Quibus non

non technis id molitur? A Dei Justitiâ ,  
 & hominum indignitate captâ perturbationis ansâ , stat ad morituri thorum Sophista. Et majorem ratione suâ vim incus-  
 surus vult videri legisse Aristotelem, atque  
 ita inquit ; omnium terribilium maximè  
 terribilem esse mortem : à dulci ad mor-  
 tem vita discessum labi in ferreum som-  
 num , & æternam noctem : morte finiri  
 quidquid lætum & dulce unquam fuit.  
 Ultrâ nihil nisi supplicium malis : Tu te  
 bonum sistis tam rigoroso judicis exami-  
 ni ? Nosce Deum , & te. Quis es ? In ma-  
 tre peccator eras. Nascebaris in mortem,  
 & dignus fulmine. Qualis ætate prove-  
 ctior ? Te legirupam negabis ? Et quia vel  
 in uno , & te socifrauidum , impudicum,  
 scelestum , paricidam , bustirascum, sacri-  
 legum , perjurium , & omnium , quæ  
 vetuntur lege , reum accuso. Deus justis-  
 simus : & omnium scelerum capitalis ho-  
 stis & vindex. Ni sit , non est Deus. Si  
 sit , quo tuam advocato causam defendes?  
 Ad Dei misericordiam fugis ? Deciperis.  
 Misericors quidem est : at ni eum summè  
 justum profitearis , injurius es. A perfectâ  
 Dei & proximi dilectione perfectâ legis  
 præstatio. Ego accusator istam justitiam  
 in te requiro. Non habes ? Peto jus dici.

N 2

Non-



Nondum sentis securim iræ & maledictionis in cervicem animæ tuæ stringi? Damnatus es, meus es. Quid moraris anima? Exi & itineri ad Tartara accingamur. Morâ pœnam auges. Age Philosophum, & postremum fare; quando potentissimo Deo visum est, ut nascerer damnandus, obsequar crudeli fato. Ostendat ille Terris in miseræ creaturæ supplicio justitiam suam. Sic sic juvat ire sub umbras. Quo respicis? Ad mortem Christi? Non omnibus prodest, illa vix ex millibus mihi unum eripuit. Repete memoriâ anteaictæ vitæ misérias, quæ non diem dies majori secuta est mœro? Sed se divini furoris in te emicantis signa non vides, cæcus es, & vitiis tuis indormis. Quid hæres? Eamus; meus es.

Istos Vir bonæ Mentis in mortis confinio ridet insultus, affaturque hostem intrepidus; nimis ridiculè cum tuo Aristotele ineptis. Verius & magis Christianè docet sapientior Plato, veram vitam esse, quæ secundum Mentem est. Hanc separatione animi à corpore, & sensibus, & verâ cum Deo conjunctione præstari: etiam dum vivimus. Ab hoc mortis initio vitam incipere, perfici demum corporis animo soluto compagibus: tunc plenius

## BONÆ MENTIS. Lib. III. 197

nus frui summo Bono. Trepidet Aristoteles ad mortis horrorem. Ego cum Platone, quo magis moriar, ad nomen mortis magis exhilarescā. At frustra sagittis ex ethnica pharetra depromptis Christianum petis. Vis suadere, exhalatā animā nihil hominis superesse? Non persuadebis. Audio beatos mortuos qui in Domino moriuntur. Et ista S. Pauli; *Cupio dissolvi, & esse cum* Psal. 144. *Christo. Mihi vivere Christus est, & mori lucrum.* apud Hab. *Sive vivimus Domino vivimus: sive morimur Domino morimur.* Sive ergo vivimus, sive morimur, Domini sumus: Christus enim mortuus est, & resurrexit, ut & mortuorum & vivorum dominetur. Vis Christi promissis diffidam? Veritas promisit. Veritas non fallit. Vis de me desperem? Edoctus sum à filio Deo misericordiam Patris Dei. Clemens & miserator Dominus tardus ad iram & multum misericors bonus Dominus universis, & miserationes ejus super omnia opera ejus. Quod tu de Dei justitia, & mei indignitate secretum gannis in aurem non inficior. Scio Deum justissimum, & fontium ultorem severissimum: me indignum qui cæli, Terræque aspectu rerum usurā fruar. Absit ut de me elatè, & amplè loquar, cùm sciam esse, cur de me demississimè sentiam. Idionè dices? Vi-

dece illum tristem , & demissum. Jacet , desperat. Larga tibi semper fandi Copia cunctos divinæ Majestatis postulando: sed licet tristis sim , non tamen jaceo: licet demissus, non tamen despero. Dum tristis sum , doleo peccatum. Dum demissus veniam spero. Suaviter quidem ista , inquires , at nimis præfidenter. Sic decet. Vin me vadari ? Vin mecum summo jure experiri ? Vadimonium promitto, nec deseram. Adsum. Sedeat Deus pro Tribunali justissimus , & severissimus : Habeo quare protinus absolvar sim licet sceleratissimus. Siles ? Missum facis vadimonium ? Nolo. Et quia tu non potes inscribi , quippè cujus poena omni major augmento : Satis tamen erit te factore orbilum & injustam accusationem testari. Dicam ego apud magnum illum Judicem. Vides Judex maxime , accusatorem vides accusatum , accusator mendacij parens est, & humanæ felicitàis hostis. Accusatus homo est; Christianus est, in Christo stat, eoque propugnante nescit vinci satis hoc, ut judices. Verum enim verò te , Deus justissime interrogabo , licitane sit unius ejusdemque debiti iterata exactio ? Hoc tua non fert justitia. Alteri pro altero rectè solvit. Christus Deus & homo infinitæ tuæ

tuæ Majestati infinitâ suâ satisfecit obedientiâ, Chirographum, quod nobis primi parentes infœliciter excusserant delictum & expunctum sanguine, Cruci in Trophæum affligendo alterum gratiæ nobis dando. Indè confidentius hic sto, ex utaque rei persona creditoris induo. Damabis me? Debitor creditorem? Cede potius Tribunali, & solve, quod debes. Nihil restat quod à me exposcas, Christus me redemit de maledictione legis, factus pro me maledictio, ut benedictionem Abrahamæ in Christo Jesu, & promissionem Spiritus acciperem per fidem. Duo tibi in Christo demonstro, quæ voluit ipse esse, quo sit perfectus Salvator; Agnum immaculatum, plenum gratiæ beneficæ: & meâ personâ susceptâ peccatum: non in se, sed in me, ut mei peccati poenâ depensâ, audiat toto terrarum orbe triumphalem hanc acclamationem; Ecce Agnus Dei: qui tollit peccata mundi. Indè est, quod coràm te justus sim. Quonam id modò? Sicut Christus fuit peccator, qui non fecerat peccatum; sic ego sum justus qui fecerat peccatum: ille meo delicto, non ullo suo peccator; ego illius non ullâ meâ justitiâ justus: gratiæ beneficæ indignitatem meam hostis objecit, eam fa-

*Ad Coloss.**2. 14.**Ad Galat.**3. 13.*

tentis doles. An non tui Joannis, imò an non tua agnoscis verba? *Si confiteamur peccata nostra, fidelis est, & justus, ut amittit peccata nostra, & emundet nos ab omni iniquitate. Si quis peccavit, advocatum habet apud te Iesum Christum justum: & ipse est propitiatio pro peccatis nostris.* Ille perfectissimè te & homines non minùs hostes quàm amicos, translatâ in se irâ Dei dilexit: atque ita utriusque tabulæ legibus abundanter impletis: solus justus, solus Sanctus. Ad dextram tuam sedet. Hâc ejus justitiâ eniteo, & tibi acceptus uti Christi frater, & cohæres sim, necesse est. Quidquid autem hæreditariæ labis in me residet, in rationem non venit: Nulla enim condemnatio est illis, qui sunt in Filio tuo, & quos in eo lex Spiritus vitæ liberavit à lege peccati, & mortis. Quid verò contra me habet argumenti mearum miseriarum atrocitas? Has pro testimonio clementissimi Patris castigamentis, & non judicis dammantis filius pertuli. Filium quem diligis, castigas. Dixi. Obmutescit accusator. Abeat in orcum: ego ad Beatorum sedem merito, non meo, sed Christi.

*Ad Rom.  
8. 1.*

F I N I S.

IN-

ELENCHUS CAPITUM  
PHILOSOPHI  
BONÆ MENTIS.

APUT **A** Vera Dei notitia Bonam Mentem  
RIMUM. esse. Fol. I.

CAP. II. Deum ex suis operibus nosci : & in illis Op-  
timum Maximum. Fol. 11.

CAP. III. In Christo veram conspici Dei notitiam &  
certam inveniri vitam, ac salutem. Fol. 21.

CAP. IV. Veram Dei notitiam expleri dilectione,  
eandē veram, & unicam esse virtutem.

CAP. V. Considerandam esse in Christo omnium Vir-  
tutum Dei maximam Misericordiam : nec tam  
satis cognosci, nisi perspecto hominis statu, qui  
est ante, & post gratiam. Fol. 37.

CAP. VI. Providentia Dei regit omnia, & ab eius  
meditatione multiplices esse fractus, quibus Bona  
Mens alitur. Fol. 55.

0

CAP. VII.

Elenchus Capitum.

**CAP. VII.** *A Divina Electionis ad aeternam vitam  
fiduciâ Bonam Mentem firmari, & undè istam  
fiduciam homini liceat capere.* Fol. 67.

**CAP. VIII.** *Vir Bona Mentis verâ Dei Notitiâ, &  
gratiâ instructus, qui se habeat in rebus exter-  
nis sive iubeat, sive pareat.* Fol. 91.

XXXXXXXXXXXXXXXXXXXXXXXXXXXXXXXXXXXX

LIBER SECUNDUS.

**CAP. I.** *V*iri Bona Mentis quamlibet actionem  
calumniis morderi. Fol. 97.

**CAP. II.** *Quemadmodum Vir Bona Mentis Theolo-  
gus, Iuris-Consultus, Poëta, Miles calumniis  
exerceatur, & fatigetur, latior demonstra-  
tio.* Fol. 102.

**CAP. III.** *Numquam perniciosiorem calumniam esse,  
quam dum per Vestram Virum bonum, uti flagi-  
tiosum, aut Deorum, & Sacrorum irrisorem,  
deferri curat.* Fol. 114.

**CAP. IV.** *Calumniam hoc agere, ut Vir bonus po-  
tentiorum contumeliis & atrocioribus iniuriis fiat  
obnoxius.* Fol. 119.

117. 943

○

**CAP. V.**

## Elenchus Capitum.

CAP. V. In istis scythis, & contumeliis Virum Bonæ  
Mentis præstare constantem ac lætum. Fol. 124.

CAP. VI. In istis miseriis an quisquam dici possit  
Beatus? Fol. 128.

CAP. VII. Vir Bonæ Mentis fœlicior & extrâ omne  
adversorum tormentum positus; quo sit animo  
erga bonos infœliciores, & miseros. Fol. 129.

CAP. VIII. De malis fœlicibus. Fol. 136.



## LIBER TERTIUS.

CAP. I. **D**E vera ratione, quare mala bonis,  
bona malis in hac vita eveniant.  
Fol. 159.

CAP. II. Obiectio: non decere bonitatem & miseri-  
cordiam Dei, gloriam suam in hominum miseri-  
is, & afflictionum tormentis ostendere: eam  
laudabilius ab internis vitiis superatis, & piis  
officiis in homines spectari. Prosperis parari cau-  
sam gratitudinis, libertatis, tranquillitatis, &  
aliarum Virtutum. Fol. 172.



### Elenchus Capitum.

CAP. III. David hoc Carmen scripsit ad eos consolandos, qui angustolent, cum vident improbos opibus, & potentia florere, bonos autem egestate, & variis incommodis premi. Fol. 184.

CAP. IV. Bonam Mentem non ita rigori, & severitate discipulæ n. accipari, ut Fortuna bonis, & natura largitionibus iucundè & hilariter non utatur. Fol. 190.

CAP. ULT. Bonæ Menti morituri gravissimis insultibus impeti. Fol. 194.

F I N I S.

---

C E N S U R A.

**L**iber cui titulus *Philosophus Bonæ Mentis*, bonæ Mentis naturam non incongruè describit. Nihil in eo reperi Fidei, aut bonis moribus contrarium, propter quod imprimi poterit. Actum 23. Septembris 1674.

**J. ROUCOURT, S. T. L.**

*Eccles. Coll. DD. Mich. & Gudil.*

*Pleb. Lib. Cens.*

**I**N hoc Philosopho Bonæ Mentis,  
quem Amplissimus, Nobilisque Domi-  
nus JOANNES A WALHORN,  
dictus DECKHER, Regius in Supre-  
mo Brabantia Senatu Consiliarius, singu-  
lari eruditione, & eleganti stylo formavit:  
cùm nihil hætenus invenerim, quod Catho-  
licæ Fidei, vel bonis moribus adversetur;  
sed ea potius contineat documenta, per quæ  
Lector ad sectanda Bonæ Mentis vestigia  
incitari possit, potentiamque ejus & mag-  
nalia humili animo agnoscendo Divinæ se-  
voluntati conformare: judico illum cum non  
modico fructu Prælo submitti, & in lucem  
publicam proferri posse. Actum Bruxellis  
XI. Kalendas May, M. DC. LXII.

ANTONIUS SANDERUS,  
Presbyter, S. Theol. Licent.  
Librorum Censor, &c.

SUM-

# SUMMA PRIVILEGIJ.

CAROLUS II. Hispaniarum  
& Indiarum Rex Catholicus, ac  
Potentissimus Belgarum & Bur-  
gundionum Princeps, Diplomate suo  
laxxit, nè quis *Philosophum Bonæ Men-  
tis Nobilissimi & Amplissimi Domini*  
JOANNIS A WALHORN', *dicti*  
DECKHER, *in Supremo Brabantiae*  
*Concilio Senatoris Regij*, præter *Martini*  
*de Bossuyt*, Urbis Bruxellensis Typo-  
graphi, voluntatem ullo modo intrà  
Novennium imprimat, aut alibi ter-  
rarum impressum in has Inferioris  
Germaniæ ditiones importet, vena-  
lève habeat. Qui secùs faxit, confisca-  
tione Librorum, & aliâ gravi poenâ  
mulctabitur, uti latius patet in litte-  
ris datis Bruxellæ 25. Septemb. 1674.

Signat,

A. DE STEENWINCKEL.



*Errata sic corrigenda.*

**F** Ol. 1. cujus l. cuius. fol. 13. globus l. globus. fol. 24. declamatur l. delaniatur. fol. 38. desiderabat l. desiērat, *bis*. fol. 43. minor l. major. *ibid.* aut l. ait. fol. 44. vitio l. vitæ. fol. 52. post suaptè natura, adde, ex peccato saucia. fol. 70. nolentis l. valentis. fol. 121. ut l. uti. fol. 160. habeat l. hebetat. fol. 177. captivam l. rapinam. fol. 178. noli l. molli. fol. 180. delet l. dolet. fol. 185. dextra l. dextera. fol. 186. mirari l. morari. fol. 187. connexa l. connexu. fol. 199. fecerat l. feceram.



FINE





R. SALVAREZZA  
RESTAURO 100 1971  
Val Sassina, 68  
Tel. 040.223

